

2

LYDOVICI CARRIONIS
ANTIQVAVM
LECTIONVM
COMMENTARII
III.

*In quibus varia scriptorum veterum loca sup-
plentur, corriguntur & illustrantur.*

Ad Clarissimum virum FRANCISCVM
NANSIVM I. C. apud Franconates
in Flandria Senatorem P. P.



ANTVERPIÆ,
Apud Christophorum Plantinum,
Architypographum Regium.
cld Is LXXVI.

C E N S U R A.

In his Antiquarum Lectionum libris, qui magno & studio & iudicio conquisiti sunt, quod sanctæ Catholicæ Romanæ Ecclesiæ religioni contrarium sit, continetur nihil: studiosisque, vt imprimantur, vtilissimi sunt. Datum Antuerpiæ Anno 1576. Die 23. Decembris.

D. Henricus Zebertus Dunghens
S. T. D. Can. Antwerp.

S Y M M A P R I V I L E G I I.

PHILIPPVS II. Hispaniarum Rex, &c. priuata lege cauit Christophoro Plantino Architypographo suo, ne quis alius, Ludouici Carrionis Antiquarum Lectionum Commentarios, intra hos annos decem proximos imprimat, néve alibi impressos vendat in suæ Maiestatis ditionibus: graui multa ei, qui aduersus ea fecerit, indicta, prout latius in diplomate dato Antuerpiæ 4. Ianuarij. M. D. LXXVI. & signato

Boudervijns.

A D
CLARISSIMVM
ERVDITISSIMVMQ. VIRVM

FRANCISCVM NANSIVM I. C.

apud Franconates in Flandria

Senatorem. PP.



TA EST, MI NANSI.
liber sum; neque Musas meas
ancillari volo. magnificos illos,
& magnidicos, &, paene ali-
quid adieceram, nihil moror.
illa etiam hominum mendica-
bula, qui litteras ad quaestum prostituere, &
earum opificium exercere, quam esurire ma-
lunt, strennue contemno. Quod itaque in
scriptis meis haecenus religiose servaui, vt
ea nemini dedicarem, praeter, qui de illis
recte iudicare posset: idem hoc potissimum
tempore secutus, tres meos ANTIQVA-
RVM LECTIIONVM Commentarios, ti-
bi donandum existimaui. cui enim potius
quam tibi? quem ego à prima ineunte aetate
haec honestissima litterarum studia Lute-
tiae, politiozem Iurisprudentiam Biturigi-
bus liberaliter didicisse, vtraque Brugis
summa cum dignitate tractare, praeclare
nouī. prudenter sane & illas ciuitates de-
legisti, in quibus disceres; & hanc, in qua,
† 2 quae

quae didicisses, ad popularium tuorum lau-
 dem & vtilitatem referres. nam, vt de Pari-
 siorum Lutetia nihil dicam, quam superio-
 ribus annis, ante grauissimam illam belli ci-
 uilis tempestatem, quae non tantum vio-
 lenta ab ipso statim initio in Gallias incu-
 buit, sed etiam diuturna, & diuturnitate pe-
 riculosa regnum Europae florentissimum
 etiamnum non cessat lacerare, alteras Athe-
 nas fuisse, norunt illi, qui bonam magnam-
 que doctrinae suae partem inde ad Belgas
 nostros fortunati reportarunt. sed vt de ea
 nihil dicam: quis nescit Biturigensem ciui-
 tatem clarissimorum semper Iureconsulto-
 rum copia floruisse? nisi si qui forte iuris ci-
 uilis studio operam dare, simul & splendi-
 dissima illa iurisprudentiae lumina, Alcia-
 tum, Duarenum, Baronem, Cuiacium igno-
 rare potuerunt. Iam vero de Brugis nostris;
 vellem mihi libere, quod sentio, liceret elo-
 qui; neque studium & iudicium meum amor
 patriae reprimeret. non vereretur asseuerare,
 vix vsquam alibi maiorem semper littera-
 rum dignitatem & eorum qui litteras ma-
 gni facerent, siue nobilitatem, siue sena-
 tum, siue denique homines priuatos spe-
 ctas, multitudinem fuisse. Et sane vt in illud
 tantum Senatorum Collegium intueamur,

cui

cui tu cum perpetuo magistratu semper interes, cum annuo vero nunc, cum paucis alijs, praesides: quot in eo numerari possunt, qui in humanitate humanissimi, in iuris scientia scientissimi, in rep. administranda sapientissimi sunt? ne necesse habeam Dammios, Bryardos, Mekerchos, Barzios, & Laurinos nominare. Inuideant vobis de reliquis vnus item & alter, qui, cum in tenebris perpetuo sint versati, litterarum lucem non ferunt; & pene, manu, ventre, nobilitatis famam captent. Tu vero clarissime & eruditissime Nansi, quod facis, litteras fove; earum studiosos amplectere; iurisprudentiam sinceriores tuere: & filio tuo Francisco, qui pro illa aetate incredibiliter in vtraque lingua promouit, hanc hereditatem cernendam relinque. imo ne cernat, aut ius deliberandi habeat, sed statim adeat, iam nunc testamento caue. Quod quoniam te facturum certe scio; hos commentarios tibi de manu in manum trado; perpetuos, si eiusmodi scripta perpetua esse possunt, amoris erga te mei & mutuae amicitiae nostrae testes. ἀντίδωρον peto, duo illa, quorum alterum Crispus Passienus ab aliquibus sufficere existimabat, beneficium & iudicium. vtrumque accepero, si alterum dederis. quod

EPISTOLA.

enim maius homini beneficium dari potest, quam si illius viri iudicio labores suos probari senserit, quem ipse virum esse grauissimum & iudicem aequissimum iudicat ? Tu itaque, mi Nansi, haec nostra ὑπόμνηματα siue quod ab eo proficiscuntur, quem amas, à quo reuera amaris, siue quod in ijs sunt non nulla, quae olim communi amico Iacobo Raeuardo placuerunt, boni consule. Vale. Louanio.

KALENDIS INTERKALARIBVS.

CL. IO. LXXVI.

BRE-

BREVIS CAPITVM
SINGVLORVM COMMEN-
TARIORVM.

CAPITA LIBRI PRIMI.

A NNA Perenna vnde dicta. Macrobius, Agellius, Martialis, & Varro emendati.

CAP. I.

Varronis & duum locorum Pacuij apud Nonium, item alterius apud Festum correctio. CAP. II.

Panda. Pantica. Ceres. Nonius, & Varro de vetere libro correcti. CAP. III.

Nonij errores notati. dedico, depetigo. Nonius & Lucilius duobus locis, item Ausonius emendati.

CAP. IV.

Perdimus aeuum. certa stant omina lege. compendia rerum. sors est sua cuique ferenda. Roma enata casis. vires Italiae. adice, subice, prima beeni. Manilius, Propertius, Papinius, emendati. CAP. V.

Libertatem perdimus. Restio Laberij. leuenna. Laberius apud Macrobius, item apud Agellium restitutus. ver sacrum facere quid sit, verbis L. Sissennae explicatum: eiusdem dispersa apud Nonium duo fragmenta collecta, & correcta. Nonij iscitia. CAP. VI.

Exilia & ilia, vnde dicta. ina. Festus castigatus.

CAP. VII.

L. Aelius Stilo. Praeconinus, Seruius Clodius, grammatici. Q. littera. Suetonius de illustribus grammaticis, & Agellius varijs mendis liberati.

Diodorus historicus. Tertullianis emendatus. idem argumentum apud Tertullianum, Minutium, & Lactantium inueniri. de Minutij aetate.

*Fasces per arua . dictator ab aratro . ingenitus sonus . consummant orbem . effusus in usu . gravia anno-
nae incendia . ventis credere opes . celeres anni . do-
mibus praefigere praedas . pacare silvas . vinere vi-
ctor . scriptor velox . cursim loquentis excipere voces .
teneros pudor impedit annos . Manilius varijs locis
correctus .*

CAP. X.

*Sumse . consumse . cresse . cesse . toga . tectum . de Naenij
Titinnij & Nonij antiquis lectionibus opinio .*

CAP. XI.

*Suppellere . scabere . verbum versus elegans in Cicero-
ne & Lucilio restitutum . Victorij sententia re-
iecta .*

CAP. XII.

*Lucilij locus prodigiose corruptus , item alter Caecilij ,
de opinione correcti .*

CAP. XIII.

*Epiciadi Grammaticus . eius fragmentum . Calatores .
Calones . Augures publici . Carisio & Arnobio scri-
ptura restituta , Suetonio cōservata .*

CAP. XIV.

*Indignos in carmine ducere cantus . mutua in alter-
num praebere alimenta . fortunae condita summa .
modus concessus in arvis . plena vincentem credita
messe . fortunae quaerere sedem . variet genitura .
orbem exprimere . comprehendere punctum . Mani-
lius castigatus .*

CAP. XV.

*Dextera vorax . culus inquinatus . manus laua . Ca-
tulli epigramma versibus quibusdam transpositis
corruptum antea , nunc suae elegantiae restitutum .*

CAP. XVI.

*Extremū S. C. ē Ciceronis lib. I. Inuectivaruū , glos-
sema sublatū . Cicero restitutus .*

CAP. XVII.

*Vacuefacio . vacuefacta . Cicero , Lucilius , & Codex
Iustinianeus emendati .*

CAP. XVIII.

*Chilonis sententiam , aliter quam vulgo , scribendam
videri .*

CAPITVM.

videri. ad hoc. examussum. astu. honores. matrimoni-
 orū frequentatio. defectus Agellij suppletus:
 ex eodē varia menda sublata. CAP. XVIII.
 Vestae venetralia. per saecula. illudere ponto. Aries
 primam partem sibi vindicat. domini quocunque.
 tuculis fallantur pectora notis. ostentant mortali-
 bus astra. negat vires victumque salubrem. con-
 summat septima partem. aurauit vellere pontum.
 Ad Colchida tergore vexit. Manily plurimis lo-
 cis emendatio. CAP. XX.

CAPITA LIBRI SECVNDI.

Antistare. pausa pugnae. congressionem factum est.
 contumelia factum itur. rem praesidio futurum.
 inimicos dicturum. copias occupatas futurum.
 Deos benefacturum. in Quadrigario glossmata
 inducta. eius, Nonij, item Agellij, diuersis locis ca-
 stigatio. CAP. I.

Bambalo. Jemissus. balathro. balatus. Cicero, Glos-
 sarius, & Adamantius Martyrius restituti.
 CAP. II.

Argentum Romae quando signatum. Eutropius, Fa-
 sti, Plinius, ea de re correcti. CAP. III.

Magistri conuiuiorum. praefecti vrbi. viri Consula-
 res. regiones vrbis. Lampridius & Sallustius ema-
 culati. CAP. IV.

Alius finisset iter. votum soluit. amplexus Olym-
 pum. nox contrahit alas. indelassato corde. ponti-
 bus impositis. admonisse Iouem terris. tulit vesti-
 gia cursu. Maniliani versus castigati; & alterius
 cuiusdam vitium indicatum. CAP. V.

Alter amboe. Renatus Vegetius correctus. itē Labeo
 Antistius apud Agell. a. a. V. notae. CAP. VI.

INDEX

- Mimus. componere in mains. celebrare in mains. Sal-*
lustius apud Lactantium, item Lactantius alibi.
emendati. CAP. VII.
- Aduentus. Gentianus. principales officiorum viri.*
Herodianus, Codex Iustiniani, Capitolinus, & So-
linus illustrati & correcti. CAP. VIII.
- Cultus cura. in fluctum ponere crines. renocare vndis.*
morbis virtutis nomine. leporem tollit. pedibus
pinsare manus. ludere fulto. disponere palmas
terrae spem credere in annua vota. Manilius
locis aliquam multis emaculatus. CAP. IX.
- Memoria in Seneca desiderata. defectus suppletus.*
alia correcta. Thucydidis & Sallustij sententia.
CAP. X.
- Nisus grammaticus. Remmius Palaemon. oris infam-*
ia. Arnobius, Suetonius, Aelius Lampridius ca-
stigati, & explicati. Achillis Statij emendatio ex-
plosa. CAP. XI.
- Nimium quantum. è Cicerone & Agellio glossemata*
sublata. Cicero alibi purgatus. CAP. XII.
- De eadem loquendi ratione apud Terentiū disputa-*
tio: eiusdemque Terentij castigatio. CAP. XIII.
- Sulcatis credere terris. usura sorte maior. vescimur*
auro. arcu teloque. agitata pectora in usus. non con-
tenta domo. inter medios prensare meatus. Mani-
lius correctus, & de quodam loco coniectura.
CAP. XVI.
- Post principia. viaticum. Q. Claudij Quadrigarij*
insignis defectus, & alter M. Varronis suppleti.
CAP. XV.
- De locis aliquot Plauti Rudete indicatū. CA. XVI.*
- Legirupio. Legirupa. palæstra. Plantus, Rudente,*
de opinione, correctus. CAP. XVII.
- E Mani-*

CAPITVM.

E Manilio cōpluria vitia sublata. CAP. XVIII.
Lucretij locus à Crispino imitatus. Catullo sua scri-
ptura seruata; Sallustio & Nonio reddita.

CAP. XIX.

Cinnae suus versus restitutus. Eiusdem duo disper-
siolim, nunc coniuncti. Nonius & Isidorus cor-
recti. Mureti opinio confutata. CAP. XX.

CAPITA LIBRI TERTII.

Ius trium liberorum in V. V. capiunda. Legis Pa-
piae verba correcta. Lex Populia. P. R. Quiriti-
busque. Fabius Pictor, & M. Cato emenda-
ti. Agellij defectus suppletus. CAP. I.

Renones. Sallustius & Caesar explicati. Caesaris
vulgares scripturae defensae. aliorum eiecta e-
mendatio. Cor. Tacitus castigatus. CAP. II.

Tempora monstrant. perennare. figuratio. medius
tumor. tres versus apud Manilium loco alieno
positi. Manilius & Agellius restituti.

CAP. III.

Calatores. vetus inscriptio. Varro de lingua Latina
& Agellius correcti. CAP. IV.

Concurri. attotonse. hiatus poetis veteribus frequen-
tes. Varronis versus emendati. CAP. V.

Fasti Sibyllini. Ciceronis orationes in Catilinam
tribus locis de vetere libro castigatae.

CAP. VI.

Edolare. Quinctipor. Clodianus. Gargaridare.
Fors fortuna. duo Varronis fragmenta coniuncta,
tria restituta. CAP. VII.

Legatus P. R. P. R. inscriptiones veteres. Caesari
sua asserta scriptura. glossema ex eo eiectum.
Caesar correctus. CAP. VIII.

Mundus

INDEX CAPITVM.

Mundus. Pylius. Magno maxima Pella. terrae vapor. panos. tenuisque capillus. Naenius, Valerius Flaccus, Manilius castigati. CAP. IX.

Nugas. Percontat. Naenius & Varro apud Noniũ e vetere libro castigati. CAP. X.

Statius Papinius Achilleide de veterum librorum scriptura restitutus. CAP. XI.

Aliud Phanorinum, quã vulgo existimetur, de versu quodam Virgiliano sensisse videri. eamque in rem caput quoddam Agellij emendatum. CAP. XII.

Capularis. defloccare. Nonius duobus locis, & Plautus in fragmentis correcti. CAP. XIII.

Liber Manilij primus percurritur: & compluria omnis generis errata ab eo auferuntur. CAP. XIV.

De duum locorum Varronis, & Nonij aliquot restitutione, coniectura. CAP. XV.

Xantippus Lacedemoniorum dux. ταχιγός. Vegetius li. ij. mendis aliquã multis liberatus. CAP. XVI.

Delectari in re. atra fuligo. L. Aelius, exigor pecuniam. ex Agellio glossema eiectum. eius defectus aliquot suppleti. Agellius & Caecilius correcti. CAP. XVII.

E Statio Papinio aliquot menda sublata.

CAP. XVIII.

Vorat ignem. supra est hominemque Deumque. fluctusque natantes. moenia mundi. locus Manilij de Lucretio expressus. varijs locis Manilius emaculatus. CAP. XX.

Militia plebei volenti. phrasis Graecorum à Sallustio expressa. Sallustius eam in rem correctus.

CAP. XX.

SCRIPTORES, QUORVM IN

HIS COMMENTARIIS LOCA

partim illustrantur, alia suppleantur, pleraque corriguntur. ubi Barbara nota paginam, Latina verò, locorum eadem pagina correctorum numerum designat.

A Damantius Martyrius.	57. ij.
Aelius Stilo.	7.
Afranius.	145.
Agellius lib. primo.	47. 48. ij. 49. iv. 55. 56. ij. 68. 83.
84. 102. ij. 103. ij. 104. 136. 148. 149. iij. 150. vi.	
Idem lib. secundo.	29.
Idem lib. ix.	54. vj. 55. iv.
Idem lib. x.	15. 55. 112. 113.
Idem lib. xiii.	2.
Idem lib. xv.	151. ij.
Idem lib. xvi.	15. 22. 15.
Idem lib. xvii.	90. 105.
Idem lib. xviii.	149.
Idem lib. xx.	22.
Aimonius monachus.	105.
Albinouanus.	142.
Arnobius.	8. 35. 79.
Asconius Paedianus.	44.
Asinius Gallus.	13.
Ateius Capito.	103.
Aurelius Nemesianus.	128.
Ansonius.	10. 28.
Caecilius.	34. 151.
Caesar.	114.
Caesar in comment.	42. 104. 105. 106. ij. 111. 125. 116. ij.
Calpurnius.	66. 109.
Cassiodori Orthographia.	33. 57. 80.
Cato.	56. 104. 114. 149.
Catullus.	41. 97. 100.
Celsus.	85.
Comminianus.	132.
Cornelius Tacitus.	63. 105. 107.
Crispinus.	97.
Claudianus.	13. 70.
Codex Iustiniani.	46. 72. 73. iij. 74.
Cyprianus.	24.
	Demo-

INDEX.

Demosthenes.	78. 158.
Donatus.	85.
Diodorus.	24.
Eutropius.	59. 60. Ennius. 149.
Fabius Pictor.	103.
Fabius Fulgentius.	97.
Fasti Consulares.	59. 60. 71. 73.
Festus.	5. 16. 17. 11. 20. 34. 103. 104. 118. 120. 138. 145.
Glossarius Latinus.	8. 48. 58. 118. 132.
Glossarius Graecus.	58. 132. 147.
Graccus.	56.
Herodianus.	72. ij.
Helius Cinna.	100. 101.
Horatius.	6. 7. 27. 11. 110
Homerus.	149.
Hieronymus.	24. iij.
Isidorus.	100. 101. 105.
Iulius Capitolinus.	73. ij.
Iulius Solinus.	74.
Iuuenalis.	129.
Inscriptiones veteres.	36. 73. iij. 122. ij. 123. 124. ij.
Laberius.	15. iij.
Lampridius.	61. 62. iij. 63.
Labco Antristius.	68.
Lex xij. tabularum.	92.
Lex Papia.	102.
Lex Populia.	103.
Lactantius.	24. 69. 70.
Liuius Andronicus.	149.
Liuius.	16. 42. Lucius Sisenna. 15.
Lucilius.	8. 10. 31. 33.
Lucretius.	29. 46. ij. 97. 156.
Macrobius.	1. 2. 3. 15. 45. 108.
Manilius lib. primo.	13. ij. 107. 108. iij. 109. iv. 110. 128.
	129. iij. 130. 139. ij. 140. iij. 141. iv. 142. iv. 143. 153.
	iv. 154. iij. 155. vi. 156. ij. 157. iv.
Idem libro secundo.	50.
Idem lib. tertio.	37. 78. iv. 39. vi. 156.
Idem libro quarto.	ij. iij. 12. iij. 13. iij. 25. iij. 26. ij. 27. iij.
	28. ij. 50. iv. 51. viij. 52. ij.
Idem lib. quinto.	64. ij. 65. iij. 66. 75. iv. 76. iij. 87.
	88. 89. 95. iv. 96. ij. 97.
Minutius Felix.	12. 23.
	Mar.

I N D E X.

Martialis.	3. 4. 13. 28.
Naeuius.	29. 130. 133.
Nonius.	5. 6. ij. 7. 8. 10. 16. ij. 29. 48. 55. 98. 100. 113. 119. ij. 130. 131. 133. ij. 137. 138. 144. iv. 145. ij.
Ouidius.	2. 3. 129.
Pacuius.	5. ij.
Papinius.	13. 134. 151. 152.
Paulus Iurifconsul.	63.
Paulus Diaconus.	16. 17. 103. 110.
Plautus.	48. 49. 91. ij. 92. iv. 93. ij. 94. ij. 114. ij. 137. 138.
Plinius.	59. 60. 63. 120.
P Victor.	63.
Plutarchus.	118.
Porphyrus.	78.
Priscianus.	80. 114. 120. 132. 159.
Probus.	120.
Propertius.	12.
Quadrigarius.	54. vi. 55. iv. 56. ij. 90. 108.
Quinctilianus.	120.
Renatus Vegetius.	67. 68. 146. 147. ij. 148.
Sallustius Catilina.	42. 50. 118.
Idem Iugurtha.	16. 64. 70. 158. 159.
Idem hystoriis.	70. 78. 98. 105. 106. 120. ij.
Seruius Honoratus.	105. 137.
Seneca.	25. 51. 77. ij. 78. 106.
Sosipater Carifius.	35. 85. 132.
Tertullianus.	23. 24.
Terentius.	85. 86. 87. 114. 121. 150.
Tibullus.	12. 27.
Tictonius.	29. 30.
Tranquillus.	18. 19. iv. 35. 36. 79. 80.
Tullius Cicero.	22. 32. 41. 56. 81. 82. 83. 84. 115. 116. 117. ij. 108. 57. 68. 43. 44. 45. ij. 55.
Thucydides.	78.
Valerius Flaccus.	128. 152.
Valerius Maximus.	146.
Valerius Probus.	68.
Velius Longus.	80.
Verrius.	17.
Varro.	2. 3. 4. 6. ij. 7. 26. ij. 111. 112. 113. 114. 115. 119. ij. 120. 131. 144. ij. 145. 150.
Virgilius.	52.
Zonaras.	59.

IN LVDOVICI CARRIONIS

ANTIQUARVM LECTIONVM COM-
mentarios tres, ad V. C. Franciscum
Nansium Adolphi Mekerchi
epigramma.

Εἴνεα Ἡροδότῳ Μοῦσαι τὸ πάλα ποτ' ἔδωκαν
Εἴνεα μὲν βίβλους ἀντὶ φιλοξενίης,
Νῦν δ' οὐδ' ἂν παρ' Ἀποδείκ' βιβλιακῶϊά τ' ἀνδρὸς,
Βιβλιακώτατ' ἄνερ Νήσιε, δῶρα φέρεις
Τῶν Χαρίτων τεσσῶν, τάδε βιβλία τεσσά' μεγίστης
Σέιο δὲ τῆς φιλίης ἔνεχε, καὶ Γρίης.

Τοῦ αὐτοῦ.

Μοῦσαι, καὶ Χάριτες, Φοῖβος, Παλλάς τε, καὶ Ἑρμῆς
Ὡς μοσαι ἀλλήλοις οἰθαδε γαμεταίην.

Nicolaus Adolphi F. Mekerchus
vertebat.

*Herodoto ter tres ter terna volumina quondam
Hospitij merito Pierides dederunt.*

*At tibi librorum cultori, candide NANSI,
Librorum cultor CARRIO & ipse, dicat
Tres libros, Charitum ternarum munera, raræ
Doctrinae pignus, pignus amicitiae.*

E I V S D E M.

*Musæ, Gratia, Apollo, Minervâq. Mercuriusq.
Hic se iurarunt velle habitare simul.*

LVDO-

LVDOVICI CARRIONIS
ANTIQUAR. LECTIO.
COMMENTARIVS PRIMVS.

Anna Perenna vnde dicta. Macrobius, Agellius, Martialis & Varro emendati.

CAPVT I.



MULTA mihi sunt impedimento, ne meos sacrorum Romanorū fastos, siue de veteri iure Pontificio libros, iamdudum in aduersarijs per me affectos, amicis meis atque adeo omnibus harū artium vere liberalium studiosis perfectos tradam. interea constitui tamen, nonnulla ad veterum scriptorum emendationem pertinentia, loco ibi alieniore posita, dum illi perpoliuntur, inde desumere, & his meis Antiquarum lectionum Commentarijs inspergere: vniuersi operis vulgo quasi specimen quoddam exhibere denique.

Igitur vt à Martio, id est, eo mense, quem anni principem sub Romulo fuisse accepimus, initium sumamus: scribit Macrobius id verum esse, ex hoc maxime probari, quod ab ipso Quintilis quintus est: & deinceps pro numero menses numerantur: Huius etiam die prima ignem nouum Vestae aris accendi solitum: vt incipiente nouo anno cura denuo seruandi ignis inciperet. eodem quoque ingrediente mense, tam in regia & curijs, quam Flaminum domibus Laureas veteres nouis Laureis mutari. De quibus Onidij hac quidem in parte ad verbum à Macrobio imitati illa sunt:

Lib. I. Saturn. cap. xij.

Lib. ij. Fastor.

*Nou dubites primae fuerint quin ante Kalendae
Martis: ad haec animum signa referre potes.*

Laurea Flaminibus quae toto perstitit anno

Tollitur: & frondes sunt in honore nouae.

Ianna tunc regis posita viget arbore Phœbi,

Ante tuas itidem curia prisca fores.

Adde quod arcana fieri nouus ignis in aede

Dicitur, & vires flamma resecta capit.

Denique quinctus ab hoc fuerat quinctilis; & inde

Incipit, à numero nomina quisquis habet.

Addit Macrobius. Eodem mēse & publice & pri-

uatim ad annum perennem sacrificatum itur, vt an-

nare perennareque commode liceat. Quae verba, vt

vulgo quidem scribuntur, specie recta sunt; re &

veritate vitiosa. itaque scripserim: ad Annā Per-

ennam: vel ipsius, quem dixi, auctoritate motus.

Nec mihi parua fides annos hinc esse priores:

Anna quod hoc coepta est mense Perenna coli.

E T:

Idibus est Annae festum geniale Perennae

Non procul à ripis aduena Thybri tuis.

De qua M. Varronis locus mihi hoc tēpore cor-

rigendus est, à magni aliquot nominis viris teme-

re tentatus antea. Eius apud Agellium ex satyra

Menippaea, quae sciamachia dicā an Criomachia,

inscribitur, versus hi sunt:

Theanna & Peranna, Pranda Celato, Pales

Nerienes & Minerua, Fortuna ac Ceres.

*Quorum priorem qui ita se constituere posse
existimant,*

Te Anna & Peranna, Pranda, Celato, Pales.

*multimodis falluntur. neque enim vident, quod
tamen visu facillimum erat, non duas easque di-*

uersas

Macrobius
cap. eodem.
Correctus.

Quidius li.
III. fast.

Agellius li.
XIII. cap.
XXI.

uerfas deas, sed vnā implorari. eandē deinde, *Perannam*, ijdem illi non recte indigetāt. nam siue ab amne perenne, vt ipsa apud eundem Poetā vult.

Anne perenne latens Anna Perenna vocor,
siue à temporis & annorum perennitate, vt Macrobio placuit: siue denique,

Pace domi facta signum posuere perenne,

Quod sibi defectis illa ferebat opem:

ex quacunque, inquam, earum causarum nomen illi veteres dederunt; *Perennam*, non, *Perannam*, dici oportuit. cui qui operantur,

Sole bilares vinoque calent, annosque precantur

Quot sumunt cyathos; ad numerumque bibunt.

Inuenies illic qui Nestoris ebibat annos,

Quae sit per calices facta Sybilla suos. ET:

Sunt quibus haec Luna est, quia mensibus impleat annum.

Pars Themin, Inachiam pars putat esse bonē.

Inuenies qui te Nymphen Athlantida dicant;

Teque Ioni primos Anna dedisse cibos.

Hanc autem deam Ariciae coli solitam testis est Martialis, vt quidem in vetere familiaris mei Petri Diuaei, omnis historiae & antiquitatis studiosissimi & scientissimi libro legi video:

Siue Numae coniunx Triviae te misit ab Anna.

nam & vulgo & in alijs aliter. sed ad Varronem. cuius verba ita scribo:

Ted Anna Perenna, Panda, te Lato, Pales,

Nerienes & Minerva, Fortuna, ac Ceres.

Scribo, *Ted Anna*; antiquorum in litteris huiusmodi interponendis consuetudinem secutus: cuius litterae interiectioni errorem illum, *Theanna*, libenter assignare soleo: nisi quis litteram

Martialis
VI. expigr.
XLVII. commendatus.
Varro corre-
ctus.

eam nihil necessariam esse dixerit, & hiatum, de quo alibi dicemus, admittat. Fuit etiam tempus cum posteriorem illum versum paulo aliter legerem:

Te Nerienes, Minerva, Fortuna ac Ceres.
quomodo mihi quidem nescio quid amplius venustatis habere videtur.

Varronis & duum locorum Pacuuij apud Nonium, item alterius apud Festum correctio.

C A P V T I I.

INSV BIDI sint oportet ac nulli palati homines: qui cum reliquas, ex dubijs illis Artij, Pacuuij, & ceterorum de hoc genere veterum poetarum cenis delitias degustant; non continuo incredibilem earum suauitatem sentiunt: sed illas, veluti nauseabundi, auersantur. sane si quando Hispanici illius mihi in mentem venit;

Attonitusque legis terrai frugiferai

Attius & quicquid Pacuuiusque vomunt:

non tantum ridere peruersum eorum de poematis pangendis iudicium, sed etiam proiectam saeculi illius de alieno opere bene facto, male iudicandi audaciam deplorare & paene peluim poscere, soleo. Igitur ego, vt homines, credo, sani omnes, & antiquorum poetarum scripta libenter lego, & dum mirificam legendo voluptatem capio, magnum in ijs, quae restant, emendandis studium pono. itaque ex eorum vno, Pacuuius videlicet, iam olim mendum sustulimus: idque ijs in scholijs indicauimus, quae annis superioribus in

Vale-

Valerium Flaccum mille locis à nobis emendatum edidimus. cum enim apud Nonium legitur :

Barbaricam pestem sabinus nostris obtulit

Nova figura factam commissam infabre:

Vestem, non, *pestem*; *nauibus*, non, *sabinus*, scribi oportere docuimus: & quicquid verborum erat, in numerorum rationem coegimus. Addantur nunc alij eiusdem poetae versus non minus, im-

Pacuvius emendatus.

Nonius in vocibus, Infabre, & Committere.

mo aliquanto amplius, deprauati, suisque numeris confusi; & quantum potest, à nobis corrigantur. Festus: *Vastum*, ait, ponitur pro inani. Pacuvius.

Festus correxit.

Quales scabres quod inculta Vastitudine. ad quae verba Antonius Augustinus vir summus, & ut eius amplitudo & praeclara omnium sciètiarum cognitio meretur, non nisi cum honore nominandus, monet Pacuvium apud Nonium scribere.

Pacuvium, Teucro.

Quae desideria alumnus? paenitudo.

Nonius; Alumnus, Paenitudo, Vastitudo, Scapres.

Quales, scapresque inculta Vastitudine.

Quae scriptura etsi omnem in partem recta non est; tamen me ad eam, quae recta est, inuestigandam quasi manu duxit. rectam ne esse existimem in causa est, constans librorum Nonij varijs locis in aliam consensio; & diuersa Nonij ipsius certorum verborum interpretatio. qui nisi me fallit, ut certe nō fallit, & Festus, & ille ipse, quem dixi, Nonius hunc in modum corrigendi sunt: Pacuvius Teucro:

Quae desiderio alumnus, paenitudine

Squalles; scapresque inculta vastitudine.

Scapres, pro, scabres Pacuvium dixisse notat Marcellus, quod à viris quibusdam doctis Nonium

non ita pridem emendare aggressis, in tanta veterum librorum, quibus vsi sunt, copia animaduersum non esse, per mehercule miror. Varro certe eadem illa ita coniunxit. vt iam ijs non pro verbis, liceat ita loqui, sed pro nominibus vsus fuerit. verba eius Manio apud Nonium corrupta, sic emendo: *squale scapreque illunie & vastitudine.* quod certe facit vt dubitè scripseritne Pacuuius, *Squalle, scapre atq. inculta vastitudine.* quid alij viderint, ipsi viderint.

Varro apud
Nonium, Il
luuies, &
Vastescat
correctus.

*Panda, Pantica, Ceres, Nonius & Varro
de vetere libro correcti.*

CAPVT III.

QUOD me superiore capite, dum de *Anna Perenna* ageretur, fugit scribere, in Varro-
nianis illis versibus suum deae *Pandae* nomen, quod prioris aetatis incuria mutauerat, esse restitutum: nequis id temere & sine certa ratione a me fieri calumniatur; libet nonnullas restitutionis illius causas in medium asserre: & earum quantum quaeque valeat, cuilibet volenti, existimandum relinquere. Deos deasue pro diuersa dignitatis, officij, potestatisue ratione, diuersis etiam nominibus appellari consueuisse, res est in vulgus nota, & huiusmodi, vt ad eam probandam nihil sit necesse magnam orationem comparare. Itaque quam venatores *Dianam* dicunt, eandem parturientes in comoedijs *Iunonem Lucinam* inuocant;

Tu Lucina dolentibus, Iuno dicta puerperis.

et qui

et qui alicui Deo sacra faciunt, cum ignorent quo is nomine potissime delectetur, nullum eorum, quae ei tribui solent, scientes omittunt. ex quo illud in carmine saeculari:

Rite maturos aperire partus

Lenis Ilithya tuere matres,

Sine tu Lucina probas vocari

Seu genitalis.

Deos videlicet religiosa antiquitas obsequentiores, magisque sibi propicios fore credebat, si, quo quisque nomine gaudebat, eodem compellarentur. Eodem loco istam Varronis inuocationem cēseri, & ad Cererem referri oportere, parum abest, quin asseuerem. quae enim vulgo *Ceres*; ea in sacris *Panda* vocabatur. qua in re cui potius quā eidem Varroni testimonium denunciabo; qui illud ipsum libro de vita P. R. primo apud Nonium scriptum reliquit? sed praestat Nonij verba, ut in veteri libro bibliothecae Elnonenfis perscribuntur, & vero ut scribi debent, subiungere: sic enim id quod dico melius intelligetur; simul Nonij & Varronis loci, immane quantum deprauati, emendabuntur. *Pandere*, inquit Nonius, *Varro existimat ea causa dici: quod qui ope indigerent & ad asylum Cereris confugissent, panis daretur: pandere ergo quasi panem dare; & quod numquam fanum talibus clauderetur. de vita populi Romani libro 1. Hāc deā Aelius putat esse Cererem. sed quod, in asylum qui confugisset, panis daretur, esse nomē fictum à pane dando pandere, quod est aperire, qui locus Varronis ex sententia Aelij, cui Varro operam dedit, manifeste, ni fallor, de Panda accipiendus est. ab ea tamen aliam nominis illius ra-*

Varro li. 1.
de vita. P.
R. emēdauit.

Nonius, P.
do, emenda-
uit.

Arnobium
aduersus Gē
tes lib. iij.

tionem neque eam incommodam quibus facile reddiderit. Auctor est enim Arnobius, scriptor eruditus & vetustus, quod Tito Tatius, Capitolinū vt caperet collem, viam pandere atque aperire permissum fuerit, deam *Pandam* esse appellatam, vel, *Panticam*. sunt alij qui deam pacis esse volunt. eo quod pacis tempore urbium portae aperiantur. ex quo glossarium Latinum, *Panda*, inquit Εἰρήνης θεός. de pranda, nusquam equidem vllum, quod sciam, verbum.

Nonij errores notati. dedico. deperigo. Nonius & Lucilius duobus locis, item Ausonius emendati.

CAPVT IV.

INFINITI sunt in Marcelli Commentarijs errores; & eorum plerique eius generis vt scriptori ipsi, non autem, quod in alijs solet, librarijs debeant assignari; & tamen Poetis ab eo laudatis magnae saepe numero fraudi sint. nolo iam ingentia boni illius viri facinora commemorare, sat erit vno atque altero exemplis, verum esse id quod dico, vincere. *Dicare*, inquit, est tradere. Lucilius lib. xxx.

Iuratum se Vni, cui sit data adaeque dicata.

Nonius, di-

Quibus in verbis paucissimis, duplici errore erratum est. nam & *dedicare*, non, *dicare* scripserat Lucilius; & Nonius versum Lucilianum referens, *deque*, non, *adaeque*, *iuratum*, non, *iuratum* posuerat. igitur de eorum sententia, quos iam dixi.

Iuratum

Juratam se vni cui sit data deque dicat a.

scribendum cenſeo. tmeſis nimirum, figura huic
 poetae domeſtica, ignorata Nonio errorem obie-
 cit: Nonij interpretatio alios porro in alium er-
 rorem traxit. Occurrit nunc alius, huic par, immo
 geminus eiufdem Lucilij locus. in quo eandem
 non Nonij modo, ſed etiam librariorum culpam
 agnoſcas licet. qui tamen, quod neceſſario habeo
 praefari, non à me, ne quis erret, ſed à *L. Fruterio*
 olim caſtigari meruit. *Fruterium* cum nomino;
 incredibili quadam doloris magnitudine ani-
 mum mihi pertentari ſentio: prae qua equidem
 quomodo de ſingulari ingenij illius praeſtantia,
 abſoluta iudicij integritate, perfecta omnium di-
 ſciplinarum cognitione, ſummo denique vitae &
 morū candore aut quod volo eloquar, aut quod
 dicere deſeo, taceam, omnino non inuenio. vi-
 xiſſet diutius diuinus ille iuuenis, vixiſſet: neque
 ad maximam ingenij & doctrinae laudem ef-
 floreſcens è medio honeſtiſſimarum actionum
 curriculo immatura morte abreptus fuiſſet: aut,
 quod huic proximum erat, eos quos potuit, quos
 debuit, non fures, non plagiarior, falſique con-
 uictos, recti ſpecie deceptus, ſcriptorum ſuorum
 extremis tabulis heredes inſtituiſſet: exſtarent
 hodie praeclara virtutis illius, cuius iam tum fo-
 ras ſemina ſeſe proijcere geſtiebant, argumenta:
 eſſet cuius de ea eruditionis excellentia, proclive
 iudicium. non mea, non alterius cuiuſpiam qua-
 licunque deſenſione, dicam an teſtimonio? apud
 exteros egeret Fruterius. ille igitur Fruterius (tan-
 dem ad inſtitutum ſermonem me referam ta-
 men) cum aliquando eum verſum me praesen-

*Lucilij
 correctus.*

te recitari audiret:

*Illuuias, scabies, oculos huius denique petigo
conscendere.*

Nonius, Pe-
tigo.

vt erat iudicio supra humanum praeditus, ita Douzam, inquit, amicum habeam, vt nec Lucilius nec vero temporis illius aequalis alius petiginem nouit; neque Nonius Lucilianorum verborum mentem satis percepit. depetiginem enim antiquorum more dixit Lucilius, quam impetiginem alios dixisse constat. sic enim scripsit:

*Illuuias, scabies, oculos huius deque petigo
conscendere.*

et ne quis poetam tmesibus huiuscemodi vsum esse infitietur; en vobis testem locupletem, & vt Iureconsulti loquuntur, omni exceptione maiorem Aufonium: cuius ea sunt:

Aufonium ex
stima secun-
da ad Theo-
nem Epist.

Lucani mox potieris aco.

Rescisso dices componere nomine versum.

Lucili Vatis sic imitator ero.

quae Fruterij opinio, ita certa est, vt iam opinio esse desinat. quod tamen non vidit Nonius, multoque minus amictus noster, qui si Nonium varia lectione nobis non deprauauit, quod dicere non audeo, certe aeque atque inuenerat, aut paulo sane minus prauum reliquit. Aufonij autem versus aliter quam vulgo leguntur, & vt legi debere Fruterius opinabatur, quod paene praeterieram, proponendos putauit.

Perdimus

Perdimus acuum. certa stant omnia lege. compendia rerum. fors est sua cuique ferenda. Roma enata casis. vires Italiae. adice, subice, prima breui. Manilius, Propertius, Papinius, emendati.

CAPVT V.

*Quid tam sollicitis vitam consumimus annis?
Torquemurque metu, caecaque cupidine rerum.
Aeternisque senes curis dum querimus acuum.
Perdidimus & nullo votorum fine beati?
Victuros agimus semper, nec viuimus vnquam.
Pauperiorque bonis quisque est, qui plura reposcit.
Nec quod habet numerat, tantum quod non habet optat.*

Elegantissimi versus sunt doctissimi poetae Manilij, qua à distinctione, qua à scriptura valde prauis: quos ita à me corrigas licebit.

*Quid tam sollicitis vitam consumimus annis,
Torquemurque metu, caecaque cupidine rerum?
Aeternisque senes curis, dum quaerimus acuum,
Perdimus? & nullo votorum fine beati,
Victuros agimus semper, nec viuimus vmquam?
Pauperiorque bonis, quisque est, qui plura requirit,
Nec quod habet numerat, tantum quod non habet, optat?*

Manilius
IIII.
Vnf. j.

Ac deinde.

*Fata regunt orbem, certa stant omnia lege.
scribo; Certa stant omnia lege.
paulo post:*

Ibid. Vnf.
XIV.

Vnf. XI

*Et vitia & clades, damna & compendia vitae.
scribo; —damna & compendia rerum.
—damna & compendia rerum.*

Vnf. xx.

mox: Nemo

*Nemo caret damno, poterit nec habere negatum,
Fortunamue suis inuitam pendere votis.*

Aut fugere instantem. sors est sua culpa ferenda.
Eorum versu secundo legendum conicio: inuitam
prendere: vt ei, quod cōsequitur, recte opponatur.
tertio vero, quidam liber habet: *sors est vacuque
ferenda*: è qua lectione coniecturam veram, vt
opinor, facio, & de qua nemo dubitare potest,
legendum esse:

— *sors est sua cuique ferenda.*

Sequitur paucis abhinc versibus:

*Non euersa viro, fatis vicisset in ipsis:
Aut Lupa proiectos nutritisset Martia fratres.
Romaque sic enata foret.*

Var. XXI V lego: — *Troia sub uno*

Non euersa viro fatis vicisset in ipsis?

Aut Lupa proiectos nutritisset Martia fratres?

Roma casis & nata (aut certe, enata) foret?

Quae emendatio nisi certa est, reliqua etiam omnia pro arbitrarijs haberi volo: Sic Propertius ocellus Poetarum.

Propert. lib.
I V. Eleg. I

Hoc quodcunque vides hospes, qua maxima Roma est,

Ante Phrygem Aenean collis & herba fuit.

Et:

Fistilibus creuere deis haec aurea templa.

Non fuit opprobrio facta sine arte casa.

Eleganter etiam Minutius felix Octauio: Ob pastorum & casae regnum de geminis historia notissima est. & meum mel Tibullus:

Romulus aeternae nondum fundauerat urbis

Moenia, consorti non habitanda Rhemo.

Illic pascebant herbosa palatia vaccae

Et sta-

Et stabant humiles in Iouis arce casae.

Scripsi superius; *qua maxima Roma est*; quod ita scribendum esse mihi persuaderem, immo vero prope certo scirem. nisi forte illi Maniliano simile est.

Manil. li. I.

Vers.

XXXVII.

Sentirentque Deum gentes quam maximus esset.
Finem huius capitis dabo; si vnum praeterea locum adiecero:

Idem li. IV.

Vers. XLIII.

*Adde etiam Italicas vires, Romamque suismet
Pugnantem membris: adijce ciuilia bella.*
scribo: *Adde etiam vires Italas, Romamque suismet
Pugnantem membris. adice & ciuilia bella.*

Sic quod infra est; — *Cannasque sepulchris
Obruit, & Libyam Italicas infudit in vrbes.*

Idem Vers.

100.

LXXV.

scribo ex vetere codice: *Et Libyen Italas infudit
in vrbes.*

Quemadmodum autem hic, *adice*, prima breui Poeta extulit: ita alijs versibus, si correctorum audaciam potuissent effugere, idem fecisse existimandus est. Neque enim dubito quin illa:

*His addunt aliquos diuersa fila trahentes
inter se gyros.*

Idem lib. I.

Vers. 100.

LXX.

ad eundem modum sint scribenda:

*His adice obliquos, aduersaque fila trahentes
inter se gyros.*

Quin & Statius Papinius, quem breui, dis volentibus, multis millibus meliorem in vulgus dabimus, eadem ratione dixit:

Subicit gaudis Vlysses.

Statius A-

chill.

Cland. de

rapin.

Proserp.

lib. III.

Vers.

CXXXIV.

Claudianus: *Subicit Cybele: Non tanta Tonanti.
Segnities: & Martialis:*

Nil adicit penso Lachesis.

Quo illud etiam Afiniy Galli in Marcellum
epigram-

epigramma pertinet:

*Qui caput ad laeuam deicit, glossmata nobis
Praecipit, os nullum vel potius pugilis.*

sed haec parua sunt, nec est quisquam, qui non per se, à nullo monitus, sic emendaturus fuisse videatur. quanquam quod magnorum virorum testimonio de eloquentia dicitur; nihil in ea esse quod spem tantopere fallat, quam quod quilibet cum audiuerit consecuturū se nullo negotio imitatione confidat: idem ego in vniuersum de omni hac veteres scriptores, emendandi ratione vere dici posse statuo.

*Libertatem perdimus. Restio Laberij. Leuenna.
Laberius apud Macrobiū, item apud Agellium
restitutus. Ver sacrum facere, quid sit, verbis L.
Sisenna explicatum. eiusdem dispersa apud
Nonium duo fragmenta collecta &
correcta. Nonij inscitia.*

C A P V T V I.

MULTAE sunt in scriptis veterum mēdae ab initio tenues, quae tamen ubi in libris inoleuerunt, maximos errores pariunt: ita plane, quod in vetere verbo est, varā vibia sequitur. Itaque errant & vehementer errant, mea quidē sententia; qui litterarum parū referre existimant, vt vitia qualiacunque tandem illa sint, è libris tollantur omnia: nisi forte nihil refert scriptores optimos à nobis intellegi. exempla in manibus sunt. superiore capite, quod vulgo erat:

—dum

—*dum querimus acuum.*

perdidimus.

mutavi & scribendum monui;

perdimus.

levis, inquis, macula, & quae te etiam tacente, cuius facile se prodat. levis, fateor: sed tamen eiusmodi ut eam versibus nimium quantum elegantibus, & quibus paucos in omni Latina lingua pares esse iudico, fraudi fuisse sit fatendum. re ipsa, quod dico, probabitur.

Porro Quirites libertatem perdimus.

sic Laberius olim scripsit. post nescio quo vitio cum editionibus, *perdidimus*, inuasisset, homines nimium sanè ingeniosi, corrigendo videlicet versui, quem parum numeris suis constare animadverterant, aliam illam vocem, *amisimus*, veluti fulcrum supposuerunt: atque ita legi oportere;

Laberius a-
pud Ma-
crob.

Porro Quirites libertatem amisimus.

viris etiam doctis falso persuaserunt. Volo nunc alij eiusdem Laberij Mimi suum nomen, quod illi violentes librarij iamdiu vi eripuerunt, restituere. Igitur in noctibus Atticis, qui, *Rektor*, dicitur, & è quo trimetri sanè quam politi, sed tamen ab ijs quos dixi pessime accepti, afferuntur, qui quæ à me alias emendabuntur, eum, inquã, *Restionem*, vero nomine, quod alibi servavit, dici debuisse, eundemque Laberium in Saturnalibus, cum hominem leue vellet appellare, non *leucunam* siue *leenam*, quod magistelli opinantur, sed *leuennam* dixisse moneo. Addantur nunc supplendi capitis è L. Sisenacæ historiarum libro quarto, duo de vere sacro fragmenta, ea quæ, uti olim sibi cohaeserunt, coniungantur, & quod in ijs maculae est, diluatur.

Agell. li. x
cap. XVII

Agell. lib.
XVI. cap.
VII.

Quondam

Quondam sabini feruntur vouisse si res communis melioribus locis constitisset; se ver sacrum facturos: quo voto damnati, fetum omnem dicuntur eius anni statim consecrasse.

Pulchra, ne viuam, & antiqua veris sacri explicatio: neque ea quam vel Festus habet, vel eius deprauator Diaconus, tantillo deterior. Sed de hoc plura Liuius. si quis autem cum Nonio, *Ver sacrum*, non vt plerunque vitabile & execrandum sed religiosum interpretari maluerit: nugas egerit, si vero, *damnare voto*, cum eodem Nonio, idem esse quod, *liberare*, censuerit: maiores nugas egerit, sed haec tenue specimen erunt eorum, quæ in Historici optimi meoque Sallustio teste, diligentissimi editione vel cum his ipsis commentarijs futura, vel certe interuallo non admodum longo eos consecutura praestabimus.

Exilia & ilia unde dicta. ina. Festus castigatus.

CAPVT VII.

EXIGVVM quiddam est quod hoc loco monere statui, & paene huiusmodi, vt vehementer verear, ne, dum vnâ eamque tenuem admodum maculam eluo, videar in re leuissima operam voluisse ludere: fieret in scriptore ab ea modo parte vitioso, cetera integro, fortassis conatus iste si nō laudem, certe veniam mereretur. at in corpore omnem partem deformi, mutilo & luxato, minimam aliquam cicatricem conari obducere; hominis, opinor, non nisi suo & alieno otio abutentis, esse videatur. sed tamen hoc, cuiusmodi est, proponetur. tanti est, dum vel tantillum

tillum antiquitati prope depositae lucis afferatur. Scribit Festus ex Verrio seu potius ex Festo Paulus Diaconus, homo, quod cum bona istorum pace dicere liceat, bonis libris corrumpendis natus, & in eos saeuissime grassatus, *exiles & ilia à tenuitate viarum dici.* quod equidem quale sit, *putando*, ut ait Poeta nescio qui, *euoluere nequeo. ilia à vijs?* qui potest? credo quod ea ceu viarum in animalium corporibus fungatur munere. quae est istaec componendi ratio? aut quae est in utraque voce syllaba, syllaba? immo littera paene eadē? Sed ne Diaconum de errore qui librariorum est, quando nemo alienam culpam ex Iurisconsultorum regulis praestare cogitur, causam dicere compellamus: ab *inarum tenuitate* exilia & ilia se deduxisse ijs non difficulter probauerit, qui alibi ita scriptum esse meminert: *Ilia dicta sunt ab ina, quae pars chartae est tenuissima.* videtis quam parua & prope nulla immutatione sua grammatico constet sententia.

Festus, Exilia.

Idem, Ina.

L. Aelius Stilo Praeconinus, Seruius Clodius grammatici. 2. littera. Suetonius de illustribus grammaticis, & Agellius varijs mendis liberati.

CAPVT VIII.

LIBELLVS de illustribus grammaticis & rhetoribus, siue Plinij est, siue, quod magis credo, Suetonij, certe antiqui nescio cuius scriptoris esse constat; profecto meretur, ut ob eruditam illam breuitatem, qua res diuersas, quas in nostris litteris vix alibi reperias, succincte complectitur,

in hominum manibus retineatur: neque eandem multis aliorum praeclarissimarum rerum auctorum milibus, fortunam sentiat: quae sane cum maximam partem suo quodam iure in ista famae & nominis aeternitate paranda, ut in bello, sibi vindicet, nimis mehercules optimis quibusque scriptoribus dura fuit & crudelis. Quare si qui eum libellum emendandum, & quod eius fieri poterat, sibi sumserunt illustrandum; non illi quidem lapsi sunt iudicio, cum in re eximia labores suos posuerunt: veruntamen, quod sequebantur, minime sunt assecuti. Quam in partem, ut de ceteris taceam, Achilles Staius homo multae lectionis, & à prima pueritia, poetarum, historicorum, rhetorum consuetudine familiariter, ut videtur, usus, ita saepe turpiter peccavit, iure ut dici possit, semper iaculari, nec umquam scopum ferire. Neque profecto videre possum, quid attinuerit, eam Lusitani commentationem primum Romae publicari; deinde *Dionisij Lambini*, viri totius orbis terrarum consensu in utraque lingua valde exercitati, iudicio probatam Lutetiae, mox alibi, atque alibi, typis mandari. nisi forte ineptiarum eius generis numerus exiguus est. Nolo in animis hominum aliquod oratione mea praeiudicium relinqui. iure dicam, an iniuria, unusquisque sibi, re diligentius examinata, pro iudice esse potest. Ac statim quidem, ut de multis pauca tangam, in initio Suetonius (sit is sane scriptor, quando nihil est, cur vel illum libri, vel librum illius debeat pudere) in ipso, inquam, orationis suae limine, cum de artis grammaticae progressu & incremento agit: *Instruxerunt*, inquit *auxeruntque*.

ab omni parte grammaticam Laelius Lanuvinus
 Gener Quinti Aelii Seruius Clodius uterque eques
 Romanus, multique, ac varij, & in doctrina & in
 repub. vsus. quae verba cum non ita longe à sua
 integritate abessent; neque hominibus vel tan-
 tilla historiae cognitione tinctis negotium fa-
 cessere deberent; idem ille, qui cum à me repre-
 henditur saepius nominari non debet, veram
 quidem veteris impressi aliorumque scripto-
 rum manu lectionem attulit: sed, quod nihil
 erat necesse, coniectura parum, ne dicam dolo,
 felici deprauauit. Vetus quidem scriptura erat
 huiusmodi: *L. Aelius Lanuvinus gener Q. Ae-
 lii Seruius Clodius.* vir ille minime malus, εὐσώχως
 scilicet, legendum diuinauit: *L. Aelius La-
 nuvinus genere Q. Aelii seruus.* Ut, inquit, *La-
 nuvinus genere vel Lanuuius oriundus fuerit, natus
 tamen Romae: cum in veteribus monumentis Ser-
 uum significare cognoscatur.* Egregiam me-
 diusfidius emendationem, & cui vni corona,
 siquae olim librorum correctioni decreta fuisset,
 optima maxima iure deberetur. praesertim cum
 ipsius antiquitatis testimonio niti videatur. O
 hominem in veteribus monumentis per tot an-
 nos in Vrbe Aeterna non sine fructu voluta-
 rum; eorumque valde intelligentem, qui cum
Ser. seruum indicare non ignoret; litteram tamen
 singularem *Q.* vnde omnis illa data est turba,
 coniungendi vim ac potestatem habere, neque
 aliud quam, *que*, significare, vel ex illo vrbis Ro-
 mae elogio, quo nullum est frequentius. *S. P.
 Q. R.* discere nequiverit: & seruos etiam Ro-
 mae equestris dignitatis fuisse existimauerit.

nam quod Seruium Aelij generum fuisse ex ijs quae consequuntur, cognoscere neglexerit; ignoscamus, suadeo, homini in inueniendis Horatio, Catullo, Tibullo, toti denique poetarum gregi varijs lectionibus occupato. pergit deinde, & errorem errore cumulat. Primum enim orationem sibi necessario cohaerentem tribuit in capita: deinde, *Lelius*, pro *L. Aelius*, mox *Istilo*, pro, *Stilo*, postremo, *praemortui*, pro, *praemortua* legendum arbitratur. Sed nos illo homine in aliud tempus valere iusso, totum illud corrigamus, immo vero ut olim pueri correximus, apponamus. Instruxerunt auxeruntque ab omni parte grammaticam *L. Aelius Lanuvinus*, generque *Aelij Seruius Clodius*, uterque eques Romanus, multique ac varij & in doctrina & in rep. usus. *L. Aelius* cognomine duplici fuit: nam & *Praeconinus*, quod pater eius praekonium fecerat, vocabatur, & *Stilo*, quod orationes nobilissimo cuique scribere solebat; tantus optimatum fautor, ut *Q. Metellam Numidicum* in exsilium comitatus sit. *Seruius* cum librum soceri nondum editum fraude interceptisset, & ob hoc repudiatus pudore ac taedio secessisset ab vrbe: in podagrae morbum incidit, cuius impatiens, veneno sibi perunxit pedes & enecuit, ita ut parte ea corporis quasi praemortua vixerit. Haec ille. Cognomen *Stilonis* cum apud alios, tum apud *Sextum Pompeium* x i v, ut minimum, locis supermansit. apud *Agellium* corruptum est, & in aliud verbum degenerauit; quod ibi etiam reponendum ex opertis Bibliothecarum sacris mones. verba haec sunt: abstinuisset (*Cicero*) eo (verbo nouissimus) tamen tanquam non Latino videtur: quoniam qui doctissimus eorum temporum fuerat, *Aelius* illo,

Agell. lib.
xx ca. xi.
correctum.

illo, ut nouo & improbo uti vitauerat: propterea que id M. quoque Varronis ex libro de lingua Latina ad Ciceronem v. demonstrandū putauī. scribo: quoniam qui doctissimus eorum temporum fuerat L. Aelius Stilo ut nouo & improbo verbo uti vitauerat. propterea quid M. quoque Varro de ista voce existimauerit, verbis ipsius, ex libro de lingua Latina ad Ciceronem quinto, demonstrandum putauī. & prius quidem illud, Stilo, in bibliotheca Ioannis Ducis Biturigum exstare, testatur doctor meus Iacobus Cuiacius, splendidissimus Iurisperitorum huius saeculi Papinianus. posteriora vero, ut in libro Buslidiano sunt, perscripsi. superest ut alterum Agellij eadem de re locum emendemus, deinde Ciceronis verba, eorum, quae dixi, confirmandorum afferamus, & alio progrediamur. *Commentarium*, inquit Agellius, de proloquijs Laelij docti hominis qui magister Varronis fuit, studiose quae siuimus, eumque in Pacis bibliotheca repertum legimus: sed in eo nihil edocenter neque ad instituendum explanate scriptum est. Fecisseque, videtur eum librum Laelius magis sui admonendi, quam aliorum docendi gratia. scribe: *Commentarium de proloquijs. L. Aelij docti hominis*, qui magister Varronis fuit, studiose quae siuimus, eumque in Pacis repertum legimus: sed in eo nihil edocenter, neque ad institutionem explanate scriptum est: fecisseque videtur eum librum, L. Aelius &c. Audiamus nunc Ciceronem seu potius Brutum ea quae scripsimus, prope omnia loquentem, illiusque testimonio, potius quam ingenio nostro, fidem habeamus. Cottae, inquit Brutus, pro lege Varia quae inscribitur, eam L. Aelius scripsit Cottae rogatu. Fuit is omnino vir egregius & eques

Cuiacius obseruat lib.
III. cap.
XXXVI.

Agell. lib.
XVI. cap.
VIII. emendatus.

Cicero Bruto.

*Diodorus historicus . Tertullianus emendatus .
idem argumentum apud Tertullianum , Mi-
nutium & Lactantium inueniri .
de Minutij actate .*

CAPVT IX.

Q. Septimius Tertullianus omnium Theo-
logorum doctissimus, & Romani iuris Pō-
tificij peritissimus, in diuino illo Apologetico,
quo Christianorum causam aduersus gentes co-
ram Imperatoribus agit; vt Iouem aliaque idola
Deos non esse ostendat, hoc fere vtitur argumēto.
quicumque homo ex homine natus est, Deus esse
non potest. Saturnus, Iupiter, alij, homines ex ho-
minibus nati sunt. Dij igitur esse non possunt. Iā
vero, vt, illud quod initio posuerat, Saturnum & Tertull. A-
pologico.
Iouem homines fuisse probet; *Ante Saturnum,*
inquit, *Deus penes vos nemo est. ab illo census totius*
vel potioris vel notioris diuinitatis. itaque quod de o-
rigine constitit, id de posteritate conueniet. Saturnū
itaque, quantum litterae docēt, neque Theodorus Grae-
cus, aut T allus, neque Cassius Seuerus, aut Cornelius
Nepos, neque ullus cōmentator huiusmodi antiqui-
tatū aliud quā hominem promulgarunt. quod argu-
mentum aut Minutius à Tertulliano aut Tertul-
lianus à Minutio sumserit necesse est. idem certe
ijsdē paene verbis apud utrūque legitur. Minutij
quidē haec sunt: Saturnū principē huius generis, &
examinis omnes scriptores vetustatis Graeci Roma-
nique hominē prodiderunt. Scit hoc Nepos & Cassius
in historia: Thallus ac Diodorus hoc loquuntur.
Cetera, quae sequuntur, apud hunc & illum ge-
mina sunt. Vter ab altero acceperit; non facile

*Minutium .
Felix Olla-
rio.*

dixeris. Nam de Minutij aetate vt dubitem, facit Stridonensis presbyter, qui eum Cypriano praeposuisse, aliquando etiam postposuisse videri potest. ac in catalogo quidem scriptorum Ecclesiasticorum Minutium Origeni proximum, Cypriano priorem statuit. quod alibi eum facere memini. & in sua pro libris aduersus Iouinianum apologia, primo Tertullianum, deinde Cyprianum, postremo denique Minutium nominat. certe si Minutius Cypriano aetate prior fuit, omne fere illud, quo Cyprianus aduersus idola, ijsdem quibus Minutius verbis, differit, Minutianum dici debet. Quid? quod Lactantius, quem sub Constantino Arnobij discipulum vixisse constat, idem argumētum ab altero eorum, aut, quod proprius abest à vero, ab utroque mutuatus est? sic enim scribit: *Omnes ergo non tantum Poetae sed historiarum quoque ac rerum antiquarum scriptores hominem fuisse consentiunt, quires eius in Italia gestas memoriae prodiderunt: Graeci, Diodorus & Thallus; Latini, Nepos & Cassius & Varro. Vter ergo ab altero acceperit non laboro: neque ea re hic à me est institutus sermo. illud volebam; apud Tertullianum, Diodorum, non, Theodorum scribi, & de Diodori Siculi bibliotheca accipi. quod ne Arcefilas quidem affirmare dubitauerit: maxime cum Iacobus Pamelius vita & professione theologus, idemq. omnis ecclesiasticae antiquitatis peritissimus, cui ego primū sanguinis, deinde multis magnorum officiorum vinculis valde sum obstrictus, meam coniecturā duobus libris, Elnonen si vno, Gandauensi altero, comprobari, litteris ea de re ad me datis, confirmarit.*

Fasces per arua. Dictator ab aratro. ingenitus sonus. consummant orbem. effusus in usus. graua annonae incendia. ventis credere opes. celeres anni. domibus praefigere praedas. pacare siluas. viuere victor. scriptor velox. cursim loquentis excipere voces. teneros pudor impedit annos. Manilius varijs locis correctus.

CAPVT X.

RE D E O ad Manilium. in quo quod legitur;

Serranos, Curiosque tulit, facilesque per arua tradidit; eque suo Dictator venit aratro:

Manilium II.

IV. Vers.

CXLVIII

valde, meis quidem auribus, vitiosum sonat; & historiam habet, quae in ijs verbis nō temere, credo, à quoquam agnoscatur. quae manifesta erit, si meo periculo, scripseris:

—fascesque per arua tradidit: eque suo Dictator venit aratro.

nobile est illud Senecae: *Quinctius dictaturā properat euadere: ab aratro renocabitur.* sequitur in eodem Manilio:

Et gracilis calamos, & nervis insita verba ingentemque sonum.

Lego: *ingenitumque sonum.* cui illud, *insita verba,* Idem vers. CLIIII.

Consumant orbem postquam ipsos sidera linqunt. scribe: Consummant urbem. quo eodem tempore dixit:

Inueniunt & in astra vias numerisque modisque Ibidem vers. CLIX.

deinde :

Ibid. vers.
CLXV.

Ille tenax animi, multosque infusus in usus.
emendo : *effusus* . quod, nisi me animi vehementer fallit, verbum huic versui suum est.

mox :

Ibid. vers.
CLXIX.

Et grauida annosae speculantem incendia mentis,

credere opes, orbisque orbi bona vendere posse.
scribendum conicio, quae mihi coniectura pacine palmaria est, de veteris scripturae vestigijs:

Et grauia annonae speculantem incendia, ventis credere opes.

Nam, *grauida*, quod vulgo est, item, *annosae incendia mentis*, hic quidem Latina non sunt : contra, *grauia incendia annonae, & ventis credere opes*, non tantum Latina, sed ipsa etiam Venere prope venustiora. scripserant fungi illi, *annosae*, hinc alij, *mentis*, non, *ventis*, legēdum opinati sunt. sic Varro excandefacere annonam dixit, lib. de rerum rustica III. *ut ad hunc bolum peruenias, opus erit tibi aut epulum, aut triumphus alicuius, ut tunc fuit Scipionis Metelli, aut collegiorum cenae, quae tunc innumerabiles excandefaciebant annonam macelli.* & paulo post : *quotus enim quisque est annus quo non videas epulum aut triumphum, aut collegia non epulari, quae nunc innumerabiles incendunt annonam?* Nondum à Manilio discedo. neque tamen erit ut plane purgari poterit. satis erit, grauissimis quibusque plagis, uti se dabunt, callum inducere: quod iam tribus quatuor locis faciendum est.

Ibid. vers.
CLXXIII.

Nauigat & steriles optando sortibus annos.
quis tam auerso Mercurio dicam an Iano? mercator

cator est, qui pecuniae in vsuris positae, siue, vt noster loquitur, fortibus steriles annos opter? nemo, opinor, erit quin *celeres* mallet. quos sane illis *lubentes merito*, quod in formula est, donemus. aliter Venustinus:

Horat. I.

—*piger annus* Epist. I.*pupillis.*

Sed à Geminis ad Leonem pergamus: qui

Hoc habet hoc studium postes ornare super-
bis

Manilius li.

IV. vers.

CLXXX.

pellibus, & captas domibus praefigere praedas.

non, quod illi voluerunt:

domibus configere praedas.

item: *Et pacare metu siluas & vinere victor.*

Ibid. vers.

non, *purgare metu siluas & vinere raptis.*

CXXCII.

sic Poeta huic aequalis: *incultae pacantur vomere silvae.* & iam ante dixit: *vinitque rapinis*; neque nisi forte illorum, qui haec mutarunt, causa, repetendum fuit. illud autem, *domibus praefigere praedas*, genere quodam simile est illi Tibulliano ad Messallam;

Te Messalla decet terra pugnare marique,

Ut domus hostiles praeferat exunias.

A Leone ad Erigonen transeamus: quae ita, *petora doctis*

Artibus instituat: vt ego politicissimos versus de ea scriptos, ipsa etiam inuante, rite emendavi.

Hic & scriptor erit foelix, cui littera verbum est.

Ibid. vers.

CXCII.

quique notis linguam superet, cursumque loquentis.

Excipiet longas nona per compendia voces.

igitur

igitur scribo :

*Hinc & scriptor erit velox cui littera verbū est:
quique notis linguā superet : cursimque loquennis
Excipiat longas noua per compendia voces.*

tale est illud Bilbilici :

Currant verba licet; manus est velocior illis.

nondum lingua suum, dextra peregit opus.

tale etiam delicatissimum Ausonij in notarium epigramma. quod, nisi harum commentationum obstaret ratio, sua elegancia, pro eo ac meretur, facile à me, vt, quantum est, ad scriberem, impetraret.

sequitur: *in vitio bonus & teneros pudor impedit annos.*

emenda: — *vt teneros pudor impedit annos.*
sed iam ohe. ne modum excedamus, & finem capiti praescriptum euehamur.

*Sum se. consume. cresce. cesse. toga. tectum.
de Nacuij, Titinnij & Nonii antiquis
lectionibus opinio.*

CAPVT XI.

AMO veteres Poetas. quo magis odio & senio mihi sunt, tam multa tamque foeda in illorum reliquijs errata: quibus nisi numerum diminuo; vincor operam perdere; quam primū quidem Naeuij, mox Titinnio, alijs alijs aliam dabimus. Versus Naeuij Triphallo, seu potius, vti Baptista Pius princeps emendauit, Ithyphallo sunt.

Si vniquam quicquam filium rescinero

Argen.

Argentum amoris causa sumsisse mutuum.
 quorum posteriori superat syllaba, priori deficit.
 huic addendo, illi adimendo, numeros constituemus.

Umquam si quicquam filium rescinero

Argent' amoris causa sumse mutuum:

Extemplo illo te ducam ubi non despuas.

sumse, pro, sumsisse. sic Lucretius, *consumse, pro, consumsisse.*

*Omnia enim debet, mortali corpore quae sunt,
 infinita aetas consumse anteaet' diesque.*

Lucret. li.

ibi dē li. i.

sic idem extremo libro primo, *cesse, & alibi, cresse,*
pro, cefsisse, & crenisse, posuit. quae ab alijs indica-
 ta, illis sua sunt. iam vero illud: *si umquam,* reti-
 neri poterit, si hiatum his Poetis frequentem re-
 tinere videbitur. Sed quemadmodum ibi vocis
 ignoratio erroris culpam sustinet: sic contra apud
 Titinnium Noniana verbi cuiusdam obscurio-
 ris explicatio, non recte à viris etiam doctis acce-
 pta versum peruertit, immo ab stirpe evertit, No-
 nij verba Titinnio vel inuito obiecit, & quas nō
 turbas dedit? qua fraude deprehensa non admo-
 dum erit difficile de re ipsa iudicare. Locus pro-
 ponetur, & lubente, ni fallor, Titinnio, in suum
 omnia ordinem reponetur. *Toga,* inquit Nonius,
dicta est à tegendo, & est, sicut in consuetudine habe-
tur, vestimentum quo in foro amicumur. dicitur &
tectum. Titinnius Gemina:

Nonius,
Toga.

*Syrus, cum scorto constituit ire, claves ilico abstrudi
 iubeo rusticae togae ne sit copia, id est tecti.* quae si
 scripsit Nonius, valde eum fugit ratio: quod cum
 exemplo in eam rem quaesito *tectum* esse togam,
 vellet docere: nunc contra quasi sui eū paeniteret
 insti-

instituti, *togam*, interpretetur *teſti* nomine. ſed videlicet librarios, eoſque qui Nonium extruſerunt, non ipſum Nonium fugit ratio, qui hunc in modum ſcripſerat: *dicitur & teſtum. Titinnius Gemina: Syrus cum ſcorto conſtituit ire, clauſes ilico abſtrudi iubeo, teſti ne ſit copia, id eſt, ruſticae togae.* quod illi cum Nonium de toga etiamnum agere crederent, neque verſus Titinnij eſſe ſentirēt, vt̄ hodie exſtant, perſcripſerunt: & vt pleraque alia, deprauarunt. nunc quomodo Titinnio numeri, Nonio conſtet ſententia, videamus.
ſcribo:

Titinnius
Gemina cor
titus.

—Syrus

*cum ſcorto inſtituit ire; clauſes ilico
Abſtrudi iubeo, teſti ne ſit copia.*

Et de duobus quidem ijs verſibus, quin vera ſit noſtra opinio, nemo iure negauerit. illud autem; *Syrus*; cum in vetere libro, *ſirus*, eſſe quidam annotarit, & ea verba huc mirifice faciant, vt Nonius ex illis interpretationem, quam dixi, ſumſiſſe videatur: valde mihi moleſtum eſt; neque quid eo faciam, habeo.

*Suppellere. ſcabere. verbum vetus elegans
in Cicerone & Lucilio reſtitutum.*

*Victorij ſententia
reieſta.*

C A P V T X I I.

FREQUENTIBVS veteres balneis, ſiue ſanitatis ſiue alio prætectu quolibet vt̄ conſueuiſſe

sueuiffe, varieque circa ea sibi indulgisse, apud omnes satis constat. neque tamen pleraeque eorum obseruationes quales fuerint, aut nomina ipsa, quibus res in balneis fieri solitas denotabant, satis intelliguntur. quo in genere Lucilianum illud esse statuo:

Sador subellor desquamor, punicor, ornor, expilor, pingor.

Nonius, De squamor.

sic enim versum illum multiplex obsedit error, ut ne verba quidem ipsa, nedum res, quid sibi velint à quoquam admodum percipiatur. sed an haec studio nostro emendari primum, deinde interpretari possint, videamus. ac sane primam illam vocem, *sador*, quae nulla, opinor, vnquam est donata ciuitate, in, *scabor*, potius quam in, *sudor*, quod Iunio visum erat, vertendam esse, quivis credo, facile mihi concedet. sed ut hoc non nimis asseuerauerim: sic illud contra, quod sequitur, ita ut proponam, scribendum esse, omni asseueratione affirmare non dubitauimus:

*—suppellor, desquamor, punicor, ornor
Expilor, pingor.*

cum enim in veteribus esse libris, *subbellor*, quod quidam scripto testatum reliquerunt, obseruarem; neque illud magis idonee ad hoc, quo de agitur, accommodari posse, quam, *subellor*, ab alijs excogitatum, scirem, cum neutrum quidem Romani iuris esse existimem: litterarum ductum secutus, quod proximum erat, scripsi, & antiquam, eamque elegantem admodum vocem paucis, ni fallor, ea in re notam renouavi. Afferam nunc illustrem quendam

Cicero-

Ciceronis locum, ex erudita illa ad Paetum epistola; vbi idem verbum sua nō ita pridem deturbatum sede à nobis reponetur; & nostram de superiore emendatione coniecturam, mirifice confirmabit. Cicero itaque cum de nominum pulchritudine & turpitudine differit, illudque Stoicorum pronunciatum, quod, vt videtur, Paeto probabatur, nihil esse obscaenum, nihil turpe dictū, studet cōuellere: omnem in eo paene orationem consumit, vt eam, qua Stoici nitebantur, ratiocinationem, *turpitudine nec est in verbo nec est in re, igitur nusquam est*, falsam & Sophisticā esse vincat. igitur & in verbis honestis obscoena poni, & ipsam rem modo honestam modo turpem esse docet. *suppellere*, inquit, *flagitium: iam erit nudus in balneo; non reprehendes*. videris quam apta ex his verbis ita à nobis constitutis eiiciatur sententia: quāque ea verbi notione percepta, nihil difficultatis omnino restet. *suppellere* in balneo honestū esse, testis Lucilius: at eidem illi verbo extra balneum vt intelligatur, Oedipo opus non est, non magis mehercule, quā si subigitare diceret. quod cum vetus illius libri interpret, vt alia compluria à posterioribus non intellecta, viderit, & Lambinius alijque omnes, *suppellere*, aut certe, *suppellit*, in membranis exstare monuerint: mirū est quid P. Victorio viro ceteroqui doctissimo, & qui summam religionem in tractandis antiquorum scriptis solet seruare, in mentem venerit, vt hunc locum de composito corrumpere, & aliud verbum ex ingenio (quod de se fatenti, necesse est credere) huc ingereret.

Cicero IX.
Epist.
XXIII.

Petr. Victorio
viro Annor.
in eadem
epistola.

Lucili

*Lucilij locus prodigiose corruptus, item
alter Caecilij, de opinio-
ne correcti.*

CAPVT XIII.

QVONIAM vero Lucilium sanare occoe-
pi; eiusque vulnera aliquot satis mihi com-
mode videor obligasse: pergam porro hoc capite
eandem, aut certe similem operam illi nauare, &
è membro quodam paene desperato deforme vi-
tium tollere. recte an secus id coner facere; vos
iudices eritis. Lucilius lib. x x i x.

*In mellis spem esse omnem, quoniam possem
emungi volo.*

Nonio;
Emungi.

prodigiosa fane lectio; neque tamen in Nonio
Iuniano melior. quam qui se emendare posse de-
sperarunt; iidem illi saltem vitiosam esse monere,
& aliorum sopita ingenia, ad melius quid inue-
niendum, excitare, poterant. Et sane cuius erat ne-
gotij, hominibus praesertim in veterum librorum
lectione versatis, videre, pro, *mellis*, quod locum hinc
nullum habere potest, *me illis*, oportere scribi? il-
lud fortassis erat difficilior iudicatu, pro, *possem
emungi*, Lucilium, *posse me emungi*, posuisse. Nam
quod, è *volo*, esset faciendum, *bolo*, eamque littera-
rum illarum immutationem esse frequentem, ne
hodie quidem ignorant pueri. qua de re Gram-
maticorum quorundam disputationes exstant in
Cassiodori Orthographia à nobis propediem, si
tanti erit, edenda. Nunc locum ipsum, ut emen-
dandum opinamur, proponamus. Lucilius lib.
x x i x. *In me illis spem esse omnem, quoniam posse me*

emungi bolo. quod autem ex eo, *possem emungi*, feci, *posse me emungi*, ne quis à me temere factum esse suspicetur: memini olim quendam Caecilij locum Aeschione ad eundem modum deprauatum, emendare: eamque emendationem, doctis quibusdam amicis meis valde me probare. quem cur non proferam; &, quod sentio, veteri illo humanitatis iure, cum omnibus communicem? verba eius sunt:

*Festus;
Ora.*

Oram reperire nullam quam expediam queo.
hic ego, *qua me expediam*, non paullo concinnius scribebam, & id Caecilium scripsisse assereram. qua in re si quis à me discedit; facile illi, quod volet, dabo: dum tamen mihi hanc lectionem esse antiquam, ideoque in harum numerum referri posse, non infitietur.

Epicadius grammaticus. eius fragmentum.
Calatores. Calones. Augures publici. Carisio
& Arnobio scriptura restituta,
Suetonio conseruata.

C A P V T X I V.

ARNOBIUS libro aduersus gentes primo, obiectionem aduersariorum refutaturus, qua illi barbarismis & soloecismis Christianorum res pollutas esse criminabantur, primo culpam eleuare nititur, quod ea sermonis pompa, ut loquitur, & per regulas missa oratio, concionibus, litibus, foro, seruari debeat: neque, cum de rebus agitur ab omni ostentatione submotis, quali cum amoenitate quid dicatur, sed quantum audien-

audientibus vtilitatis afferat, considerandum sit. Deinde in accusatores crimen regerens, *Qui*, inquit, *pollutas res nostras criminamini, strabiligines & vos istas libris illis in maximis & admirabilibus non habetis?* & paulo post: *Si certum est singula quibus debeant explicari; in similibus vitijs quoque versamini, quamuis Epicados omnes, Caesellios, Verrios, Scauros teneatis & Nifos.* Et de Caesellio, Verrio, alijs grammaticis, alias. nunc de *Epicado* videamus: quem, si mei arbitrij res sit, *Epicadium* libentius nominauerim. Fuit enim grammaticus *Cornelius Epicadius*, testante, quem supra laudavi, *Suetonio*; *L. Cornelij Sullae Dictatoris libertus, calatorque sacerdotio Augurali, filioque eius Fausto gratissimus. quare numquam non utriusque se libertum edidit. Librum autem, quem Sulla de rebus suis imperfectum reliquerat, ipse supplevit.* Haec *Suetonius*. Vnum, ni fallor, & solum *Epicadij* restat fragmentum, quod etiam ad *Sullae* patroni honorem pertinet. sic enim *Sospater Carisius*: *Sibyllam Epicadus ait appellatum, qui ex Sibyllinis libris primo sacrum fecerit; deinde Syllam. qui quod flavo capillo & comto fuerit, consimiles Syllae sunt appellati. inde effeminati hodieque in ludo Sylli dicuntur, quos vulgus imprudenter psyllos appellat.* quo quidem loco, vir eruditus, qui *Carisij* recognitionem pollicebatur, duplicem errorem errauit. cum enim in prioribus editionibus esset, *Epicadium*, mutauit, & *Epicadum*, fecit. historicum deinde non grammaticum. *Epicadium* esse voluit. Igitur in *Arnobio*, *Epicadios*, in *Carisio*, *Epicadium*, monescribamus. sed ad *Suetonium* redeamus:

Carisius instituit. grammaticus. lib. 1.

in quodum illud, *calator sacerdotio Augurali*, magni quidam viri conantur inducere, & aliud nescio quid in eius locum sufficere; frustra sunt: & magnam temeritatis, ne dicam imperitiae, significationem dant. neque enim aliud est, *calator*, quam sacrorum minister, ut cotidiana illa glossaria optime declarant. *calatores*, *δοῦλοι δημόσιοι, περίπολοι, calator κλήτωρ, calatores, Ἐκβιβασαὶ ἱερέων*: & parum à calonibus videntur seiungere, dum illis est calo, *δοῦλος δημοσίος*. quamquam alibi dicitur, *δοῦλος υπηρέτης στρατιώτου*. neque vero mirabitur sacrorum ministros seruos dici publicos, qui ipsos *Augures*, publicos dici, atque adeo publicos *P.R. Quiritium*, cōsueuisse, meminerit. quod quoniam hactenus in vulgus ignotum est; libet elegātissimam inscriptionem, quae hodieque Neapoli antiquissima visitur, adijcere.

M. MAECIO. MEMMIO. FVRIO. BALBVRIO
CAECILIANO. PLACIDO. C. V.
PONTIFICI. MAIORI. AVGVRI. PV
BLICO. P.R. QVIRITIVM. QVINDECIM
VIRO. SACRIS. FACIVNDIS. CORREC
TORI. VENETIARVM. ET. HYSTRIAE
PRAEFECTO. ANNONAE. VRBIS
SACRAE. CVM. IVRE. GLADI. COMITI
ORDINIS. PRIMI. COMITI. ORIENTIS
AEGYPTI. ET. MOESOPOTAMIAE. IVDI
CI. SACRARVM. COGNITIONVM
TERTIO. IVDICI. ITERVM. EX. DE
LEGATIONIBVS. SACRIS. PRAE
FECTO.

PECTO. PRAETORIO. ET. IUDICI
TERTIO. CONSULI. ORDINARIO
PATRONO. PRAESTANTISSIMO
REGIO. PALATINA
POSVIT.

*Indignos in carmine ducere cantus. mutua in
alternum praebeere alimenta. fortunae conata
summa. modus concessus in arvis. plena vincen-
tem credita messe. fortunae quaerere sedem.
variet genitura. orbem exprimere.
comprehendere punctum. Ma-
nilius castigatus.*

CAPUT XV.

Er hoc caput Manilio dabitur. quod ne ab-
horreat à more nostro, vulgaribus scripturis
emendationes subiiciet: quas veras esse, nemo infi-
tias ire poterit, praeter, qui libris antiquis, quos
hodie veluti honorarios testes appellamus, fidem
volet abrogare. Ac statim quidem lib. III.

Manilius
lib. III.
vers. II

— Vestros extendere fines
En conor, & dignos in carmina ducere cantus:
vel ipsum syllabarum interuallum versus vitio-
sos esse clamat. scripserat Manilius:

Conor, & indignos in carmine ducere cantus.
noluit corrector, quisquis ille fuit, Manilium, ve-
terem, poetarum magnifice de se loquentium,
consuetudinem migrare: eique ad fastum praei-
uit. Non multo post, aurea quaedam carmina, vna
duntaxat immutata voce, suum ferè splendorem

amiserunt: quem sane ut illis reddam, quot sunt,
apponam.

bid vers.
XLVII.

*Principium rerum & custos natura latentum,
Cum tantas strueret moles per moenia mundi,
Et circumfusus orbem concluderet astris,
Undique pendentem in mediū, diuersaque mēbra
Ordinibus certis sociaret corpus in unum;
Aëraque, & terras, flammamque, undamque na-
tantem,*

Mutua in alternum praebere alimenta iuberet.
vulgo; alternū. scripsi; alternum. probat, quod
sequitur:

*Vt tot pugnantes regeret concordia causas,
Staretque alterno religatus foedere mundus.*

Mox:

In quibus omnis erit Natura ac condita summa.
scribe ex vetere libro:

bid vers.
LXXIIX.

In quibus omnis erit fortunae condita summa:
subiungit enim:

Sic felix aut triste venit per singula fatum.
& illud, ac, à diphthongo veteribus integre, ac,
scribi solita, & litterae, c, cum, e, similitudine, pro-
ficiscitur. deinde:

bi. XCIX.

*Qui modus in seruis, qui sit consensus in aruis,
Quaque datum magnas operum componere moles.*
emenda, me auctore, neque umquam auctorita-
te defugiam:

Qui modus in seruis, qui sit concessus in aruis.
quamque datum magnas operum cōponere moles.
quae ut certa sunt; sic in ijs quae consequuntur,
Sen Cererem, plenam vincentemque horrea messem,
Aut repetat Bacchum, per pingua musta fluen-
tem;

bid vers.
LII.

illud

illud quod in antiquioribus est ;

Seu Cererem plena vincentem credita messe;
ambigitur . quod tamen priori illi, vt doctius &
elegantius, libenter praetulerim : sed ita, vt in eo
hominum doctorū, aliter sentientium, iudicium
accipere & subire sim paratus. post:

Et ne forte vagus Naturae quaerere sedem
Incipias.

Ibid. vers.
C. LXXV.

scribe: — *Fortunae quaerere sedem.* anre dixit: *Ibid. vers.*
Fortunae perquire locum per sidera cuncta. *CLXXI.*

cui qui versus proximus est:

Ergo age ne falsa varia genitura figura,
recte, mea quidem opinione, sed opinione ta-
men, habebit, ceteroqui vacillans, si scripseris:

Ibid. vers.
CLXIX.

Ergo age ne falsa variet genitura futura.
sic infra:

Nec nocturna minus variāt, quam tempora lucis.
Non possum, prius quam ad alia accedo, quin v-
nam etiam in eodem Poeta maculam eluam:

Sed quanta effectu res est, tam plena laboris,
Cursibus aeternis mundum per signa volentem
Vt totum lustret curuatis arcubus orbem
Exprimet, & vultus eius componere certos.

Ibid. vers.
CCXI.

ita quidam liber. vnde legendum conicio:

Exprimere, & vultus eius componere certos:
conicio inquam, sed in eo, quod proximum est,
Ac tantae molis minimum comprehendere punctum;
vererem librum, qui, comprehendere, non, deprende-
re, habet, sum secutus.

Ibid. vers.
CCXY.

Dextera vorax. culus inquinatus. manus laua.

*Catulli Epigramma versibus quibusdam
transpositis corruptum antea, nunc
suae elegantiae restitutum.*

C A P V T X V I.

QUO Catullo mediusfidius poliro, adde etiam, omnium saeculorum consensu, docto, vel nostra vel patrum aurumque nostrorum memoria, manum admouerunt; adeo multi sunt, ut vel rationem inire, quemadmodum eorum nomina recenseantur, sine molestia nemo possit. In illis tamen M. Antonius Muretus, eo-que posterior Achilles Statius, (Di boni, qui viri?) ita excelluisse visi sunt, ut, cum alter egregiam in poetae versibus cōmentario, *Docto, Iuppiter, & laborioso*, illustrandis, & per iuuentuti utilem operam poneret; alter nihil eorum quae vel in libris Vaticanis, vel in alijs melioris notae exemplaribus, à vulgata editione variare, deprehendere poterat, praetermitteret; aliquando etiam suas scripturas, nec alibi repertas afferret: vterque parum, aut nihil, aliorum industriae reliquum fecisse iudicaretur. sed tamē, quod quidem apud homines eruditos, & harum rerum intelligentes liceat, non pauca etiam hodie in eo sunt poeta, quae vel propter rerum, de quibus agitur, ignorationem, à nobis etiam ignorantur; vel propter maculas, quae illius versus plures etiamnum, quam vellem, insederunt, minus intelligi possunt. Ac prioris quidem illius generis ut maior est numerus, ita maiorem etiam diligentiam requirit, neque hac tumultua-

multuaria opera & subficiua expediri potest, posterioris vero, exemplum elegans nunc dabimus, plura, quotienscunque res dabit, in his Antiquis daturi. Apud Catullum itaque tale exstat in Vibennios patrem & filium epigramma:

*O furum optime balneariorum,
Vibenni pater, & cinaede fili;
(Nam dextera pater inquinatioe,
Culo filius est voraciore.)
cur non exsilium malasque in oras
itis? quandoquidem patris rapinae
notae sunt populo: & nates pilosas
Fili, non potes asse venditare.*

In quibus versibus, & tertius & quartus, omnem, librariorum incuria, fortasse an interpretum imperitia, leporem perdiderunt: quo illos, tenuis cuiusdam membranae beneficio, lubens redonabo.

*Nam dextera pater est voraciore,
Culo filius inquinatioe.*

scio veteres furum manus inquinatas consueuisse dicere: scio quo Ciceronis illud, *manus laua*, referri oporteat: secundum quod, magnum illud Galliae lumen Guilielmus Budaeus, Tufanus, alij, suam huius loci interpretationem accommodarunt. sed hoc me non potest de priore sententia mea, nulla praesertim alia ratione accedente, detertere: maxime cum postremis eiusdē Epigrammatis versibus, & mutationi à me factae, bellissime conueniat.

*—patris rapinae
Notae sunt populo; & nates pilosas
fili. &c.*

sed nimius sum in re manifesta. neque mea frons

patitur emendationis, in versibus parum ver-
cundis, factae largo sermone rationem reddere
& tamen haec quoque illustrari quid verat?

*Extremum S. C. è Ciceronis lib. I. Inuecti-
uarum, glossema sublatum. Ci-
cero restitutus.*

CAPVT XVII.

M. Tullius Cicero Inuectiuarum Libro pri-
mo (sic enim orationem, quae in L. Cati-
linam prima legitur, veteribus Libris, Prisciano,
aliisque superiorum subselliorum grammaticis
auctoribus, verè an falso nihil laboro, certe ve-
risimiliter, nominare soleo) eo igitur libro, Ci-
cero cum de extremo illo atque ultimo S. C. a-
geret, ad quod nisi in ipso paene urbis incendio,
atque in desperatione omnium salutis nunquam
discessum est: darent, videlicet, operam magistra-
tus, ne quid Respub. detrimenti capiat: quo pote-
stas per senatum, more Romano, magistratui ma-
xima permittitur: eaque omnia, quorum alioqui
sine populi iussu nullum Consuli ius est, vt Sal-
lustius, Caesar, Liuius, alij prodiderunt: mox ad
ea exempla descendit, quae senatusconsulti il-
lius maximam apud maiores auctoritatem fuis-
se declarabant; quaeque omnibus passim erant
in manibus. Itaque Graccos, Saturninos, Ser-
uilios, eiusdemque condicionis alios, quod &
Caesar fecit, nominat. *Hoc, inquit Caesar, factum
in perniciosis legibus, in vi Tribunicia, in secessione
populi*

Sallust.
Catil. Caes-
sar lib. I. de
bello civili.
Liuius lib.
III. ab ur-
be condita.

populi, templis locisque editioribus occupatis. atque
 haec superioris aetatis exempla, expiata Saturni-
 ni, atque Graccorum casibus. M. vero Tullius,
 cuius praeter ceteros hoc in genere exsultat ora-
 tio, *Decrenit*, inquit, quondam senatus, ut L. *Opimius* Consul videret, ne quid resp. detrimenti
 caperet: nox nulla intercessit; interfectus est, pro-
 pter quasdam seditionum suspiciones, C. Grac-
 cus, clarissimo patre natus, aui, maioribus. qua de
 re Philippicis hunc in modum scribit: *Quod L. Opimius* Consul verba fecit de r. p. d. e. r. i. c. *Vt*
L. Opimius Consul remp. defenderet. Superiora
 autem illa Ciceronis verba, quorum causa haec
 à nobis fiunt, cum mihi ex scripturae varietata,
 quae plerumque errori comitari solet, essent
 suspecta de vitio: nec illud satis ex eloquentia
 Ciceronis dici videretur; *patre natus, aui, ma-*
ioribus: neque tamen aut Lambinus, aut, qui
 illo prior his orationibus emendandis insuda-
 uit, M. Antonius Muretus, homo, quot sunt
 hominum, eloquentissimus & politissimus, al-
 liud suggererent: coepi, quod in rebus huiusce-
 modi soleo, primum librum vetustissimae editio-
 nis, quae Philippo Beroaldo procurante facta
 est, deinde alium scriptum manu, quem à V. C.
 doctissimo Q. Iacobo Susio, ab extrema usque
 Hollandia è bibliotheca Egmondana accersitum,
 commodum tum penes me habebam, inspicere;
 & nunquid ab ea scriptura euariarent, obser-
 uare. in quorum utroque, cum aliam longe ab ea,
 quam proposui, non quidem sententiam, sed ver-
 borum seriem deprehenderem: & in illo quidem;
Caius Graccus clarissimo patre natus. A maioribus
occisus

Cicero ora-
 tione 1. in
 Catil.

Idem Phi-
 lip. VIII.

*Vacuefacio. vacuefacta. Cicero, Lucilius,
& Codex Iustinianus
emendati.*

CAPUT XVIII.

VOLO nunc, superioris capitis occasione, verbum antiquum sepultum excitare, & in eum, unde deiectum est, locum, eodē Inuectivarum libro, reponere: aliasque voces, quae in illius possessionem, veluti vacuum & caducam, inuaserunt, inde deijcere. Quod itaque scribitur: *Quid verò nuper, cum morte superioris vxoris novis nuptiis domum vacuum fecisses, nonne etiam alio incredibili scelere hoc scelus cumulaſti?* à sententia rectum est, à verbis nō item. qui vero hāc scribēdi rationem, ex professo, in Cicerone sunt secuti; mutarunt quidem illi, non sustulerunt vitium, cum *vacuefecisses*, de vetustiorum omnium, qui sunt, librorum consensu, quod olim etiam publicatum fuit, potius quam *vacefecisses*, ijsdem inuitis, scribere deberent. quid? quod etiam infra; *aduentu tuo ista subsellia vacuefacta sunt*, scribemus, si Lambinianos omnes, meosque, quos iam ante laudaui, & typis vulgatos, & manuscriptos libros, è quibus orationes istas emendatas habemus, audiēdos existimabimus? sic Macrobius, non indiligens antiquitatis imitator, *Permagna*, inquit, *abs te Postumiane, cum ex alijs, tum hoc maxime gratia fateor obstrictum, quod à Praetextato veniam postulando, mihi in cena vacuefecisti locum.* sic Varro, *excanefacere*, Plautus, *expanefacere*, Ennius, alijque veteres, *patefacere*, dixerunt. Sed cum haec vox fundi

Cicero Ora.
1. in Catil.

Ibidē infra.

Macrobi. x.
Saturn.

Cice-

Ciceroniani possessionem recuperarit; Lucretiani quoque, nobis vindicias agentibus, recuperet. apud illum itaque quod libro v i. legitur:

*Lucr. li. v. Hoc ubi inanitur spacium, multusque vacescit
In medio locus:*

hoc alij verisimiliter, quis negat? veruntamen falso, ita scribendum iudicarunt:

—multusque vacescit

In medio locus:

vocem videlicet Latinam ignorantes, & barbaram, nullique precij ei substituentes, Lucretium suis verbis priuarunt, & alienis, pessimo, per Deum, exemplo, impudentes Latinarum vocum adulteri, contaminauerunt. quod ibi etiam fieri memini:

*ibide infra. Hoc sit item cunctas in partes unde vacescit
Cunque locus.*

quibus maculis Lucretium purgauerimus, si, vacuefit, utrobique, uti res monet, scripserimus. quod in rescripto etiam Maximiani & Diocletiani Imperatorum, quod in Codice Iustiniano lib. i i i.

Codex Iustini- tit. xxix. cap. v. à compilatoribus ponitur;

nians emendamus.

Si totas facultates tuas per donationes vacuefecisti,

faciendum esse; ex duobus membranaceis libri illius exemplaribus, olim, cum Codicem Iustinianum cum veteribus libris integrum comparabam & ad eum notas perpetuas scribebam, didici.

Chilonis

*Chilonis sententiam aliter, quam vulgo, scriben-
dam videri. ad hoc. examus sim. astr. honores.
matrimoniorum frequentatio. dese-
ctus Agellij suppletus. ex
eodem varia men-
da sublata.*

CAPVT XVIII.

AGELLIO Noctium Atticarum scriptori
saepe antehac manum apposuimus. quod
tamen non tam in ipsius Agellij, quam alienam
gratiam, nos fecisse existimandum est. nunc suo
quodam iure à nobis videtur exigere, vt laborem
aliquem sibi proprium esse patiamur. quod sane,
quando aequum postulat, & bene hoc quidem
libro de nobis est meritus, vt alij meliores sint,
ipse vero in ijs, qui consequentur, Commenta-
rijs, benignior; non difficulter impetrabit. Ha-
bebit igitur hoc caput praecipuum: & quod nul-
lus sibi, ex iure *Quiritium*, ausit vindicare. Ita-
que statim lib. I. cap. I I. post verba illa Epicteti,
à quibus etiam videntur in nonnullis libris ab-
esse nonnulla, subiunge: *His ille auditis, insolenti-
ssimus adolescens obticuit: tamquam si ea omnia
non ab Epicteto in quosdam alios, sed ab Herode in
eum dicta essent*

*Agel. varijs
locus corre-
ctus.*

Eodem lib. I. cap. I I I. cui iam olim, ex ijs-
dem schidis Bussidianis, suum initium, quod
perierat, reperitavit *Guilielmus Canterus*, vtri-
usque linguae in paucis peritus, cuius nuper
vivi consuetudo mihi perfuit iucunda, nunc
praecci-

praecipiti superiore vere longa tabe consumti, & non sine magno nostro dolore atque horum studiorum incommodo, è viuis sublatis, gratissima est memoria: eo, inquam, capite, diuina illa Chilonis, & nunquam, meo quidem iudicio, satis laudata de duabus ferocissimis affectionibus, amore & odio, intra modum coercendis sententia, longe aliter in ijs schidis, quam vulgo, perscripta est. vos vbi sit melius, vtraque quasi ex contentione sibi opposita, diiudicabitis. Ac vulgo quidem: *Hac fini, inquit, ames, tanquam forte fortuna osurus: Hac itidem tenus oseris, tanquam fortassis post amaturus.* in schidis vero: *Hunc, inquit, amorem ita finiam, tanquam forte fortuna positurus: Hoc odium ita, vt te nunc oderim, tanquam fortassis post amaturus.* aper-
tius certe, & nisi iudicās fallor, elegantius: sed tamen in quo me scepticum esse velle, nō criticum, memineritis. non longe abiero.

Eodem lib. i. cap. i v. *Ad haec scripta omnia antiquiora tam curiose spectabat, aut virtutes pensitabat, aut vitia rimabatur, vt iudicium factum esse adamussum diceres.* scribo: *Ad hoc scripta omnia antiquiora tam curiose spectabat, aut virtutes pensitabat, aut vitia rimabatur, vt iudicium factum esse examussum diceres.* duo hic sunt ἀρχαῖστοι. ad hoc, itē, examussum. de illo plura in Sallustium. de hoc, quoniam primi innouamus, nunc dicendum. *Examussum, inquit Nonius, examine ad regulam.* est enim amussis regula fabrorum. glossarium Latini-
num: *examussum*, ἐπευλαί. amusses, credo, interpreta-
ri voluit, *examina*; vt Nonius, *examussum*, dixit, *examine*. Plautus Amphitruone.

Nē ista aedepol, si vera haec loquitur, examussum est opti-

Nonius
Examussum

Amphitruo-
ne sc. Satin
parua.

est optima. item Menaechmis:

Ut hanc rem vobis examussim disputem.

Eodem lib. cap. VI. possint ad mouendos hominum affectus qualicunque actu irrepere. scribo: qualicunque actu. ibidem: propterea turpe esse ait rhetori. scribo: praeterea turpe esse ait. mox: cum tanto honore atque vitae dignitate apud P. R. loquentem. Lege: cum tanta honorum, atque vitae dignitate. magistratus, quos Metellus Numidicus in rep. R. gesserat, honores vocat. sic ius Praetorium, ab ijs qui honores, id est, magistratus gerunt, honorarium appellari, in iure ciuili legitur. ibidem: ciuitatem saluam esse sine matrimoniorum frequentia non posse. scribe: sine matrimoniorum frequentatione non posse. Verba autem Metelli, eodem capite posita, & quae emendationem multam opus habet, hoc quidem loco non attingemus: ne illa Agellius, quominus haec praecipua habeat, sibi esse fraudi, conqueratur.

*Vestae penetralia. per secula. illudere ponto. Aries
primam partem sibi vindicat. domini quocun-
que. titulis fallantur pectora notis. ostentat mor-
talibus astra. negat vires victumque salubrem.
consummat septima partem. aurauit velle-
re pontum. ad Colchida tergore ve-
xit. Manily plurimis
locis emendatio*

CAPVT XX.

LOXIAE oracula mihi audire videor, quo-
tiens Manilium lego. ita multa sunt in eo
D turpiter

turpiter cōturbata, lacera, mutila, prodigioſe obſcura, & quae nemo, niſi artem hariolandi nouerit, recte interpretari poteſt. tentabo tamen aenigmata aliquot, vt Oedipus, ſoluere.

Festinos Capricorne fones penetralibus ignes.
qui ſint ignes feſtini, diu multūque quaefui. ſed fruſtra fui: neque vllum in antiquioribus litteris, ea de re, verbum. quid ſi, *Vestinos*, legeris? inepte. quid ſi, *feſte tuos*? tantundem. quid ſi *feſtinos*? ne hilum quidem profeceris. niſi forte ignes illos in Veſtae perpetuos, feſtiuos, *Vestinos*, aut potius feſtos poeta dicere voluerit. quod non opinor. nam, quin ad eundem illum ignē verba ſint torquenda, dubitari non poteſt. quo poſito, veram ſcripturam hanc, ni fallor, inueni:

Vesta tuos Capricorne fouet penetralibus ignes.
quam ſane caſtigationem, ea, quae ſequentur, ſi recte ſcribantur, valde probant:

*Hinc artes ſtudiūque trahit. nā quicquid in vſus
Ignis agit, poſcitque nouas ad munera flammās
Sub te cenſendum eſt.*

& idem Manilius plane coniecturam meam firmat, dum ita ſcribit: *fouet Capricorni ſidera Veſta.*
mox: *Frigore Brumalem ſeruans per ſidera ſortem.*
ſcribo: —*ſeruans per ſaecula ſortem.*

ſequitur enim:

*Qua retrahis ductas, ſumma ad faſtigia noctes;
Naſcentemque facis, reuocatis lucibus, annum.*
deinde: *Litoribusque nouis, per luxum, ludere ponto:*
ſcribe: —*per luxum illudere ponto.*
talis eſt illa Salluſtij querela: *Nam quid ea memorē, quae, niſi ijs qui videre, nemini credibilia ſunt? ſub verſos mōtes, maria cōſtrata eſſe.* ſic alibi Manilius:
Inmiſ-

Manilius
IV. verſ.
CCXLIII

Ibid. verſ.
CCXLVI.

Idem li. II.
verſ.
CCCCI.
Ibid. lib. IV
verſ.
CCLIII.

Ibid. verſ.
CCLXIII

Salluſt.
Catil.

Inmissumque fretum terris, iter aequoris vndis.
 sic Seneca de Caligula, ut quidem ab amicissimo
 Lipsio emendatus est: *Dum ille pontes navibus iun-*
git, & viribus imperij illudit. paulo post:

Seneca de
 brevitate
 vitae.

Astrorum princeps primam servat sibi partem,
Altera sors Tauro, Geminis pars tertia cedit.
 prior versus multo aliter in quibusdam libris le-
 gitur, & quantum iudicare valeo, rectius:

Ibid. vers.
 CCCXVII

Namque Aries primam partem sibi vindicat ipsi.
dehinc: Tot ducit vires, dominos quotquotq; recipit.
scribe: Totq; dabit vires, dominos quotcūque recipit.
 mox: *Ne tua sub titulis fallantur pectora noctis:*

Ibid. vers.
 CCC. XX.
 Ibid. vers.
 CCC
 LXXI.

Dissimulant, non ostendunt mortalibus astra.
scribe: Nec tua sub titulis fallantur pectora notis:

Dissimulant; non ostentant mortalibus astra.
 subinde:

Ibid. vers.
 CCC
 LXXV.

Viribus.
scribe: —cunctisque sequendum
viribus.

post: *Vt signum à signo, sic à se discrepat ipso,*
Momentoque negat vires, utroque salubris.
 Lege: *Vt signum à signo, sic à se discrepat ipsum,*
Momentoque negat vires, victumque salubrem.
 quod probant illi proxima:

Ibid. vers.
 CCC
 XXXI.

Quodque per has geritur partes, sine fruge creatur,
Aut cadit, aut multis sentit bona mixta querelis.
 posterius:

Ibid. vers.
 CCCCLIX

Unaue viginti numeris pars addita laudet.
Et quintam & duram consumat septima partem.
 emēda: *Vnaue viginti numeris pars addita gaudet.*
Et quinta & duram consummat septima partem.
 sic supra in eodem poeta pro, consumant orbem,
 scripsi, consummant orbem, verbi tempus ignora-

tum, versum corrumpit; & illud, *landet*, extorfit. nunc sex aurei versus à me emendati, caput & librum componant:

id. vers.
XXI. *Sed iuuat ignotum semper transire per orbem,
Scrutarique nouum pelagus, totius & esse
Orbis in hospitio. testis tibi Laniger ipse,
Cum vitreum findens aurato vellere pontum,
Orbatumque sua Phryxum per fata sorore,
Phasidos ad ripas. & Colchica regna reuexit:*

scribo:

*Sed iuuat ignotas semper transire per vrbes,
Scrutarique nouum pelagus; totius & esse
Orbis in hospitio. testis sibi Laniger ipse,
Cum vitreum findens aurauit vellere pontum;
Orbatumque sua Phryxum per fata sorore,
Phasidos ad ripas, & Colchida tergore vexit.*

illud, *aurauit*, quae audax verbi fictio videtur esse, cum tamen, *inaurare*, *deaurare*, aliaq. consimilia recte dicantur, in vetere quodam libro exstare testor. & sane meis quidem, nescio etiam an aliorum, auribus maxime satisfacit. paulo diuersius Virgilius, neque tamen minus audaciter:

ing. li. VI. *Discolor vnde auri per ramos aura refulset.*

iam, *ad Colchica regna reuexit*; prae alia illa scriptura, *ad Colchida tergore vexit*; vehementer sordet. neque enim, ante illud tempus, Phryxus in Colchide fuerat, vt eodem reuehi debuerit. Sed haec quanti faciam, quanti ab alijs fieri velim, nemo non videt: cum, tantam erratorum multitudinem, tanta loci angustia concludo. è qua nonnullos certe scio, quot emendationes sunt, totidem capita duros fuisse. & vero vnus Manilius, tot iam locis à nobis castigatus, vnum illis obseruatio-

num librum facile confecisset . vt de Agellio interim nihil dicam . quod & nobis etiam difficile non erat ; nisi , abiecto verborum mundo , Antiquas lectiones scribere , easque nude & simpliciter proponere malle . Ne tamen nostra profundere , potius quam liberaliter donare , videamur , & ea re ingrata sint : *pax* .

LVDOVICI CARRIONIS ANTIQVAR. LECTION.

COMMENTARIVS.

SECVNDVS.

Antistare. pausa. congressionem factum est. contumelia factum itur. rem praesidio futurum. inimicos dicturum. copias occupatas futurum. Deos benefacturum. in Quadrigario glossemata inducta. eius, Nonij, item Agellij, diuersis locis castigatio.

CAPVT I.



. Claudius. Quadrigarius, praeclarus annalium scriptor , & à veteribus laudatus , bellum , quod fuit P. R. cum Gallis , vt cetera gentis illius omnia , longe difficillimum , libro suorum primo , simplice quidem & incompta orationis antiquae sua uitate , purissime tamen atque illustrissime complexus est : in eoque causam , qua T. Manlio cognomen Torquati fuit , verbis elegantibus , vt ta-

Agell. li. IX
cap. XIII.

men hodie sunt, varie corruptis, explicauit. quae primum vti nunc leguntur, deinde vero vti legi debent, ex libro Bussidiano, è quo nonnulla in historijs Sallustianis olim emendare memini, huc adscribam. Cum, inquit, interim Gallus quidam, nudus praeter scutū & gladios duos, torque atque armillis decoratus processit: qui & viribus, & magnitudine, & adolescentia, simulque virtute ceteris antestabat. lego: antistabat. de quo verbo posterius dicemus.

Is maxime proelio commoto, atque vtrisque summo studio pugnantibus, manu significare coepit, vtrique ut quiescerent pugnare. pugnae facta pausa est. lego: significare coepit vtrique quiescerent pugnae. facta pausa est. alia sunt à glossemate.

Extemplo silentio facto cum (lego, cum) voce maxima inclamat; si quis secum depugnare vellet, vti prodiret. nemo audebat propter magnitudinem, atque immanitatem facies. deinde Gallus irridere coepit, atque linguam exsertare. id subito perditum est cuiusdam T. Manlio, summo genere nato, tantum flagitium ciuitati accidere. Lego: accedere. sic alibi: si quae tam molestiae accidere nonnumquam viderentur. legendum: accedere. deinde: è tanto exercitu neminem prodire. is, ut dico, processit; neque passus est virtutem Romanam à Gallo turpiter spoliari: scuto pedestri, & gladio Hispanico cinctus, contra Gallum constitit. vetus liber; gladio spanico constitit contra Gallum. vocem illam, spanico, capite truncatam esse existimo. cetera, antiqua lectio recta est. metu magno ea congressio in ipso ponte utroque exercitu inspectante facta est. lego, eam congressionem, in ipso ponte, utroque exercitu inspectante factum est: rationem emendationis hoc extremo capite redditurus. ita, ut

Agell. li. I.
cap. VI.
Idem li. IX
cap. XIII.

ante dixi, constiterunt, Gallus sua disciplina scuto
 proiecto cantabundus; Manlius animo magis quam
 arte confusus. scutum scuto percussit; atque statum
 Galli conturbavit. dum se Gallus iterum eodem pacto
 constituere studet: (vet. cod. studeret.) Manlius ite-
 rum scutum scuto percutit: atque de loco certo iterum
 hominem deiecit. scribo: atque de loco iterum hominem
 deiecit. alia illa voce, quae huc irrepserat, eiecta.
 eo pacto ei sub Gallicum gladium successit; atque Hi-
 spanico pectus hausit. dein continuo humerum dexte-
 rum eodem percussu incidit; neque recessit vsquam,
 donec subuertit, ne Gallus impetū icti (vet. cod. recte
 istius) haberet. ubi eum euertit: caput praecidit, tor-
 quemque detraxit; eamque sanguinolentam sibi in
 collum imponit. vetus codex; eumque sanguinolentam
 sibi imponit: alijs amputatis. quae tamen scri-
 ptura, cum Nonio manifeste, eamque sanguinolentam
 sibi in collum ponit, legenti aduersetur; mihi
 quidem non est certa. illud pro comperto habeo,
 in Nonio numerum annalis Quadrigarij, qui il-
 linc excidit, reponendum; atque ita legendum:
Claudius Quadrigarius annalium libro primo. Ci-
 cero certe pro libro Buslidiano facit; dum ita scri-
 bit: *Atque hic T. Manlius is est, qui, ad Anienem,*
Galli, quem ab eo prouocatus occiderat, torque detra-
cto, cognomen inuenit. deinde: quo ex facto ipse poste-
rique eius Torquati sunt cognominati. haecenus
 Quadrigarius. Quod autem in vetere libro esse
 monui, eam congressionem factum est; hoc etsi no-
 uum, aut potius antiquum, genus est loquendi, &
 plerisque inauditum: eo tamen loco retinendum
 esse censeo. multa enim sunt eiusmodi in anti-
 quissimis scriptoribus, quae exéplo non carerent.

Nonius,
Torquis.

Cicero lib.
III. de
Officijs.

nisi, exemplo pessimo, superioris aetatis homines ea subuertissent. Neque vero, uti ego ratiocinor, paulo proprius abest à vero, librarios veterem si-
 bique parum notam loquendi rationem in no-
 uam & ubique celebrem commutasse, quam cō-
 tra fecisse. tale est eadem hac oratione; *magnitu-
 do atque immanitas facies*: tale apud Catonem ora-
 tione pro se contra C. Cassium: *Contumelia mihi
 factum itur*. tale etiā, quod magis huc facit, apud
 Ciceronem, *rem praesidio futurum*; apud Graccum
 oratione de Q. Popillio circum conciliabula, *ini-
 micos dicturum*: apud eundem hunc Quadrigariū
 annalium, *centesimo quinquagesimo*, item, *duodevi-
 cesimo* (sic enim apud Agellium in veteribus libris
 legi video) *hostium copias occupatas futurum*, &
Deos bonis bene facturum. in quibus omnibus, *fu-
 turum, facturum, dicturum*, &c. ita ponuntur, ut a-
 pud Graecos omnibus numeris generibusque si-
 ne discrimine attribuuntur ποιήσειν, ἔσεσθαι, λέξειν,
 & similia.

Agell. li. X.
 ap. XIV.

Cicero Ora.
 7. in Ver-
 em.

Agell. li. I.
 ap. VII.

*Bambalo. Φελλισῆς. balathro. balatus. Cicero,
 Glossarius, & Adamantius Mar-
 tyrius, restituti.*

CAPVT II.

Cicero Phi-
 lip. III.

SI Aricinam uxorem non probas; cur probas Tu-
 sculanam? quamquam huius sanctissimae femi-
 nae atque optimae pater, M. Attius Balbus, in pri-
 mis honestus, praetorius fuit: tuae coniugis bonae fe-
 minae, locupletis quidem certe, Bambalio quidā pa-
 ter, homo nullo numero: nihil illo contemptius; qui pro-
 pter

pter haesitantiam linguae, stuporemque cordis, cognomen ex contumelia traxerit. Verba sunt Ciceronis, de nescio quo M. Fundo, Antonij IIII-viri socero. in quibus, quod eum propter haesitantiam linguae, & mentis stuporem, Bambalionem cognominatum fuisse, scribit: mihi quidem Sibyllinum est oraculum. quod tamen vtcunque interpretari conabor. Itaque, quod sine fraude liceat, in illis verbis Tullij, *Bambalo*, potius quam, *Bambalio*, scribendum censeo. qua voce haectenus, opinor, ignorata quid significetur, vetustissimus grammaticus Adamantius Martyrius, libello de nomine & prima nominis syllaba apud Cassiodorum, declarabit: si tamen eius verba, vt à me, partim ex ingenio, partim ex diuersorum librorum collatione, sunt emendata, proferantur. *Illa quoque*, inquit, *nomina, quorum secunda syllaba in à littera desinit, per b mutam scribuntur; vt, Bambalo, βαμβάλω, bacca, balathro, βάλλω, balatus, βαλλήματα, barathrū, ac talia.* & infra: *Bam etiam vocalibus alijs interuenientibus in prima syllaba nullius nominis enuntiari cognoui: nisi in glossematibus; Bammum, βάμμα, atque Bambalo, βαμβάλω: quae per, b, mutam scribuntur.* In libro Francisci Martini, omnis antiquitatis & humanitatis scientia valde ornati, cuius immatura morte abrepti memoriam, pro eo ac debeo, sancte veneror & colo, scriptū erat; *ambulo*; aliaque valde mendose. quae ex fragmento libri Gēblacensis in paucis pagellis reliquo, alia, in frustra minima distracto, ita, vt edenda curo, legenda didici. Et sane scriptor ille, Graecam earum vocum interpretationem ex cottidianis Glossarijs, vt appellat alibi, desumit; hodieque in optimo illo,

Cassiodorus
Orthographia.

quem nuper Henricus magno litterarum bono prouulgauit, pleraque leguntur. nisi quod nonnulla in eo vitiosa sunt. Glossarius Graecus: ψελισθός, *Vambal*, scribe. *Vambalo*. ἀσώλος, balathro: βληχθίμος, ballatus, ballatum. βληχθί balatus. Glossarius Latinus: *balatus*, βληχθίμος. sed de eo alias dicendum erit. quod igitur is M. Fundus haesitaret lingua, *Bambalo*, dictus est. notum est enim Graecos à densiore in verbis concursu mutarum, vehementer abhorruisse, propter eum, quem vocant, psellismum. qua re etiam nonnullis verbis, alioqui probis, vsu & commercio hominum interdixerunt. quale est, πέπομπα. quod βομβώδη κόμπων efficere videretur. quo illud etiam Comici βομβάλο-βομβάζ referendum est. de quibus ita mihi videtur.

Argentum Romae quando signatum. Eutropius, Fasti, Plinius, ea de re correcti.

C A P V T I I I.

AR G E N T V M Romae publice ex S. C. paucis, ante bellum Punicum primum, annis signari coepisse, cum antea appenso vti consueuissent, inter omnes satis constat. quibus tamen Consulibus senatus id fieri oportere censuerit, Populusque R. voluerit iusserit; plerique eorum, qui res Romanas nostra aetate litteris comprehenderunt, varie produnt. *Carolus Sigonius*, Italiae sol, qui princeps alijs ad Romanam historiam, in hanc lucem, è situ puluerulento, in quo oppressa misere iacebat, eruendam signum sustulit, *Q. Fabio*
Pictore

Pictore, L. Quinctio Gulone Consulibus, vult videri factum; deceptus, opinor, librorū, quibus vsus est, vitio. *Stephanis Piginus* vir doctissimus & his in rebus mirandum in modum exercitatus, eumque secutus in Brugenſibus, *Consulum triumphorum Q. Romanorū fastis*, noster *Goltzius*, alter in Graeca & Romana antiquitate inuestigandā Varro, *Q. Ogulnio Gallo, & C. Fabio Pictori Consulibus*, id tribuere maluerunt. quos sane vt sequerer, facile sum adductus. primum enim Fasti Graeci, *Gallum & Pictorem*; Zonaras, *Q. Gallum & Fabiū*, hoc anno Consules prodiderunt. Deinde in iisdē illis *Goltzij* Fastis, duo nummi argentei videntur. quorum prior ab vna parte inscribitur: *C. Fabi. C. F.* ab altera vero. *Ex A. pu.* quod ex argento publico interpretari soleo. vt ex ijs fortasse fuerit, qui tum primum Romae sunt signati. alterius nummi haec est inscriptio: *Q. O C V. C A.* id est, *Q. Oculnius Callus*. ad hoc, Eutropius eisdem Coss. eidem anno dedit. si tamen eius verba scribantur, vti debent. *Quincto*, inquit *Gulone & C. Fabio Coss. Picentes bellum commonere, & ab insequentibus Coss. P. Sempronio, Appio Claudio victi sunt.* vbi *Elias Vinetus*, cuius in diuersos scriptores accuratae & meditatae commentationes sunt, in vetere quodam libro pro, *Gulone*, exstare, *Gallinio*, testatus est. quod causam errori, in alijs, quot editi fuerunt, libris dedisse existimauerim. postremo C. Plinius naturali historia, cuius mendo foedissimo liberandi, in hunc sermonem sum ingressus, idem sensit. verba sunt: *Argentum signatum est anno urbis 10. LXXXV. Q. Fabio Coss. quinque annis ante*

Plinius li
XXXIII
cap. III.

ante primum bellum Punicum. quae in codice antiquissimo bibliothecae Cameracensis, ita perscribuntur: *Argentum signatum est anno V. c. 510. LXXXV. Q. O. C. Fabio. Cons.* vt nemini dubium esse possit, quin per singulas illas, *Q. O. Quintum Ogulnium* intelligere sit necesse: & prior ille numerus, *quadringentos* annos signet: vnde primore detracta nota, *quingentos*, fecere librarij. Iam vero de posteriore illo numero, res est incerta. nam etsi argentum signatum quinque annis bellum Punicum primum praeuerterit, auctore Plinio: tamen *xxciv*, supra *510*, an *xxcv*, fuerit annus, nihilo magis certum est: cum bellum Punicum partim anno *V. C. 510. xxciix*, alij, *510. xxcix*, nonnulli etiam *510xc* excitatum fuisse scribant. Igitur Plinius, quod initio volebam, hunc in modum corrigendus est: *Argentum signatum est anno urbis 510. xxcv. Q. Ogulnio C. Fabio Consulibus.* Eutropius: *Q. Ogulnio & C. Fabio Consulibus Picentes bellum commouere.* in fastis vero Consules ita collocandi:

Q. Ogulnius L. F. A. N. Gallus.

C. Fabius. C. F. M. N. Pictor.

Gallum enim Consulem maiorem, vt veteres loquebatur, fuisse, ex Plinio & Eutropio probatum est. qui error ex Antonij Contij elegantis & eruditi Iureconsulti fastis etiam tollendus est; in quibus eo anno Consules non recte ponuntur:

L. Quinctius Gulo, C. Fabius Pictor.

Magistri

*Magistri conuiuiorum. praefecti urbi. viri
Consulares. regiones urbis. Lam-
pridius & Sallustius,
emaculati.*

CAPVT IV.

PLV RIMVS olim fui, cum in alijs omni-
bus, tum maxime in illustrandis inferioribus
illis, & quasi minorum gentium historicis. neque
vero me, quantum hîc profecerim, paenitet. nam
praeter multa in ijs à nemine eorum haftenus,
quorum ad me scripta peruenerunt, intellecta,
certe non explicata: octingenta etiam aut eo plu-
ra grauisima errata sustuli. qualia sunt, quae nûc
proferam. Lampridius Elagabalo: *Praefectum ur-
bicum* saepe post cenam ad potandum vocabat, adhi-
bitis & praefectis praetorio; ita ut, si recusarent, ma-
gistri eorum eos cogerent. voluit & per singulas vrbes,
lenones praefectos urbi facere. & ut essent in vrbe
xiv. & fecisset, si vixisset, promoturus omnes turpissi-
mos & vltimae professionis homines. Non possum
quin satyram Varronianam appellem, & *Hercu-
les tuam fidem*, clamem. quae sunt haec verborum
monstra, quibus eijciendis vix illius, cuius fidem
sum testatus, claua suffecerit! praefecti praetorio,
quorum prima dignitas est, magistratos habent?
quos tandem illos? memoriae? an scriniorum? an
nouos nescio quos, ab Elagabalo sibi appositos?
sed quicumque tamen illi, cur praefectos potare
compellant? nugae merae. vocem, *eorum*, expun-
gendam, & de conuiuiorum magistris locum ac-
cipiendum didici: idque ante annos multos, in
aduer-

aduersaria retuli. cuius rei testem habeo. *Franciscum Modium*, varia liberalium artium cognitione & omni virtutis genere praestantem, mihi que artissima familiaritate iunctum; aliosque non paucos, qui me, vt olim Carneadem Metrodorus putabatur, bene norunt. qua in eadem opinione cum *Lipsum* esse video, hominem beneficijs plurimis, iniuria nulla mihi cognitum, & primarum artium in hac nostra Belgica prope principem; vehementer, vt de alijs compluribus, ita de isto, idem vtrique nostrum in mentem venisse gaudeo: & exactissimo diuini illius ingenij iudicio, coniecturam meam probari, serio triumpho. pergamus ad alia: *voluit & per singulas vrbes lenones praefectos vrbi facere.* quae istae vrbes singulae, quibus praefecti fiant? aut quae istaec loquendi ratio, *per singulas vrbes praefectos vrbi facere?* nam de lenonibus vrbi praeficiendis; demus sane vt illi flagitio hominis in mentem venerit. sed haec profecto certa sunt eorum somnia, qui frigida prohibentur. scripsit Lampridius: *Voluit & per singulas vrbis regiones praefectos vrbi facere.* quos Alexander Elagabali, cui in imperium successit, secutus consilium, in vrbis curatores, neque eos ex turpissimis & vltimae professionis hominibus, sed ex viris Consularibus mutauit. quod idem Lampridius his verbis, vt in editionibus sunt, corruptis, vt à me adducentur, integris, prodidit: *fecit Romae curatores vrbis XIV, sed ex Consularibus viris (vulgo; ex Coss. veros.) quos audire negotia Urbana cum praefecto vrbis iussit.* addit Lampridius: *& vt essent in vrbe XIV.* error errorem trahit, superiora verba parum intellecta,

Lampridius
Elagabalo.

Idem Alexander, correctus.

Idem Elagabalo.

lecta, etiam ista inquinauerunt. scripsit Lampridius: *Voluit & per singulas urbis regiones praefectos urbi facere, ut essent in urbe XIV; & fecisset si vixisset.* fuissent itaque Romae XIV urbi praefecti: quia totidem nimirum eius regiones erant. totidem, inquam; non quod viro cuidam doctissimo excidisse miror, XVI. nam ut taceam P. Vitorem ex professo ea de re scribentem, ultra decimamquartam nullam nominare: Plinius, Paulus I C. alij, idem sunt testati. Plinius quidem naturali historia: *Moenia Romae collegere ambitu imperatoribus censoribusque Vespasianis anno conditae IOCCCXXVIII. pass. XIII. M. CC. complexa montes VII. ipsa diuiditur in regiones XIV.* Paulus vero libro singulari de officio praefecti Vigilum: *deinde D. Augustus maluit per se huic rei consuli: nam salutem reipub. tueri, nulli magis credidit conuenire, nec alium ei rei sufficere, quam Caesarem.* itaque septem cohortes, oportunis locis, constituit, ut binas regiones urbis vnaquaeque cohors tueatur. addatur Cornelius Tacitus. qui lib. annal. XIV *Tactae*, inquit, *de caelo XIV. urbis regiones.* Lampridiani loci emendationem primum ex illis eiusdem in Alexandro verbis, deinde ex quodam libro in quo erat, *urbis legiones*, erui. saepe enim accidere memineram, ut voces illae, *regio*, &, *legio*, mutuuum locum occuparent. & recens erat in animo meo, de verbis quibusdam Sallustianis, nuper primum eadem occasione deprauatis, indignatio. verba Iugurthino sunt: *sed quoniam in has regiones per Leptitanorum negotia venimus.* vbi cum in Plantiniana editione, cuius, ab homine improbo

Plinius lib.
III. cap. V

in fine capituli primi, & cap. III. de officio praef. Vigil.

& vix

& vix semidocto, factae, Plantinus auctoritatem merito defugit; neque epistolam illi ab eodem praefixam agnoscit: sed tamē in ea editione, cum operarum, aut illius, quem dixi, culpa, *Legiones*, expressum esset: reliqui, qui postilla Sallustium typis suis publicarūt, & correctionem nescio quam promiserunt; eandē ei maculā insidere passi sunt. tantū negotij est scriptores optimos labefacere.

*Alius finisset iter. votum soluit. amplexus Olym-
pum. nox contrahit alas. indelassato corde. ponti-
bus impositis. admonisse Iouem terris. tulit vesti-
gia cursu. Maniliani versus castigati,
& alterius cuiusdam vitium
indicatum.*

CAPVT V.

Manilius
lib. v. vers. i

MANILIUS lib. v.
*Sic alius finisset opus, signisquē relatis
Quis aduersa meant stellarum numina quinque,
Quadriugis & Phoebus equis, & Delia bigis,
Non ultra struxisset opus.*

inepta his in versibus battologia. quid enim est aliud, non ultra opus struere, quam opus finire? quam vitabis, si, veterem codicē secutus, scribes:

Hic alius finisset iter.

cui illud conuenit:
non multo post:

—caeloque rediret.

Ibid. vers.
xviii.

*Araque Diuorum, cui vota resoluit Olympus.
scribe:*

Ibid. vers.
liix.

*Araque Diuorum, cui votum soluit Olympus.
infra: Maximus Orion, magnū complexus Olympū,
Quo*

*Quo fulgente super terras, caelumque trahente,
Et mentita diem nigras nox contrahit aras:
Sollertes animos, velocia corpora finget,
Atque agilem officio mentem, curasque per omnes
inde relaxato properantia corde videre.*

*emenda: Maximus Orion, magnumque amplexus
Olympum,*

*Quo fulgente super terras, caelumque trahente,
Ementita diem nigras nox contrahit alas;
Sollertes animos, velocia corpora finget,
Atque agilem officio mentem, curasque per omnes
Indelassato properantia corde videre.*

deinde :

Hinc mihi Salmoneus, qui caelū imitatur in orbe Ibid. vers.
Motibus impositis, missisque per aera quadrigis; XCI.
*Expressisse sonum mundi sibi visus, & ipsum
Admonisse Iouem terris de fulmine fingit.*

*Lege: Hinc mihi Salmoneus, qui caelum imitatur in
orbe*

*Pontibus impositis; missisque per aera quadrigis,
Expressisse sonum mundi sibi visus, & ipsum
Admonisse Iouem terris de fulmine fingit.*

*fabula de ponte aereo, siue ferreo, in quem Sal-
moneus quadrigas agitando fulmen Iouis imita-
batur, vel paedagogis nota est: neque hoc loco re-
ferenda. vt nec illa de Bellerophonte explicanda:*

Cui caelum campus fuerat, terraeque, fretumque:

Sub pedibus non vlla tulit vestigia campus:

Ibid. ver. a.

veruntamen, ita vt scribam, scribenda:

Sub pedibus non vlla tulit vestigia cursu.

*ficante dixit: Vixque rotis leuibus summum con-
tingere campum*

Vincentem pedibus ventos.

tale est illud Calpurnij:

—*Viridi sic exsultavit in arvo,*

Tangeret vt fragiles sed non curuaret aristas.

quem poetam, Virgilio in illo scribendi genere proximum, longo quidem interuallo, sed tamen proximum, vna cū M. Aurelio Nemesiano multis mendis purgatum, & elegantibus scholijs illustratum, noster *Modius*, elegantissimi ingenij iuuenis & nouem sororibus valde amicus, breui in lucem dabit. Sequitur:

—*nec crede seueræ*

Frontis opus: signo structos nec crede Catones,

Aut Brutum, atque parem Tarquinium & Horatia facta.

His verbis mihi aqua haeret: & gratiam non vulgarem à me inibit, si quis aliquando diuinior, & in coniiciendo acutior veram horum versuum emendationem afferet. quod vt fiat facilius, veteris libri scripturam, licet alioqui prodigiose corruptam, & nullius sententiae, proponam:

—*nec crede seueræ*

Frontis opus, signi structos in coda Catonis,

Abruptaque patri, Torquatū, & Horatia facta.
de posterioribus non difficilis esset coniectura: de prioribus difficillima. quod aenigma qui soluerit; esto

Campis diues Apollo Murinaeis.

nam, absque melioribus libris sit, praeter illum, faciet nemo.

Alter

*Alter amboue. Renatus Vegetius correctus.
item Labeo Antistius apud Agellium. a. a.
v. notae.*

CAPVT VI.

EX TREMO eo senatusconsulto, de quo supra diximus, Remp. aliquando magistratuū vnīuerso, ijsue qui ad urbem essent; aliquando solis coss. permitti solere vulgo notum est: & alioqui infiniti veterum scriptorum testantur loci. illud fortasse omnibus non ita est obuium, nonnunquam senatum decreuisse, vt vel ambo Coss. vel alter eorum, si eis videretur, prouiderent, ne quid resp. detrimenti caperet. Verba Vegetij hac de re ē Libro de arte militari III. vt vulgata sunt, primum apponam: deinde, vt in membranīs scribuntur, subiungam; & hoc, quod posui, verum esse eorum testimonio manifeste, opinor, vincam. *Quod si, inquit, infinita multitudo de fortissimis gentibus rebellasset: tunc nimia necessitate cogente, duo duces, & duo exercitus mittebantur, cum huiusmodi praecepto, vt prouiderent, ne quid respub. detrimenti capiat Consules ambo.* Videtis ijs verbis nihil eorum subesse quae dico, & haec frustra à me afferri. sed profecto illustis ille in primis scriptor, si quisquam alius, ita militariter est dilaceratus, & in partes diuersissimas dissipatus, nihil propè vt sit in eo quod sibi cohaereat, & non potius à seipso omni ex parte dissideat. quod nos olim in eodem emendato vberius declarabimus: & nunc, vera loci istius appositā scriptura, nonnullam eius significationem dabimus. itaque in optimo,
E 2 coque

*Vegetius li.
III, ca. I.*

eoque sane quam vetusto Diuaci mei libro, ea sic perscribuntur: *Quod si infinita multitudo ex ferocissimis gentibus rebellasset: tunc nimia necessitate cogente, duo duces & duo mittebantur exercitus, cum huiusmodi praecepto, ut provideant, ne quid resp. detrimenti capiat, Consules, alter ambone.* Quod vero in alio quodam, eoque etiam vetusto, scribi memini; *ambo alterue, vel, alter ambone*: ab inepta librariorum seu potius sciolorum interpretatione proficisci, prior, quem dixi, liber confirmat; & veterum, ijsdem in rebus aut certe similibus decernendis, ostendit auctoritas. Cicero certe ix. Philippica, cum de statua pedestri Seruio Sulpicio statuenda ex illius ordinis sententia disserit, ait senatui placere, *ut C. Pansa, A. Hirtius Coss. alter ambone, si eis videatur, quaestoribus urbanis imperent, ut eam basim statuamque faciendam, & in rostris statuendam locent.* quin etiam in nostris Iurisconsultis, Labeo Antistius, *eam virginem Vestalem capi nefas esse* scribit, cuius parentes alter ambone seruitutem seruierunt, aut in negotijs sordidis deseruierunt. ut hunc interim Agellij locum, una etiam opera, emendemus. quid? quod paene me fugit scribere, eam senatusconsulti partem, singulis his litteris. *a. a. V.* olim notari consueuille? quod ex ijs, quae Valerio Probo, à nescio quo, adiiciuntur, licet intelligere.

Agel. lib. I.
cap. XII.

Minus

Mimus.componere in maius. celebrare in mains.

Sallustius apud Lactantium, item Lactantius alibi, emendati.

CAPVT VII.

MIMI vocem in veteribus scriptoribus plerisque omnibus superioris saeculi negligentia, dicam an imperitia? esse corruptam; & verbi alicuius sibi cognati, aut litterarum similitudine coniuncti, sedem occupare, iam pridem alij monuerunt: & verum esse, exemplis eam in re adductis, confirmarunt. Quibus, nostram de Lactantiani cuiusdam loci emendatione opinionem, nunc adscribimus; eamque, vti testem extra ordinem interrogandum, huc allegamus. verba Lactantij sunt: *Quis haec ludibria non derideat, qui habeat aliquid sanstatis, cum videat homines, veluti mente captos, ea serio facere, quae si quis faciat in lusu, nimis lasciuus & ineptus esse videatur?* quo quidem loco, alium, nescio quem, librum paulo ista aliter perscripta habere; in eoque pro postremis illis, *nimis lasciuus, exstare, minus sanus*: qui recognitioni Romanae, & editioni Plantinianae praefuerunt, testificati sunt. mihi tamen, qui verum amo, scriptura huiuscemodi nequit satisfacere: neque vero quisquam eorum, qui paullo diligentius in priorem illam lectionem, & Lactantij sententiam intuebuntur, ea sibi satisfieri patietur. quid igitur dicemus? quod res est. obseruatis nimirum litterarum vestigijs, & vna voce in paucis mutata, *minus lasciuus*, ibidem legendum videri: eamque vocis insolentiam, pro hominum semidoctorum

Lact. lib. I.
Institut. ca.
XXI.

coque sane quam vetusto Diuacii mei libro, ea sic perscribuntur: *Quod si infinita multitudo ex ferocissimis gentibus rebellasset: tunc nimia necessitate cogente, duo duces & duo mittebantur exercitus, cum huiusmodi praecepto, ut provideant, ne quid resp. detrimenti capiat, Consules, alter amboe. Quod vero in alio quodam, eoque etiam vetusto, scribi memini; ambo alterue, vel, alter amboe: ab inepta librariorum seu potius sciolorum interpretatione proficisci, prior, quem dixi, liber confirmat; & veterum, iisdem in rebus aut certe similibus decernendis, ostendit auctoritas. Cicero certe ix. Philippica, cum de statua pedestri Seruio Sulpicio statuenda ex illius ordinis sententia disserit, ait senatui placere, uti C. Pansa, A. Hirtius Coss. alter amboe, si eis videatur, quae storibus urbanis imperent, ut eam basim statuamque faciendam, & in rostris statuendam locent. quin etiam in nostris Iurisconsultis, Labeo Antistius, eam virginem Vestalem capi nefas esse scribit, cuius parentes alter amboe seruitutem seruierunt, aut in negotiis sordidis deseruierunt. ut hunc interim Agellij locum, una etiam opera, emendemus. quid? quod paene me fugit scribere, eam senatusconsulti partem, singulis his litteris. a. a. V. olim notari consuevit? quod ex ijs, quae Valerio Probo, à nescio quo, adijciuntur, licet intelligere.*

Minus

Mimus.componere in maius. celebrare in maius.

Sallustius apud Lactantium, item Lactantius alibi, emendati.

CAPVT VII.

MIMI vocem in veteribus scriptoribus plerisque omnibus superioris saeculi negligentia, dicam an imperitia? esse corruptam; & verbi alicuius sibi cognati, aut litterarum similitudine coniuncti, sedem occupare, iam pridem alij monuerunt: & verum esse, exemplis eam in re adductis, confirmarunt. Quibus, nostram de Lactantiani cuiusdam loci emendatione opinionem, nunc adscribimus; eamque, vti testem extra ordinem interrogandum, huc allegamus. verba Lactantij sunt: *Quis haec ludibria non derideat, qui habeat aliquid sanstatis, cum videat homines, veluti mente captos, ea serio facere, quae si quis faciat in lusu, nimis lasciuus & ineptus esse videatur?* quo quidem loco, alium, nescio quem, librum paulo ista aliter perscripta habere; in eoque pro postremis illis, *nimis lasciuus, extare, minus sanus*: qui recognitioni Romanae, & editioni Plantinianae praefuerunt, testificati sunt. mihi tamen, qui verum amo, scriptura huiuscemodi nequit satisfacere: neque vero quisquam eorum, qui paullo diligentius in priorem illam lectionem, & Lactantij sententiam intuebuntur, ea sibi satisfieri patietur. quid igitur dicemus? quod res est, obseruatis nimirum litterarum vestigijs, & vna voce in paucis mutata, *minus lasciuus*, ibidem legendum videri: eamque vocis insolentiam, pro hominum semidoctorum

Lact. lib. I.
Institut. ca.
XXI.

captu, parum notā, Philosophi & Oratoris Christiani deprauandi fuisse. Quae quidem tam leuis vnus atque alterius litterae immutatio facit, vt ex eodem capite, eodem etiam scriptore, certe apud eundem scriptorem Sallustio, simile mendum, quod in editionibus passim omnibus hactenus latuit, neque à Romanis deprehensum est, eadem nunc facilitate tollam. *Hanc totam*, inquit, *opinionem quasi à poetis fictam Sallustius respuit; voluitque ingeniose interpretari cur altores Iouis dicantur Curetes fuisse; & sic ait: Quia principes intelligendi diuina fuerunt, vetustatem, ut cetera, in maius componentes altores Ioui celebrasse. hic, componentem, non, componentes, Iouis, non, Ioui, scribendum esse, res ipsa clamat. non enim voluit Sallustius à Curetib vetustatem, sed potius Curetum illud & inuentae & intellectae religionis factum, ab ipsa vetustate, in maius fuisse compositum. Qua eadem propè quendi ratione alibi Sallustius, eumque, nisi fallor, imitatus doctus poeta Claudianus vsi, in maius celebrare, dixerunt. Sallustius Iugurthino: Praeterea seditiosi magistratus vulgus exagitare, Metellum omnibus concionibus capitis arcessere, Marij virtutem in maius celebrare.*

Claudianus Panegyri:

—licet omnia vates

In maius celebrata ferant.

Aduentus

*Aduentus . Gentianus . principales officiorum
viri. Herodianus, Codex Iustiniani, Capitoli-
nus, & Solinus illustrati & correcti.*

CAPVT VIII.

Si quis est, qui commemoratione antiquita-
tis, exéplorumque prolatione, supra quâ cui-
quam est credibile, delectetur: in ijs me libenter
esse fateor: neque quicquam verius dici posse exi-
stimo, quam aetatem hominis oportere, cum su-
periore aetate, memoria rerum veterum contexi.
Itaque dum historiam diligenter lego, & magna
mea cum vtilitate in ea versor: si qui sunt, qui se
fortiter in rep. gesserunt, eos admiror & religiose
colo: neque quicquam eorū famae, quam magnis
sibi laboribus pro rep. exhaustis cōfecerunt, volēs
detrahi patior. Quod meum sollenne nunc vt ser-
uem; Consul is Romani, cuius memoria cum ipso
paene nomine interiuit, famam illustrabo: & ab
iniuria obliuionis, quantum potest, vindicabo.
profecto eorum virtus, qui praeclare, in rep. sunt
versati, meretur, vt nullo vmquam tempore no-
men fastis eximatur. Quis est autem qui *Aduenti*
Consulis, afflictæ reip. temporibus, valde lauda-
ti, vel fando nomen audiuerit? quē tamen prope
à sacra Romani imperij maiestate afuisse, atque
impendentem ceruici suae, sub imperatorio no-
mine, calamitatē prudētia quadam declinasse, &
M. Opelio Macrino, qui tū praefectus praetorio
fuerat, concessisse cuius facile probabo. Consu-
lem fuisse cum *M. Opelio Antonino Diadume-*
niano Augusti fillo iterum anno v.c. DCCCCLXXI,
Cassiodorus, fasti Graeci, fasti Cuspiniani, et si

praeter, *Aduentum*, nomen aut praenome, aliud praeterea nullum afferunt, idonei sunt auctores. cetera Herodianus expediet. qui historiarum libro IV. ἦσαν δὲ, inquit, αὐτῶ ἐπαρχόντες τοῦ στρατοῦ δύο, ὁ μὲν πρεσβύτερος πάντοτε τὰ μὲν ἄλλα ἰδιώτης, καὶ πολιτικῶν πραγμάτων ἀπειρώς ἔχων, στρατιωτικὸς δὲ γεγενῆσθαι δοκῶν, Ἀδθενίος ὄνομα αὐτῶ· ὁ δὲ ἑτέρος Μακρίνος μὲν ἐκαλεῖτο, τῶν δὲ ἐν ἀγορᾷ οὐκ ἀπειρώς ἔιχε, καὶ μάστιγα νόμων ἐπισήμης. Et paullo post: αἰρουῦνται δὲ Βασιλέα πρῶτον μὲν Ἀδθενίον, ὡς στρατιωτεχόντε, καὶ ἐπαρχόν οὐ φαῦλον γενόμενον. ὁ δὲ γῆρας προίσχόμενος, παρηγήσατο. μετ' ἐκείνον δὲ τὸν Μακρίνον πειθόντων αὐτοὺς χιλιάρχων, οἱ καὶ τῆς ἐπιβολῆς τοῦ Ἀντονίνου συλωμότα, καὶ κοινῶν τοῦ Μακρίνου γεγενῆσθαι ὑποπτεύθησαν μετὰ τὴν ἐκείνου τελευτήν, ὡς ἐν τοῖς ἐξῆς ἐροῦμεν.

Quo utroque loco Ἀδθενίος, aut certe vna trāspōsita littera Ἀδθενίος, scribi, & Politianus, *Aduentus*, non *Audentius*, interpretari debuit. quod nomen etiamnum integrum, etsi alioqui nō sine multa multorū sollicitatione, in principali quodam rescripto māsit. quod me auctore, ut sexcēta in Codice Iustiniano alia, quae in perpetuis nostris ad illū notis explicabimus, retinebitur. Rescriptū, quod dico, lib. Codicis IX. tit. LI. c. I. legitur: cui deest subscriptio, aequae atque inscriptio. nam quod hodie pro inscriptione est; rescripti caput, ni fallor, esse debet. quod ex ipsius rescripti verbis satis constat. quae sunt: *Imperator Antoninus A. cum salutatus esset à Gentiano & Adueto & Opelio Macrino praefectis praetorio clarissimis viris, item amicis & principalibus officiorum & utriusque ordinis viris, & processisset: oblatu* est ei *Iulianus Licinianus ab Aelio Vlpiano tunc legato in insulam*

sulam deportatus. tunc Antoninus Augustus dixit: Restituo te in integrum provinciae tuae; & adiecit: ut autem scias quid sit in integrum restitui; honoribus & ordini tuo & omnibus tuis te restituo. Rescriptum, ut legendum iudicamus, proponimus. primum, Gentianus, quod nomen in Diocletianum mutari non oportet, fuit cum Pomponio Basso, Consul anno V. C. DCCCCLXIV. quo L. Septimus Severus Pertinax sublatuſ est. qui in Fastis Brugenſibus, librariorum, ut opinor, culpa, non recte, Gentianus, appellatur. quod ipsum in Iulij Capitolini Pertinace evenit. verba sunt: Denique aggressus cum Lollianus Getianus Consularis; quod contra promissum faceret, necessitatis rationem accepit. scribe: Denique aggressus cum Lollianus Gentianus. q. c. p. f. necess. rat. accepit. de quo vetus haec est inscriptio.

Capitolinus
in Pertinace

Q. EPIDIO. L. F. POL. RVFO
LOLLIAN. GENTIANO.
AVGVRI. COS. PRO. COS. PROV.
ASIAE. LEG. LEG. PR. PR. PROV.
LVGDVNENSIS. COMITI
IMPP. SEVERI. ET. ANTONINI
AVGG. LEG. LEG. XX.

Neque illud quod in rescripto est, principalibus officiorum viris; cuiquam vitij suspicionem debet obijcere. nihil enim sunt aliud, principales officiorum viri, quam, principes officiorum. Idem Capitolinus in Antonino Philosopho: Et Verum quidem Marcus Capuam usque profecutus, amicis comitantibus è senatu, ornavit additis officiorum omnium principibus. De, Aduento, quem nonnulli in, Admentum, vertere conati sunt, satis diximus. quae tamen

dicenda fuerunt, primum vt Herodianus emendaretur. deinde, vt rescripto sua verba seruarietur, & non nihil explicarentur. postremo vt Codicis Iustiniani orae, variarum lectionum ineptijs oppleret, tandem illis liberentur. quibus illud tamē est addendum, in eodē illo rescripto, veteres libros pro *Iuliano Liciniano*, habere, *Hilario Liciniano*: vt etiam, *Aelio*, non, *Opelio*, & *restitui*, non, *restituere*: quae manifeste meliora sunt. Superest vt moneā apud Iulium Solinū, ipsa statim praefatione, *Aduenti*, nomen mutari non debere. cum illud in veteribus libris alij testentur reperiri: & ego de quatuor antiquissimis membranīs, cum quibus puer eum scriptorem comparaui, idem habeam fateri. quamquam Martino Antonio Delrio, iuueni supra aetatem erudito, & mihi fraterna amicitia, ex domestica consuetudine primū orta, deinde meo, de eximia illius indole & virtute, iudicio confirmata, amico, aliter aliquando, re fortassis non satis examinata, visum fuisse, non ignoro.

Cultus cura . in fluctum ponere crines. reuocare undis. morbus virtutis nomine. Leporem tollit. pedibus pinsare manus, ludere fulto. disporre palmas . terrae spem credere in annua vota. Manilius locis aliquam multis emaculatus.

CAPVT. IX.

SAEPER mihi Manilius est molestus: vereor ne & ego illi. sed tamen siue mihi, siue illi, seu potius vtrique nostrum, hanc stat minuire molestiam. hoc tantum animo aegre est; quod, cum
infini-

infinita ei adimam menda, plura tamen semper
restare comperior. Quod itaque in eo scribitur:

*Illis cura sui vultus, frontisque decorae
Semper erit; tortosque in flexum ponere crines,
Aut undis reuocare, & rursus vertice denso
Fingere, & apposis caput emutare capillis,
Pumicibusque cauis horrentia membra polire.*

emenda, si me, me autem? immo si veteres libros
audis:

*Illis cura sui cultus frontisque decorae
Semper erit; tortos in fluctum ponere crines,
Aut undis reuocare comas, & vertice denso
Fingere.*

mox: *Naturae pudet, atque habitat sub pectore caeco*

Ambitio: & morbum virtutis nomine vitant.

corrigere: — & morbum virtutis nomine iactant.

Notum enim est; virtuti unicuique finitimum vi-
tium reperiri; & sub nomine virtutis frequenter
delitescere. deinde:

Septima pars Leporemque tulit: quo sidere natis

Vix alas natura negat, volucrisque meatus.

scribe: *Septima pars Leporem tollit. q. s. n.*

sic posterius dixit:

Vltima pars magni cum tollitur ore Leonis.

Non longe abiero:

Ille pilam celeri fugientem reddere planta,

Et pedibus pensare munus, & ludere saltu,

Mobilibusque citos ictus glomerac lacertis.

hic vitium non iam delitet, sed manifeste se pro-
dit. quo enim illud, *pensare munus*? vt de numeris
interruptis nihil dicam. scribe:

Et pedibus pinsare manus, & ludere fulso.

in quorū utroque, qui antiquā eruditionē inesse
non

Manilius
li. v. vers
CXLVII.

Ibid. ver
CLIII

Ibid. ver
CLIX.

Ibid. ver
CLXV.

non intelligit, & pinfare manus, huc admittendū non videt; eo sane meretur mitti, vbi aliud pinfare doceatur. sequitur:

bid. vers.
CLXIX.

*Ille potens turba perfundere cuncta pilarum,
Per totumque vagas corpus disponere plantas:
Ut teneat tantos orbes, sibi que ipse recludat,
Et velut edoctos inbeat volitare per ipsum.*
scribo:

—*turba perfundere membra pilarum,
Per totumque vagas corpus disponere palmas.*
iam enim de plantis ea, quae superius emendauimus, posuerat: vtque de manibus loqueretur, reliquum erat. subinde:

bid. vers.
LXXIV.

*Nunc cancro vicina canam: cui parte sinistra
Consurgunt ingulae. quibus adspirantibus ortum
Te Meleagre colunt.*
leue vitium; nisi in grauissimo poeta sententiam euerteret. quae sibi constabit, si scripseris:

—*quibus adspirantibus orti*

Te Meleagre colunt.

ed. vers.
CXLVII

infra:

*Nec solum terrae spem credit inania vota:
Annonae quoque vectigal, mercesque sequetur.*
scribe:

Nec solum terrae spem credet in annua vota.
Varie per hunc poetam vagamur; nec vno loco consistimus. Neque vero quis existimet, ea, quae nobis praetereūtur, sana esse, & vitio nullo laborare quin potius, quo plures morbos detegimus, eo etiā plures & grauiores oculi, & à nobis praeteriri, vnumquemque volumus credere.

Memoria

Memoria in Seneca desiderata. defectus supplementus. alia correcta. Thucydidis & Sallustij sententia.

CAPVT X.

CVM multa, inquit Seneca, iam mihi ex me desideranda senectus fecerit, oculorum aciem retulerit, aurium sensum hebetauerit, nervorum firmitatem fatigauerit, inter ea, quae retuli, memoria est, res, ex omnibus partibus animi, maxime delicata & fragilis; inquam primum senectus incurrit. hanc aliquando in me floruisse ut non tantum ad usum sufficeret, sed in miraculum usque procederet, non nego, nam duomilia nominum recitata, quo ordine erant dicta, referebam: & ab his, qui ad audiendum praeceptorem nostrum conuenerant, singulos versus à singulis datos, cum plures quam ducenti efficerentur, ab ultimo incipiens usque ad primum recitabam. Nec ad complectendum tantum quae vellem, velox erat mihi memoria, sed etiam ad continendum, quae acceperat. nunc autem & aetate quassata, & longa desidia, quae iuuenilem quoque animum dissoluit, eo perducta est, ut, etiam si possit aliquid praestare, tamen promittere non possit: & diu ab illa nihil repetiri. Haec Seneca. cuius de tam incredibilis & prope diuinae memoriae fragilitate expositio vana poterat videri, nisi iisdem illis libris insigne nobis exemplum illius reliquisset. verba eius sunt: *Multas quaestiones rhetorici & poetae Romani à Graecis dictas non surripiunt, sed & prouocauerunt. Thucydidis sententia est: δεινὰ γὰρ εὐπραγίαι συγχρόται καὶ συσχίσται τὰ ἐκείνων ἀμαρτήματα. Sallustij: res secundae mire sunt vitij obtentui. Cum sit praecipua in Thucydide virtus bre-*

praeſatione
in declama-
tiones.

Li. IX. de-
clam. I. &
Controvers.
li. V. contro.
XXV.

tus breuitas, hac cum Sallustius vicit, & in suis illum caecidit. nam in sententia Graeca, tam breui quam saluo sensu, detrahas, δεινὸν, vel συγχρόψαι, vel συσχεῖσαι, vel ἐκγεῖν: constabit sensus, etiamsi non aequae comtus, attamen integer. at ex Sallustij sententia nihil demi sine sensus detrimento potest. Titus autem Linus tam iniquus Sallustio fuit, vt hanc ipsam sententiam & tanquam translatam, & tanquam corruptam dum transferretur, obijceret Sallustio: nec amore Thucydidis facit, vt illum praeferat; sed laudat, quem non timet. Locum Senecae non tantum varie emendatum, sed & illis Graecis & quibusdā etiam Latinis appositis auctiorē, ex vetere libro, quem olim à me doctissimus ille Frācisus Martinus dono acceperat, perscripsi. Graeca autē sententia hodie nusquam in Thucydide comaret, quid igitur? an hanc librorū illius partē periisse suspicer? minime vero. Senecae potius memoriā accusabo, qui haec apud Demosthenē legerit, & paucis immutatis, Thucydidi dederit. sic enim Demosthenes: Ἀλλ' οἷμαι νῦν μετὰ βπισχολαί τοῦτοισι τὸ χαλροδοῦν. αἱ γὰρ εὐπραξία δεινὰ συγχρόψαι, καὶ συσχεῖσαι τὰ τοιαῦτα ὀνείδει. εἰδὲ τι πλάσσει τότε ἀκριβῶς αὐτοῦ ταῦτ' ἐξετασθήσεται. Hoc enim necesse est faciamus, nisi Demosthenē eadem ista à Thucydide, quē saepius sua illū manu descripsisse cōstat, velimus esse mutatuū. Sallustij sententia est in oratione Lepidi li. i. historiarū: Quare igitur tanto agmine atque animo incedit? quia secundae res mirē sunt vitij obtentui: quibus labefactatis, quam formidatus antea est, tam contemnetur. cui sententiae illud, Stultitiam patiuntur opes, magnā partem simile esse, monuit interpretes Horatianus, & nos ad Sallustiū notauimus.

Nisus

Olynthiaca
II.Porphyrio ad
epi. xvii.
li. i. Horat.
li. i. histo-
ria.

Nisus grammaticus . Remmius Palaemon . oris infamia . Arnobius , Suetonius , Aelius Lampridius, castigati & explicati . Achillis Statij emendatio explosa .

CAPVT XI.

QUARTVS hicerit grammaticus , cui vitam & famam conseruabo : cuiusque nomen è verborum monstis, velut è sepulcro, educam. Arnobius ijs, quae supra attuli, verbis, Epica-
Arnobium li.
I. aduersus
Gentes.
dios, Verrios, Nifos, & Scauros nominat. Theodorus Canterus vir diligens & multatè lectionis, *Gnifos*, pro, *Nifos*, scribendum contendit; eamque in rem, quicquid à Suetonio, de M. Antonio Gnifone, illustri imperatoris Iulij aetate grammatico, quem M. Cicero aliquando audiuisse dicitur, memoriae proditum est, quasi videlicet illud ageretur, in testimonium aduocat. neque videt vir eruditus, *Gnifones*, eo pacto, non, *Gnifos*, debuisse dici. quod homini mihi amico temere excidisse doleo. idem certe Suetonius de M. Pom-
2
4
6
8
10
12
14
16
18
20
22
24
26
28
30
32
34
36
38
40
42
44
46
48
50
52
54
56
58
60
62
64
66
68
70
72
74
76
78
80
82
84
86
88
90
92
94
96
98
100
pilio loquens : *Cum se in vrbe non solum Antonio Gnifoni, sed ceteris etiam deterioribus postponi videret, Cumas transijt: Gnifoni*, dixit, non, *Gnifo*. quanto rectius fecisset Canterus, si littera non dico mutata, sed vna duntaxat virgula immi-
nuta, Arnobium de Niso loq̃i monuisset, & illa Suetoniana abstinuisset ponere! Nisum certe in arte eadem claruisse Sosipater Carisius, Velius Longus, Seruius Honoratus, Priscianus, illius auctoritatem sequi non verentes, satis magno sunt argumento. Et ne in re manifesta vel-
le diutius morari videar; vnum atque alterum
ex ijs,

ex ijs, quos nominaui, adducā in medium, unde id, quod dico, certius cognoscatur. Priscianus lib. x. *Vngo quidem Nisus, & Papirianus, & Probus, tā vngui quam vnxi dicunt facere praeteritum; Carisius vero vnxi tantum.* Velius Longus: coniux sine n putat Nisus artigraphus esse scribendum, quoniam in genitio casu facit coniugis. mihi autem videtur non euellendam exinde litteram, qua sonus enunciationis exprimitur. nam quamuis asserat non esse onerandam superuacuis litteris dictionem: ego tamē non fraudandum aestimo sonum suis litteris, quibus integer & plenus auribus intimatur. Haftenus Velius. plura non addam. haec enim hominibus non stolonibus, verbo suffecerit indicare. Supplebit capiti quod deest, quintus grammaticus. quod tamen cū infami nominis eius ad posteritatem memoria, magis quam honore fiet. sed profecto meretur hominis arrogantia, qui M. Varronem porcū appellare non dubitarit, secūque & natas & mortuas esse litteras iactarit, vt, quae de eo scripta sunt, recte ab omnibus intelligantur: neque vllō verborum inuolucro flagitiorum sordes obtegatur. Est is, quem dico, Q. Remmius Palaemon. de quo ita Suetonius: *Maxime flagrabat libidinibus in mulieres, vsque ad infamiam oris: dictoque non inficeto notatum ferunt cuiusdam, qui, cum in turba osculum sibi ingerentem, quamquam refugiens, evitare non posset: Vis tu, inquit, magister quotiens festinantem aliquem vides obligurrire?* quae verba, vt hodie sunt, recta interpretes Lusitanus suo more deprauare, & in aliam plane formam vertere flu-duit. sic enim scribit: *Lego vsque ad infamiam orationis. sic etiam Cicero opinor, orationem accepit. ita*

Velius Longus in Castorei Orthographia.

Sueton. in Palaemone.

enim

enim legendum etiam illa, quae sequuntur, prope declarant: dictoque non inficeto. Audio censem cui tamen, in hoc lustro, ne quis auscultet, & scriptorem optimum Lusitanicis quisquiliis inquinet, tribus, quod sentio verbis, explicabo. Dico igitur rectam esse eam, quam primo loco posui, scripturam: neque ullius emendationis Lusitanicae indigere. quod vel dictum illud non nimis mehercule inficetum satis probabit. quod, siue vulgus, siue alius nescio quis illius est auctor, à Cicerone mutuatus videri potest. cuius illa sunt: *Hanc tibi legem Sex. Clodius scripsit spurciorem lingua sua. Sexte noster, bona venia, dic, quoniam dialecticus es, & hoc quoque lingurris.* Et: scilicet tu heluoni spurcissimo, praegustatori libidinum tuarum Sex. Clodio socio tui sanguinis, qui sua lingua etiam sororem tuam à te alienavit. Intelligit nimirum vterque turpitudinis genus nobis non nominandae, quod Graeci γλασσοποιεῖν dicere consueverunt. de quo poeta Saloninus nimis sane frequenter multa. Addam Aelii Lampridij locum, quod eum in posterioribus editionibus, harum rerum ignorantia, deprauatum esse constet. *Commodus concubinas suas sub oculis suis stuprari inebat: nec irruentium in se inuenum carebat infamia, omni parte corporis atque ore in sexum utrumque pollutus.* scripserunt illi: *omni parte corporis angustiore.* quod autem ait, *ore in sexum utrumque pollutus:* primum ut fellatorem, deinde ut vitio, de quo loquimur, obnoxium, Commodum traducit. Quae tamen superiorum locorum interpretatio, si cui nimis praetextata, & meis moribus minus digna esse videatur: Achillem Statium, qui suis me ineptijs

Lampridius
Commodo.

& praua scriptores bonos corrumpendi libidine,
huc coegit descendere, meminerit accusare.

*Nimium quantum. è Cicerone & Agellio
glossemata sublata. Cicero alibi
purgatus.*

C A P V T. X I I.

M V L T A sunt in Cicerone, quae, à singu-
lari eius eloquentia, & omnem in par-
tem absoluta, vehementer dissideant: neque ab
alio, quam qui omnino in praeclaris illius viri
operibus sit hospes, pro Ciceronianis habeantur.
Non iam loquor de prodigiosis illis, siue
librariorum, siue alioqui hominum, qui sibi ni-
mium didicisse visi sunt, erroribus; qui nimis
sane multi etiamnum diuinos illos libros ob-
sidunt: sed de ijs, quae ex Grammaticorum se-
midoctorum interpretatione primum nata, orae
deinde librorum adiecta, postremo in ipsa Ci-
ceronis verba incurrerunt; & longo tempore à
nemine deprehensa, sefellerunt. Cuius olim
modi meus *Lipsius* sagaciter mediusfidius non-
nulla est odoratus, & diligenter indicauit. De
hoc genere erit, quod hoc capite afferam: ne-
que ab ijs, qui Ciceroni, saepius ad incudem re-
uocato, nihil ad perfectionem posse accedere
gloriantur, animaduersum est. verba Cicero-
nis lib. i v. de finibus sunt: *Quid Zeno? portenta
haec esse dicit, nec ea ratione ullo modo posse vini;
sed differre inter honestum & turpe nimium quan-
tum, nescio quid, immensum.* vbi posteriora verba,
nescio quid immensum, deicere libet non esse Ci-
cero-

ceronis, sed alterius, nescio cuius: qui, ut iam saepe dixi, ea ad nouum illud & plerisque insolens loquendi genus, *nimum quantum*, explicandum, margini adscripsit. Et primo quidem, ut fons erroris quasi digito monstretur, erat qui cum illud, *nimum quantum*, non satis intelligeret, ad oram libri annotaret, *nescio quid*: quo se eorum verborum vim fateretur ignorare. accessit alius non paullo, ut sibi videbatur, doctior, qui, ut superioris hominis consuleret inscitiae, adiecit, *immensum*. eam nimirum illius locutionis notionem innuens. mox vtrumque pro Ciceroniano receptum est. quod sane me suadente, & veterum librorum suffragio approbante, illuc, vnde profectum est, relegabitur; & Ciceronis ita scribentur: *sed differre inter honestum & turpe, nimum quantum; inter ceteras res nihil omnino interesse*. Quod glossema cum ex aureolis illis de finibus libris amandauerim; volo aliud, eadem tamen occasione natum, velut monstrum, in Agellio exponere, & verum eius partum tollere. Historia est Phocionis Peripatetici super Domesthene & Laide meretrice. *Lais*, inquit, *Corinthia ob elegantiam venustatemque formae grandem pecuniam demerebat; conuentusque ad eam ditiorum hominum ex omni Graecia celebres erant: neque admittebatur, nisi qui dabat quod poposcerat. poscebat autem illa nimiam quantitatem*. quae postrema verba interpretatio fuerunt eorum, quae Agellius posuerat. Et sane in libro Bussidiano longe aliter haec sunt scripta, & vnde veram eam esse, quam dico, lectionem, cuius etiam plane caeco, manifestum erit.

Cicero lib.
IIII. de
Finibus.

Agell. li. I.
cap. VIII.
ut vulgo nã
in libro Bussidiano liber
est XVIII

in eo igitur libro est : *poscebat autem illa nimium, quantum vix dari poterat* . quis iam est , qui non videat , sit licet Tiresias , primum Agellium illa Phocionis , ἀντίχρονος ὄγον aut certe εὐπράσιονος ὄγον interpretantem scripsisse , *poscebat autem illa nimium quantum* ? mox , vt ad mulctra muscas , ita ad verba parum intellecta varios emendatores accessisse ? quorum partim , *nimum quantum , vix dari poterat* : alij , *nimiam quantitatem* , emendarint . superest vt eadem illa verba in Oratorem ad Marcū Brutum , vnde exciderunt , restituātur . *Huic generi orationis aspergentur etiam sales , qui in dicendo mirum quantum valent* . nam & ibi , *nimum quantum* , veteres libros repraesentare , Lambinus testatur ; & vero ego in optimo illo Gymnasij Louaniensis codice , ita sese rem habere , comperi ; quamquam & prior illa loquēdi ratio nō est ignota Graeciae .

De eadem loquendi ratione apud Terentium disputatio : eiusdemque Terentij castigatio .

C A P V T X I I I .

PO T E R A N T & ista cum superioribus coniungi , & eodem capite concludi : nisi illud esset certorum hominum fastidium , vt in nullo scriptionis genere prolixitatem , quam in isto , patiantur aegrius : malintque vnam duntaxat , eamque tenuem vnus alicuius libri maculam vnus capitis compendio purgari , quam eodem capite paullo prolixiore vel decem tolli . quibus si quando copia sum molestus ; eorum arbitrij rem facio , vt vnum caput vel in decem partes tribuant , & quem cuique velint terminum , quam etiam libet
in scri-

Cicero Ora-
tore ad Bru-
tum .

inſcriptionem donent. quamquam quae iſthaec eſt nauſea, varias ſcriptorum emendationes ſi capit ſi vnius atque alterius interuallo diſiunguntur, volentes legere, eaſdem, ſi eadem ſerie comprehenduntur, auerſari? ſed tamen, vt dixi, his de rebus, ſibi quiſque ſtatuat quod volet. quae ſibi quiſque ſtatuert; mihi volenti fecerit. Locus eſt Terentij Phormione, vitij & erroris manifeſtus; neque tamen indicem haecenus inuenit aut vindicem. cuius ego quidem index ero; vindex certe conabor eſſe.

Get: *A primo homo inſanibat. C. cedo, quid poſtulat?*

Terent.
Phorm. ſc.
Expecto.

G. *quid? nimium, quantum libuit. C. dic. G. ſi quis daret*

Talentum magnum.

ſic hodie in optimis Mureti, Fabricij, Riuij, Faer-
ni, editionibus verſus, eadem etiam perſonarum diſtinctione, concipiuntur. non recte, ſi recta eſt Donati eos verſus interpretari volentis haec annotatio: *Quid? nimium, quantum libuit. apud quosdam diuerſae perſonae cum verbis ſingulis.* quae verba cum ſuperioribus illis, mea opinione, parum conueniunt. neque enim fuerunt, credo, qui ita legerent:

quid? G. nimium. C. quantum. G. libuit.

quod eſt neceſſe, ſi vera eſt ea, quae vulgaris eſt ſcriptura: & tamen illud, *libuit*, ſententiam eo pacto habebit nullam. quid? quod Celfus apud Carifiſium plane, *nimium quantum*, legerit? & illud acceperit, *vti, mirum quantum, incredibile quantum? licet*, inquit Carifiſius, *quidam ſic legant, vt nimium ſeruus dicat, quantum vero ſenex.* Conſtat ergo nec Donatum aut Celfum, nec ipſum Carifiſium illud,

libuit, agnoscere; sed versus Terentij ita legere:

C. quid? G. nimium quantū C. dic. G. si quis daret.
quo tamē modo versus, qui hic sunt senarij, iusto breuiores erunt. atque hoc scilicet illud fuit, quod nouum tibicinem versui suffulciēdo bonos illos viros quaerere coegit. nos quod Terentium scripsisse opinamur, & ex Grammaticorū verbis odorati sumus, proponamus. scripsit igitur Terētius:

C. quid? G. nimium quantum. C. quantum? dic. G. si quis daret.

Illud autem posterius, *quātum*, vel à librarijs, verba geminare non cōsuetis, vel ab ijs, qui superiora illa verba minime intellexerunt, & hoc superfluum esse existimarunt, omitti potuit. Videamus nunc quid illi sibi voluerint, quos diuersis personis singula verba attribuisse ex Donato & Carisio cognoscimus. igitur illi scribebant:

C. quid? G. nimium. C. quantum? G. quantum? C. dic. G. si quis daret.

sic enim singulis personis singula dabūtur verba; & optime serui, quid hero sit dicturus, haesitātis & quaerentis, herique seruū vrgentis affectus exprimetur. neque mihi ea distinctio priore illa, vel tantillo deterior esse visa est. Vt ut est; veram & germanam eius loci à tot magnis viris praeteriti, neq; satis intellecti, scripturam inueni. quod *ni ita fiet*, sponsonem facere sum paratus & non quinquaginta ex lege, sed quingentos asses apud pontificē deponere. Certe doctissimo & amicis. *Lipso*, cū de superiore Ciceronis loco in eius *Isca-*no differeremus, & ille Terentij versus eodem videri pertinere diceret, emendationem meam me probare memini. quod multo etiā magis verū esse
mihi

mihi persuadere coepi, postquā amici mei *Theo-*
dori Pulmāni, praeclare de his studijs meriti, librū
veterē cōtigit inspicere. in quo diserte scriptū est:

G. quid? nimium. D. quantum? G. quantum li-
buit. D. dic. G. si quis daret.

lectione, si vox illa, *libuit*, eijciatur, omnino recta.
nam quod ibi personarum est discrimen prorsus
retineri debet: & quae vulgo Chremeti tribuuntur
Demiphoni dari. quod sane in altero etiam Pul-
manni libro conseruatum est.

Sulcatis credere terris. usura sorte maior. vefci-
mur auro. arcu teloque. agitata peēlora in v-
sus. non contenta domo. inter medios prensare
meatus. Manilius correctus, & de quodam
loco coniectura.

CAPVT XIV.

N VNQVAM operam Manilio dare parcam,
dum mea tamen illi utilis esse poterit. nullū
enim tam leue ab eo vitium auferri potest, quod
non & meliorem & intellectu faciliorem faciat
poetam, satis alioquin per se, ijs qui Mathemati-
cas disciplinas non attigerunt, difficilem. quis
enim non rectius intelligat, quae emendauimus;

Seminaque in faenus sulcatis credere terris,

Usuramque sequi maiorem sorte, receptis

Frugibus innumeris, atque horrea quaerere messi:

quam ea quae sunt vulgo?

Seminaque in faenus sulcatis reddere terris,

Usuramque sequi maiori sorte.

item quod sequitur;

Quod solum decuit mortales nosse metallum:

Nulla fames, non vlla forent ieiunia terris:

quam vulgare illud?

Quod solum docuit mortales nosse metallum.
exiguum est,

—*testique auro iam vescimur auro:*
cum vulgo sit;

—*testique auro iam vescimur aurum:*
neque tamen contemnendum. ut nec illud infra:

Hectoris ille faces, arcusque & tela fugavit:
quod corrigimus;

Hectoris ille faces arcu teloque fugavit.

at vero paucis abhinc versibus, quod proximū est;

Sollertes animos, agitataque pectora fundet,

Et finget varijs nec deficientia curis.

Nec tentata domo. populi sunt illa ministra,

Perque magistratus, & publica iura feruntur:

sine nostra correctione nequit intelligi. quae talis est:

Sollertes animos, agitataque pectora in vsus

Effinget varios, nec deficientia curis,

Nec contenta domo. populi sunt illa ministra,

Perque magistratus & publica iura feruntur.

quo quid apertius? quid elegantius? Constat nos igitur operam non ludere, si quando poetae illi manum admovent. lubet alios, eosque perturbatos admodum versus proponere; & coniectura nostra conari emendare:

—*aut bellum indicere mundo,*

Et medios inter volucrem pensare meatus:

At nitidos clamare suis ratione sedentem,

Pascentemue super sugentia ducere lina.

credo poetam, si reuiuisceret, nisi probe, quid scripsisset, memorē, ex his verbis, aptam vllā sententiam non posse elicere. liber Gemblacensis:

Et me-

*Et medios inter volucrem pensare meatas,
Aut nitidos clamare suis, ramoue sedentem,
Pascentemue super surgentia dicere vina.*

correctum in eodem, ut in plerisque illius bibliothecae libris:

*Aut nitidis damnare suis, ramoue sedentem,
Pascentemue super surgentia deicere lina.*

suspicio legendum; neque sat scio, si cui meam suspicionem probare potero, quae mihi tamen, quod in meis rarum est, hoc quidem tempore non admodum displicet: suspicio, inquā, legendum:

*Et medios inter volucrem pensare meatas;
Aut nidis damnare suis, ramoue sedentem
Pascentemue super surgentia deicere vina.*

interuallum illius, *deicere*, nisi me iudicii fallit, erroris culpam sustinet: & *clamare*, à librarijs extudit, cum, *dicere*, scriptum esse opinarentur. de quo tamen per me quiuis iudicabit, ut volet.

Post-principia. viaticum. Q. Claudij Quadrigarij insignis defectus, & alter M. Varronis, suppleri.

C A P V T X V.

SCRIPTOR *Noctium Atticarum*, siue is Aulus Gellius est, siue, quod veteribus libris, omnium eorum qui illum nominarunt, affirmantibus & ipsi Prisciano magis credo, Agellius; verba quaedam cum primè elegantia è libro primo Claudij Quadrigarij, ut noua, & aetate M. Tullij Ciceronis ac deinceps rarissima, lib. xvij. recenset: iisque vel laudis vel culpae notam apponit. quale est; *viaticum*. quod illustris ille historicus, pro fa-

gell. lib. VII. c. II. cultate magna, si Agellio credimus, & apparatu magno noue posuit. verba quidē ipsa Quadrigarij, vt ibi legūtur, eius rei fidem nobis nullam faciunt. sic enim perscribuntur: *Simul forma, factis, eloquentia, dignitate, acrimonia, confidentia, pariter praecebat, vt facile intelligeretur magnum viaticū.* Igitur si id, quod dicit Agellius, ex hac oratione necesse est colligere: magis est necesse, vt locum mutilum esse, verbis aliquot, quae eam sententiam eiicerent, omisis, intelligamus. quo enim illud? *vt facile intelligeretur magnum viaticum.* aut quae in eo illius est, quam diximus, significationis nota? ne multis. addiderat ex eodem Quadrigarij libro Agellius, *ex se, atque in se, ad rem publicam euertendam habere.* atque ita olim scripserat: *simul forma, factis, eloquentia, dignitate, acrimonia, confidentia, pariter praecebat; vt facile intelligeretur magnum viaticum ex se atque in se ad rem publicam euertendam habere.* quae verba ex libro Bussidiano addita, quod ille volebat, confecerunt, & *viaticum*, pro apparatu & facultate ab historico positum esse, declararunt. Varroni quoque verba aliquot, quae lucem haecenus videre timuerunt, ex eodē illo libro, quod capitis huius in scriptio pollicetur, restituamus. Varro Sisenna vel de historia: *Quod si non horum omnium similia essent principia: susque deque esset.* scribe: *Quod si non omnino similia essent principia ac post principia: susque deque esset.* sic idem alibi Varro: *Haec aut non discimus, aut prius desistimus quam intelligamus cur discenda sint.* Voluptas autem vel utilitas talium disciplinarum in post principijs existit, cum perfectae absolutaeque sint: in principijs vero ipsis, ineptae & insua-

gell. lib.
VI. c. IX

dem lib.
VI. cap.
VIII.

& insuaves videntur. Atque ita quidem capitis huius inscriptioni satisfacimus.

De locis aliquot, Plauti Rudente, iudicatum.

CAPVT XVI.

RUDENTE, in faceto illo Sceparnionis & Ampeliscæ colloquio, cum eam sacerdos Veneris aquam è proximo petere iussisset, & illa iam apertis vicini foribus Sceparnioni, quamobrem esset missa, vellet exponere:

Ad vos inquit, inquit, venio. at nequam seruulus adhinnire iam ad lepidam ancillam incipiēs, & paulo familiarius eam tractans, responder:

Accipiam hospitio si mox veneris,

Item vt affectam. nam nunc nihil est qui te inanē. suspicor scribi oportere, personis etiam, vti ponam, distinctis:

Am. Ad vos venio. Sce. accipiam hospitio si mox veneris

item vt affectas. nam nunc nihil est qui te inanē. Nequior enim & liberior est sententia. Si mox, inquit, ad me veneris; praestabo tibi officiū & hospitium, quod praestari sexus vester amat, & quod tacita petis. nam vt nunc res est, parū habeo, quī te inanem & sitientem expleam. id enim verbum postremum Plautus modeste reticuit. quanquam cum alijs libris sit, *qui te maneam*, de scripturae veritate dubito. neque sat scio an legi possit, non nimium ab illo, *inanem*, recedendo, *qui te inuē.* & ne quid dissimulem, scribi mallet; *si nox venis*: id est, noctu. quomodo versum illum Asinaria elegantissime restituit Lipsius:

Ph. Quo

Ph. Quo nunc abis? quin tu hic manes? A R. nox si voles manebo.

qualis etiam illa xii. tabularum lex est:

SI NOX FVRTVM FACTVM ESCIT,
SI IMALIS OCCISIT; IOVRE
CAISVS ESTO.

de quo in commentario ad leges Decemvirales
plura scripsimus. Scena cuius initium: *Qui sunt.*

—verum quicquid fuerit,

Comiter fiet à me, quo non copia valebit.

sentiētia postulat, vt legāmus; quod mea, aut, quod
propius abest à vulgari lectione, quod nostra copia
valebit, id est; quantum potero sciueroque. antea
enim dixerat:

—egomet vix colo vitam,

Veneri cibo meo seruiō:

& haec continuo fuerat subiūctura, nisi eam in-
terpellasset Ampelisca. error ex compendio litte-
rarum; *nrā*, quod illi in, non, mutarunt. Plautus
Mercatore:

Quin si imperes tu mihi, ego faciam. facere certum;

Pro copia & sapientia quae te velle arbitror.

id est; vt sese ferent res, fortunae, & sapientia. sub-
dit enim Lysimachus:

Laboriosi nihil tibi quicquam operis imperabo.

sed ad Rudentem. Scena, cuius initium: *Cupio
ac depol.*

*Omnia isthaec ego facile patior dum hic hinc à
me sentiat.*

scribendum videtur:

*Omnia isthaec ego facile patior, dū hic à me sentiat.
voce illa, hinc, quae nihil nisi glossēma est, eiecta.
sequitur enim:*

Dae. *Atqui nunc abs te stat verum hinc tibi testimonium.*

eadem scena:

Ubi ego dicam, quicquid inerit nominatim, tu mihi nullum ostenderis.

scribe: *nullus ostenderis.* ratione loquendi Plauto, Terentio, alijs, domestica.

Legirupio. Legirupa. Palaestra. Plautus Rudente de opinione correctus.

CAPVT XVII.

QUONIAM vero audere coepi, & semel quid ingenio & coniectura in Plauto possum, experiri: pergam porro in eadē fabula vnum atque alterum locum tentare, & quid suspicer, explicabo. quanquam hic nisi de opinione certi nihil dicam. scena cuius initium: *Exi ē Phano.*

Lo. istuc volueramus, iube modo accedat prope

Dae. *Tun Legirupionem hic nobis cum Dis facere postulas?*

corruptus locus à verbis & personis. legendum:

Lo. istuc volueramus. iube modo accedat prope

Hunc legirupionem. Hic nobiscū Dis facere postulas.

Dae. *pugnum in os impinge.*

loquuntur videlicet Lorarij collocati vt à mulierculis vim lenonis defenderent. Et, finite, inquit, accedere propius si audet hunc perfidum. conuersique deinde ad lenonem irridendum, Quid est ò bone? an hic ad templum Veneris nobiscum dijs sacrificare voluisti? legirupio, leno vocatur, & legirupa, ab eodem saepius supra. scena, *Pro Cyrenenses.*

—frandis

—*fraudis, sceleris, parricidij, periurij*
Plenus, legirupa, impudens, impurus, inuerecun-
dissimus.

& *Perfa. scena; Veterem:*

—*animus haud induci potest, eum*
Esse ciuem & fidelem & bonum, sed Legirupam,
quidem ni det in publicum
Dimidium.

Iam quod ad loquendi genus attinet, quod ignoratum huic loco fraudi fuit, tale est, quale illud Mercatore. *Scena: Diuum.*

Tuam amicam. Q. quid eam? En. vbi sit ego scio.
 & sexcentis apud eū locis alijs. *facere autem, pro*
sacra facere, pueri principes iam iuxta cum pae-
dogis suis norunt. eadem fabula. scena; Utrum:

Palaeſtra. Lor. quid ais? La. apage controuersia est
Haec equidē palaeſtra quae respondit, non est mea.
iudico scribendum:

—*La. absque controuersia est*

Haec equidem palaeſtra. ut ludat videlicet in
ambiguo nomine palaeſtrae. certe enim vera pa-
laeſtra erat illa, in qua duo lorarij cū clauis à sene
destituti erant ad demulcendum caput lenonis.
respondet igitur leno: haec quidem vestra palae-
ſtra est, quam nihil moror; ego ancillam meam
appello.

E Manilio compluria vitia sublata.

CAPVT XVIII.

MANILIUS lib. v.
Quin etiam linguas hominum, sensusque
docebit

Aerias volucres noua qui commercia ducet.

Ver-

Verbaque praecipiet naturae lege negata.
quid illud; noua qui commercia ducet? aut quo referendum? scribe:

Aërias volucres, nouaque in commercia ducet.
mox: *Ipse deum Cygnusque colit vocemque sub illo.*
postulat sententia, & scripsit Manilius:

Ibid. vers.
CCCLXX.

Ipse Deum cygnus condit, vocemque sub illo.
deinde paucis infra versibus.

Qui gestant caneis volucres ad iussa paratas,
quarum omnes paruo consistit pascere census.
obscurū est, & Delium natatorē opus habet. quod ipsa meridiana luce erit lucidius, si scripseris;

Ibid. vers.
CCC.
XXXV.

Qui gestant caneis volucres ad iussa paratas:
Quorum omnis paruo consistit passere census.
neque mehercule plebiscitum aequē scitum est, atque haec emendatio. subinde:

Cum venit in regione tuae Capricorne figurae,
Non inimica facit serpentum membra creatis;
Accipiunt finibusque suis, peploque fluenti,
Osculaque horrendis iungunt impune Venenis.
versus tertius à me nequiuīt emendari. liber Gemblacensis:

Ibid. vers.
CCCXC.

Accipient senibusque suis peploque fluenti,
Osculaque horrendis iungent impune venenis.
& illa quidem, accipient, iungent, recta sunt. de finibus aut senibus, quid faciam? quid? lembis, lumbis, aut quid simile? deliberandum censeo.
post:

Aut immota ferens in tergum membra, latusque,
Non onerabit aquas, summisque accūbet in undis.
Pendebitque super totum, sine remige, pontum.
Illis in ponto iocundum est quaerere pontum.
emenda ex vetere libro;

Ibid. vers.
CCCC
XXVII.

—summisque accumbet in undis

Pendebitque super tutum sine remige. votum est

Illis in ponto. iocundum est quaerere pontum;

Corpora qui mergunt undis, ipsumque sub antris

Nerea, & aequoreas conantur visere Nymphas.

infra etiam locus est mirifice prauus, qui, cum ad eos proprie pertineat, qui sibi ex scriptis famam conficiunt, boni ominis causa à me tentabitur, & fortasse an restituetur:

Et si tanta operum vires commenta negarint;

Externis tamen aptus erit, nunc voce poetis.

Nunc satyro gustu; referetque affatibus ora,

Et sua dicendo faciet, solusque per omnes

Ibit personas, & turbam reddet in imam.

emendo :

Et si tanta operum vires commenta negarint,

Hesternis tamen aptus erit, nunc voce poetis,

nunc tacito gestu : referetque affectibus ora,

& sua dicendo faciet, solusque per omnes

ibit personas, & turbam reddet in vno.

si, inquit, cum Menandro, alijsque veteribus patria facere non poterit : at saltem recentioribus quacunque ratione aequabit. illud autem, externis, pro, hesternis, multis locis scriptores deprauauit, vt alibi docemus. tertio versu liber Gemblacensis; tantum gestu : correctum in eodem; tanto gestu. hinc scribo: tacito gestu. post in doctissimo illo de Andromeda carmine:

Sernatur tamen in poena vultusque pudorque,

Supplicia ipsa docent. ninea cernice reclinis

Molliter ipsa suae custos est sola figurae,

Defluere sinus humeris fugitque lacertos

Vestis, & effusi scapulis haesere capilli.

Ter

Ter circum Halcyones pennis plausere volantes.

Scribe à me :

Servatur tamen in poena vultusque pudorque :

Supplicia ipsa decent. nivea cervice reclinis

Molliter ipsa sua custos est sola figurae.

Defluxere sinus humeris ; fugitque lacertos

Vestis, & effusi scapulis haesere capilli.

Ter circum Halcyones pennis planxere volantes.

emendationis certa veritas omnibus se confestim probabit : neque aliorum argumentorum eget.

Lucretij locus à Crispino imitatus. Catullo

sua scriptura servata ; Sallustio

& Nonio reddita.

C A P V T X I X.

V E R S V S est Lucretii lib. IV. de rerum natura;

Herculis antistare autem si facta putabis.

qui mihi quidem à Crispino mutuatus esse videtur. quem in Heraclea scripsisse ;

Diuinis virtutibus antistas Alcides,

Fabio Fulgentio , in Expositione sermonum antiquorum cum testimonijs , referente cognoscimus . certe eodem vterque versus pertinet . qui facit vt mihi nunc eorum in mentem veniat, qui carmine illo Catulli ad Veranium ;

Antistes mihi milibus trecentis,

perstinacissime vulgarem scripturam submouendum, & alienam substituendum contendunt, legentes :

Antistans mihi milibus trecentis.

G

quam

quam eorum impudentem temeritatem satis ne-
 queo mirari. primum enim Palladij Fusci haec
 emendatio est, qui, vt scriptorum eius aetatis ca-
 ptus erat, homo doctus ante centum aliquot an-
 nos in Catullum satis diligenter scripsit. igitur eā,
 vti alienam, neque à se inuentam in suos illos in-
 dices furtorum plenos, conijcere nequaquam de-
 bebant. Deinde, quod caput est, non video quid
 istac mutatione opus esse possit, cū prior illa scri-
 ptura in omnibus libris religiose hactenus con-
 seruata, alia illa nihilo sit deterior, immo, nisi val-
 de iudicans fallor, etiam melior, & quae magis
 antiquam illam Catulli doctrinam respiciat. Cur
 enim, si Romane, *antistans milibus*, dicitur; non
 eodem etiam loquendi modo nō tantum Gram-
 maticae, sed etiam Latine, *antistes milibus*, dicatur?
 sed nos grammaticorum ineptijs valere iussis, id
 quod dicimus, melioris Latinae linguae aucto-
 rum testimonio confirmemus. Sallustius certe,
 quem nemo, credo, vt minus idoneum testem nō
 admittet, historiarum lib. 111. quod aemulari fa-
 cta recte dicitur, *aemulus facta*, dicere non dubita-
 uit. verba sunt: *Sed Pompeius à prima adolescentia
 sermone fautorum, similem fore se credens Alexan-
 dro regi, facta consultaque eius quondam aemulus
 erat.* sic enim duobus apud Nonium Marcellum
 locis scribi oportere, cum vno, *aemulatus*, legatur;
 altero vero verba illa, *facta consultaque eius quon-
 dam aemulus erat*, non recte desiderentur, iam o-
 lim monui in meis ad historias Sallustianas scho-
 lijs: quae annos decem solidos in typographorum
 officinis iacuerunt; & anno, cum minime erat
 necesse, non sine multis erroribus in lucem pro-
 dierunt,

dierunt. Igitur, ut in eo, à quo incoepi, finiam; Catulli scripturam, ut ne mutemus & huiusmodi elegantiarum vestigia in veteribus scriptoribus sedulo obseruemus, curae nobis esse debet.

Cinnae suus versus restitutus. Eiusdem duo dispersi olim, nunc coniuncti. Nonius & Isidorus correcti. Mureti opinio confutata.

CAPVT XX.

MAGNUM M. Antonij Mureti ingenium: acce in illustrandis veterum scriptis iudicium: accuratae commentationes. quae tamen si cui cognoscendae sunt, ea utatur cautione, suadeo, quam idem ille. in Petri Victorij, hominis primi, & in hac scriptione signiferi, libris seruari praecepit: ut eius quod dicitur potius, quam qui dicit, habeatur ratio. ne videlicet adolescentes parum cauti, tantorum virorum auctoritate moveantur, nullumque discrimen faciant; neque, ut ait Lucilius, signent alba linea. praesertim cum videamus cottidie, homines à natura & usu prudentes, & qui in istis meliorum disciplinarum studiis familiam creduntur ducere, ita saepe quid humanum pati, ut sui penitus obliti esse, & illis potius temeritatis, quam imperitiae scribenda dica videatur, Hoc mihi nunc ex eo in mentem venit, quod videam Catullo, versum alienum, nulla quidem Mureti culpa, sed ea, quam dixi, credendi facilitate esse obiectum; in eoque adulterinum, pro vero & germano retineri. Muretus, quod post illum versum;

Candidaque intorti sustollant vela rudentes,
 tantum spatij in veteribus quibusdam libris su-
 peresse animaduertetur; quantum vni versui scri-
 bendo satis esset: & Nonium, quo loco de vafo-
 rum generibus differit, ita videret scribere: *Car-
 chesia; summa pars mali, id est, foramina quae sum-
 mos mali funes recipiunt.*

Catullus:

Lucida quæ splendent summi Carchesia mali.
 leuiter suspicabatur, eum forte versum, qui à No-
 nio citaretur, eo loco desiderari; atque ita legen-
 dum esse:

Candidaque intorti sustollant vela rudentes,

Lucida quæ fulgent summi carchesia mali.

quam cōiecturam, licet ipso Mureto iudice, val-
 de ambiguam & tenuem: plerique tamen eo-
 rum qui postilla Catullum ediderunt, ita probare
 visi sunt; vt vltcrius ne quaerendum quidem iu-
 dicarint: eumque statim versum pro Valeriano
 agnouerint. gemino mehercule vitio, cum vni
 quod suum erat, ademerunt; & aliū inuitum
 etiam aliena possidere, mala fide, coegerunt. Pri-
 mum enim versus à Nonio laudatus, si libris No-
 nij manuscriptis credimus, (nam à veteribus vul-
 gatis poetæ nomē abest,) Heluij Cinnae, nō Ca-
 tullus est. Nonius enim Catulli & Caesaris aucto-
 ritatē vacillare scribit: &, quæ de Priapeis affe-
 runtur, cuius ea sint; alius erit dicendi locus.
 deinde Isidorus Hispalensis, quem pleraque è ve-
 tustissimis exscripsisse constat, libro xvi. de
 verborū & rerum originibus (sic enim ipse no-
 minat) constanter tribus antiquissimis adstipu-
 lantibus libris, hoc carmen, vt Cinnae agnoscit:
 quan-

quanquam in eo vulgato illud non recte scribitur:

confulgent alti carceria mali.

Iam vero, ut illi certum aliquem locum huic versui tentarunt dare: sic nos, non paulo, uti credo, certius, idem tentabimus. Dico igitur versum, quem modo attulimus, quemque illi Catullo etiam inuito donauerunt; esse Cinnae: & hoc carmen,

Atque anquina regit stabilem fortissima cursum,
ab eodem Isidoro allatum, sibi proxime adiunctum habuisse. est enim anquina, Isidoro & Nonio Marcello testibus, funis, quo antenna ad malum adstringitur: non ergo dubitandum est, quin ita olim Heluius Cinna in illo nouem annorum opere scripserit:

Atque anquina regit stabilem fortissima cursum,
Lucida qua fulgent summi carthesia mali.

Et sane, ut ille Catulli locus minime sit integer, quod vix adducor ut credam: nemo tamen non videt, hanc vtriusque versus coniunctionem alia illa, quomodocunque tandem exponas, esse meliorem: quā de re doctorum hominum iudicium, & ipsius potissimum elegantissimi Muræti, exspectamus.

G 3 2 V D O

quam vulgare illud?

ibid. vers.
CCXCII.

*Quod solum docuit mortales nosse metallum,
exiguum est,*

*—teſtisque auro iam veſcimur auro:
cum vulgo fit;*

*—teſtisque auro iam veſcimur aurum:
neque tamen contemnendum. ut nec illud infra:*

ibid. vers.
CCC.

*Hectoris ille faces, arcusque & tela fugavit:
quod corrigimus;*

*Hectoris ille faces arcu teloque fugavit.
at vero paucis abhinc versibus, quod proximū est;*

*Sollertes animos, agitataque pectora fundet,
Et finget varijs nec deficientia curis.*

*Nec tentata domo. populi sunt illa ministra,
Perque magistratus, & publica iura feruntur:
sine nostra correctione nequit intelligi. quae ta-
lis est:*

ibid. vers.
CCC
XLIII.

*Sollertes animos, agitataque pectora in vsus
Effinget varios, nec deficientia curis,
Nec contenta domo. populi sunt illa ministra,
Perque magistratus & publica iura feruntur.*

quo quid apertius? quid elegantius? Constat nos igitur operam non ludere, si quando poetae illi manum admovent. lubet alios, eosque perturbatos admodum versus proponere; & coniectura nostra conari emendare:

ibid. vers.
CC
XLIX.

—aut bellum indicere mundo,

Et medios inter volucrem pensare meatus:

At nitidos clamare suis ratione sedentem,

Pascentemue super sugentia ducere lina.

credo poetam, si reuiuisceret, nisi probe, quid scripsisset, memorē, ex his verbis, aptam vllā sententiam non posse elicere. liber Gemblacensis:

Et me-

*Et medios inter volucrem pensare meatas,
 Aut nitidos clamare suis, ramoue sedentem,
 Pascentemue super surgentia dicere vina.*
 correctum in eodem, vt in plerisque illius biblio-
 thecae libris:

*Aut nitidis damnare suis, ramoue sedentem,
 Pascentemue super surgentia deicere lina.*
 suspicor legendum; neque sat scio, si cui meam
 suspicionem probare potero, quae mihi tamen,
 quod in meis rarum est, hoc quidem tempore nō
 admodum displicet: suspicor, inquā, legendum:

*Et medios inter volucrem pensare meatas;
 Aut nidis damnare suis, ramoue sedentem
 Pascentemue super surgentia deicere vina.*
 interuallum illius, *deicere*, nisi me iudicij fallit, er-
 roris culpam sustinet: & *clamare*, à librarijs extu-
 dit, cum, *dicere*, scriptum esse opinarentur. de quo
 tamen per me quiuis iudicabit, vt volet.

*Post-principia. viaticum. Q. Claudij Quadriga-
 rij insignis defectus, & alter M. Varronis,
 suppleti.*

CAPVT XV.

SCRIPTOR *Noctium Atticarum*, siue is Au-
 lius Gellius est, siue, quod veteribus libris,
 omnium eorum qui illum nominarunt, affirmā-
 tibus & ipsi Prisciano magis credo, Agellius; ver-
 ba quaedam cum primè elegantia è libro primo
 Claudij Quadrigarij, vt noua, & aetate M. Tullij
 Ciceronis ac deinceps rarissima, lib. xvij. recen-
 set: ijsque vel laudis vel culpae notam apponit. quale
 est; *viaticum*. quod illustris ille historicus, pro fa-

Agell. lib.
VII. c. II

cultate magna, si Agellio credimus, & apparatus magno noue posuit. verba quidē ipsa Quadrigarij, vt ibi legūtur, eius rei fidem nobis nullam faciunt. sic enim perscribuntur: *Simul forma, factis, eloquentia, dignitate, acrimonia, confidentia, pariter praecebat, vt facile intelligeretur magnum viaticū.* Igitur si id, quod dicit Agellius, ex hac oratione necesse est colligere: magis est necesse, vt locum mutilum esse, verbis aliquot, quae eam sententiam eiicerent, omisis, intelligamus. quo enim illud? *vt facile intelligeretur magnum viaticum.* aut quae in eo illius est, quam diximus, significationis nota? ne multis. addiderat ex eodem Quadrigarij libro Agellius, *ex se, atque in se, ad rem publicam euertendam habere.* atque ita olim scripserat: *simul forma, factis, eloquentia, dignitate, acrimonia, confidentia, pariter praecebat; vt facile intelligeretur magnum viaticum ex se atque in se ad rem publicam euertendam habere.* quae verba ex libro Bussidiano addita, quod ille volebat, confecerunt, & *viaticum*, pro apparatus & facultate ab historico positum esse, declararunt. Varroni quoque verba aliquot, quae lucem hactenus videre timuerunt, ex eodē illo libro, quod capitis huius inscriptio pollicetur, restituamus. Varro Sisenna vel de historia: *Quod si non horum omnium similia essent principia: susque deque esset.* scribe: *Quod si non omnino similia essent principia ac post principia: susque deque esset.* sic idem alibi Varro: *Haec aut non discimus, aut prius desistimus quam intelligamus cur discenda sint. Voluptas autem vel utilitas talium disciplinarum in post principijs existit, cum perfectae absolutaeque sint: in principijs vero ipsis, ineptae*
& insua-

Agell. lib.
VI. c. IX

dem lib.
VI. cap.
VIII.

& insuaves videntur. Atque ita quidem capitis huius inscriptioni satisfacimus.

De locis aliquot, Plauti Rudente, iudicatum.

CAPVT XVI.

RUDENTE, in faceto illo Sceparnionis & Ampeliscæ colloquio, cum eam sacerdos Veneris aquam è proximo petere iussisset, & illa iam apertis vicini foribus Sceparnioni, quamobrem esset missa, vellet exponere:

*Ad vos inquit, inquit, venio, at nequam seruu-
lus adhinnire iam ad lepidam ancillam incipiēs,
& paulo familiarius eam tractans, respondet:*

Accipiam hospitio si mox veneris,

*Item vt affectam. nam nunc nihil est qui te inanē.
suspisor scribi oportere, personis etiam, vti po-
nam, distinctis:*

*Am. Ad vos venio. Sce. accipiam hospitio si mox
veneris*

item vt affectas. nam nunc nihil est qui te inanē.
Nequior enim & liberior est sententia. Si mox, in-
quit, ad me veneris; praestabo tibi officiū & ho-
spitium, quod praestari sexus vester amat, & quod
tacita petis. nam vt nunc res est, parū habeo, qui
te inanem & sitientem expleam. id enim verbum
postremum Plautus modeste reticuit. quanquam
cum alijs libris sit, *qui te maneam*, de scripturae
veritate dubito. neque sat scio an legi possit, non
nimium ab illo, *inanem*, recedendo, *qui te iuueni*.
& ne quid dissimulem, scribi mallet; *si nox venis*:
id est, noctu. quomodo versum illum A sinaria
elegantissime restituit Lipsius:

Ph. Quo

Ph. Quo nunc abis? quin tu hic manes? A R. nox si voles manebo.

qualis etiam illa xii. tabularum lex est:

SI NOX FVRTVM FACTVM ESCIT,
SI IMALIS OCCISIT; IOVRE
CAISVS ESTO.

de quo in commentario ad leges Decemvirales
plura scripsimus. Scena cuius initium: *Qui sunt.*

—*verum quicquid fuerit,*

Comiter fiet à me, quo non copia valebit.

sentētia postulat, vt legamus; quod mea, aut, quod propius abest à vulgari lectione, quod nostra copia valebit, id est; quantum potero sciueroque. antea enim dixerat:

—*egomet vix colo vitam,*

Veneri cibo meo seruiō:

& haec continuo fuerat subiūctura, nisi eam interpellasset Ampelisca. error ex compendio litterarum; *nrā*, quod illi in, non, mutarunt. Plautus Mercatore:

Quin si imperes tu mihi, ego faciam. facere certum;

Pro copia & sapientia quae te velle arbitrabor.

id est; vt sese ferent res, fortunae, & sapientia. subdit enim Lyfimachus:

Laboriosi nihil tibi quicquam operis imperabo.

sed ad Rudentem. Scena, cuius initium: *Cupio acdepol.*

Omnia isthaec ego facile patior dum hic hinc à me sentiat.

scribendum videtur:

Omnia isthaec ego facile patior, dū hic à me sentiat.
voce illa, hinc, quae nihil nisi glossēma est, eiecta.
sequitur enim:

Dae. *Atqui nunc abs te stat verum hinc tibi testimonium.*

eadem scena:

Ubi ego dicam, quicquid inerit nominatim, tu mihi nullum ostenderis.

scribe: nullus ostenderis. ratione loquendi Plauto, Terentio, alijs, domestica.

Legirupio. Legirupa. Palaestra. Plautus Rudente de opinione correctus.

CAPVT XVII.

QUONIAM vero audere coepi, & semel quid ingenio & coniectura in Plauto possum, experiri: pergam porro in eadē fabula vnum atque alterum locum tentare, & quid suspicer, explicabo. quanquam hic nisi de opinione certū nihil dicam. *scena cuius initium: Exi è Phano.*

Lo. istuc volueramus, iube modo accedat prope

Dae. Tun Legirupionem hic nobis cum Dis facere postulas?

corruptus locus à verbis & personis. legendum:

Lo. istuc volueramus. iube modo accedat prope

Hunc legirupionem. Hic nobiscū Dis facere postulas.

Dae. pugnum in os impinge.

loquuntur videlicet Lorarij collocati vt à mulierculis vim lenonis defenderent. Et, finite, inquit, accedere propius si audet hunc perfidum. conuersique deinde ad lenonem irridendum, Quid est ò bone? an hic ad templum Veneris nobiscum dijs sacrificare voluisti? legirupio, leno vocatur, & legirupa, ab eodem saepius supra. scena, Pro Cyrenenses.

—frandis

—*fraudis, sceleris, parricidij, periurij*
Plenus, legirupa, impudens, impurus, inuerecun-
dissimus.

& *Perfa. scena; Veterem:*

—*animus haud induci potest, eum*
Esse ciuem & fidelem & bonum, sed Legirupam,
quidem ni det in publicum
Dimidium.

Iam quod ad loquendi genus attinet, quod ignoratum huic loco fraudi fuit, tale est, quale illud Mercatore. *Scena: Diuum.*

Tuam amicam. Q. quid eam? En. vbi sit ego scio.
 & sexcentis apud eū locis alijs. *facere autem, pro*
sacra facere, pueri principes iam iuxta cum pae-
dogis suis norunt. eadem fabula. scena; Utrum:

Palaeſtra. Lor. quid ais? La. apage controuersia est
Haec equidē palaeſtra quae respondit, non est mea.
 iudico scribendum:

—*La. absque controuersia est*

Haec equidem palaeſtra. ut ludat videlicet in
ambiguo nomine palaeſtrae. certe enim vera pa-
laeſtra erat illa, in qua duo lorarij cū clauis à fene
deſtituti erant ad demulcendum caput lenonis.
respondet igitur leno: haec quidem ueſtra palae-
ſtra est, quam nihil moror; ego ancillam meam
appello.

E Manilio compluria vitia sublata.

CAPVT XVIII.

MANILIUS lib. v.

Quin etiam linguas hominum, sensusque
docebit

Aerías volucres noua qui commercia ducet.

Ver-

Verbaque praecipiet naturae lege negata.
quid illud; *nona qui commercia ducet?* aut quo re-
ferendum? scribe:

Aërias volucres, nonaque in commercia ducet.
mox: *Ipsè deum Cygnusque colit vocemque sub illo.*
postulat sententia, & scripsit Manilius:

Ibid. vers.
CCCLXX

Ipsè Deum cygnus condit, vocemque sub illo.
deinde paucis infra versibus.

Qui gestant caueis volucres ad iussa paratas,
quarum omnes paruo consistit pascere census.
obscurū est, & Delium natatorē opus habet, quod
ipsa meridiana luce erit lucidius, si scripseris;

Ibid. vers.
CCC.
XXXV.

Qui gestant caueis volucres ad iussa paratas:
Quorum omnis paruo consistit passere census.
neque mehercule plebillicitum aequè scitum est,
atque haec emendatio. subinde:

Cum venit in regione tuae Capricorne figurae,
Non inimica facit serpentum membra creatis;
Accipiunt sinibusque suis, peploque fluenti,
Osculaque horrendis iungunt impune Venenis.
versus tertius à me nequiuit emendari. liber
Gemblacensis:

Ibid. vers.
CCCXC.

Accipient senibusque suis peploque fluenti,
Osculaque horrendis iungent impune venenis.
& illa quidem, accipient, iungent, recta sunt. de fini-
bus aut senibus, quid faciam? quid? lembis, lumbis,
aut quid simile? deliberandum censeo.
post:

Aut immota ferens in tergum membra, latusque,
Non onerabit aquas, summisque accūbet in undis.
Pendebitque super totum, sine remige, pontum.
Illis in ponto iocundum est quaerere pontum.
emenda ex veterē libro;

Ibid. vers.
CCCC
XXVII.

—*summisque accumbet in undis*

Pendeatque super tutum sine remige. votum est

Illis in ponto. iocundum est quaerere pontum;

Corpora qui mergunt undis, ipsumque sub antris

Nerea, & aequoreas conantur visere Nymphas.

infra etiam locus est mirifice prauus, qui, cum ad eos proprie pertineat, qui sibi ex scriptis famam conficiunt, boni ominis causa à me tentabitur, & fortasse an restituetur:

Et si tanta operum vires commenta negarint;

Externis tamen aptus erit, nunc voce poetis.

Nunc satyro gestu; referetque affatibus ora,

Et sua dicendo faciet, solusque per omnes

Ibit personas, & turbam reddet in imam.

emendo:

Et si tanta operum vires commenta negarint,

Hesternis tamen aptus erit, nunc voce poetis,

nunc tacito gestu: referetque affectibus ora,

& sua dicendo faciet, solusque per omnes

ibit personas, & turbam reddet in vno.

si, inquit, cum Menandro, alijsque veteribus paria facere non poterit: at saltem recentioribus quacunque ratione aequabit. illud autem, *externis*, pro, *hesternis*, multis locis scriptores deprauauit, vt alibi docemus. tertio versu liber Gemblacensis; *tantum gestu*: correctum in eodem; *tanto gestu*. hinc scribo: *tacito gestu*. post in doctissimo illo de Andromeda carmine:

Seruatur tamen in poena vultusque pudorque,

Supplicia ipsa docent. ninea cernice reclinis

Molliter ipsa suae custos est sola figurae,

Defluere sinus humeris fugitque lacertos

Vestis, & effusi scapulis haesere capilli.

Ter

Ter circum Halcyones pennis plausere volantes.

Scribe à me :

Servatur tamen in poena vultusque pudorque :

Supplicia ipsa decent. nivea cervice reclinis

Molliter ipsa sua custos est sola figurae.

Defluxere sinus humeris ; fugitque lacertos

Vestis, & effusi scapulis haesere capilli.

Ter circum Halcyones pennis planxere volantes.

emendationis certa veritas omnibus se confestim probabit : neque aliorum argumentorum eger.

Lucretij locus à Crispino imitatus. Catullo

sua scriptura servata ; Sallustio

& Nonio reddita.

C A P V T X I X.

V E R S V S est Lucretii lib. IV. de rerum natura;

Herculis antistare autem si facta putabis.

qui mihi quidem à Crispino mutuatus esse videtur. quem in Heraclea scripsisse ;

Divinis virtutibus antistas Alcides,

Fabio Fulgentio , in Expositione sermonum antiquorum cum testimonijs , referente cognoscimus . certe eodem vterque versus pertinet . qui facit ut mihi nunc eorum in mentem veniat, qui carmine illo Catulli ad Verannium ;

Antistes mihi milibus trecentis,

pertinacissime vulgarem scripturam submouendum, & alienam substituendum contendunt, legentes :

Antistans mihi milibus trecentis.

G

quam

quam eorum impudentem temeritatem satis ne-
 queo mirari. primum enim Palladij Fusci haec
 emendatio est, qui, vt scriptorum eius aetatis ca-
 ptus erat, homo doctus ante centum aliquot an-
 nos in Catullum satis diligenter scripsit. igitur eā,
 vti alienam, neque à se inuentam in suos illos in-
 dices furtorum plenos, conijcere nequaquam de-
 bebant. Deinde, quod caput est, non video quid
 istac mutatione opus esse possit, cū prior illa scri-
 ptura in omnibus libris religiose haectenus con-
 seruata, alia illa nihilo sit deterior, immo, nisi val-
 deiudicans fallor, etiam melior, & quae magis
 antiquam illam Catulli doctrinam respiciat. Cur
 enim, si Romane, *antistans milibus*, dicitur; non
 eodem etiam loquendi modo nō tantum Gram-
 maticae, sed etiam Latine, *antistes milibus*, dicatur?
 sed nos grammaticorum ineptijs valere iussis, id
 quod dicimus, melioris Latinae linguae aucto-
 rum testimonio confirmemus. Sallustius certe,
 quem nemo, credo, vt minus idoneum testem nō
 admittet, historiæ lib. 111. quod aemulari fa-
 cta recte dicitur, *aemulus facta*, dicere non dubita-
 uit. verba sunt: *Sed Pompeius à prima adolescentia
 sermone fautorum, similem fore se credens Alexan-
 dro regi, facta consultaque eius quondam aemulus
 erat.* sic enim duobus apud Nonium Marcellum
 locis scribi oportere, cum vno, *aemulatus*, legatur;
 altero vero verba illa, *facta consultaque eius quon-
 dam aemulus erat*, non recte desiderentur, iam o-
 lim monui in meis ad historias Sallustianas scho-
 lijs: quae annos decem solidos in typographorum
 officinis iacuerunt; & anno, cum minime erat
 necesse, non sine multis erroribus in lucem pro-
 dierunt,

dierunt. Igitur, vt in eo, à quo incoepi, finiam; Catulli scripturam, vt ne mutemus & huiusmodi elegantiarum vestigia in veteribus scriptoribus sedulo obseruemus, curae nobis esse debet.

Cinnae suus versus restitutus. Eiusdem duo dispersi olim, nunc coniuncti. Nonius & Isidorus correcti. Mureti opinio confutata.

CAPVT XX.

MAGNUM M. Antonij Mureti ingenium: acre in illustrandis veterum scriptis iudicium: accuratae commentationes. quae tamen si cui cognoscendae sunt, ea vtatur cautione, suadeo, quam idem ille. in Petri Victorij, hominis primi, & in hac scriptione signiferi, libris seruari praecepit: vt eius quod dicitur potius, quam quid dicit, habeatur ratio. ne videlicet adolescentes parum cauti, tantorum virorum auctoritate moueantur, nullumque discrimen faciant; neque, vt ait Lucilius, signent alba linea. praesertim cum videamus cottidie, homines à natura & vsu prudentes, & qui in istis meliorum disciplinarum studijs familiā creduntur ducere, ita saepe quid humanū pati, vt sui penitus oblitū esse, & illis potius temeritatis, quam imperitiae scribenda dica videatur, Hoc mihi nunc ex eo in mentem venit, quod videam Catullo, versum alienum, nulla quidem Mureti culpa, sed ea, quam dixi, credendi facilitate esse obiectum; in eoque adulterinum, pro vero & germano retineri. Muretus, quod post illum versum;

Candidaque intorti sustollant vela rudentes,
 tantum spatij in veteribus quibusdam libris superesse animaduèreret; quantum vni versui scribendo satis esset: & Nonium, quo loco de vasorum generibus differit, ita videret scribere: *Carchesia; summa pars mali, id est, foramina quae summos mali funes recipiunt.*

Catullus:

Lucida qua splendent summi Carchesia mali.
 leuiter suspicabatur, eum forte versum, qui à Nonio citaretur, eo loco desiderari; atque ita legendum esse:

Candidaque intorti sustollant vela rudentes,
Lucida qua fulgent summi carchesia mali.

quam cōiecturam, licet ipso Mureto iudice, valde ambiguam & tenuem: plerique tamen eorum qui postilla Catullum ediderunt, ita probare visi sunt; vt vltèrius ne quaerendum quidem iudicarint: eumque statim versum pro Valeriano agnouerint. gemino mehercule vitio; cum vni quod suum erat, ademerunt; & alium inuitum etiam aliena possidere, mala fide, coegerunt. Primum enim versus à Nonio laudatus, si libris Nonij manuscriptis credimus, (nam à veteribus vulgatis poetae nomē abest,) Heluij Cinnae, nō Catulli est. Nonius enim Catulli & Caesaris auctoritatē vacillare scribit: & quae de Priapeis afferuntur, cuius ea sint; alius erit dicendi locus. deinde Isidorus Hispalensis, quem pleraque è vetustissimis exscripsisse constat, libro x v i i i. de verborū & rerum originibus (sic enim ipse nominat) constanter tribus antiquissimis adstipulantibus libris, hoc carmen, vt Cinnae agnoscit: quan-

Nonius,
 cinnae.

quanquam in eo vulgato illud non recte scribitur:

confulgent alti carceria mali.

Iam vero, ut illi certum aliquem locum huic versui tentarunt dare: sic nos, non paulo, uti credo, certius, idem tentabimus. Dico igitur versum, quem modo attulimus, quemque illi Catullo etiam inuito donauerunt; esse Cinnae: & hoc carmen,

Atque anquina regit stabilem fortissima cursum,
ab eodem Isidoro allatum, sibi proxime adiunctum habuisse. est enim anquina, Isidoro & Nonio Marcello testibus, funis, quo antenna ad malum adstringitur: non ergo dubitandum est, quin ita olim Heluius Cinna in illo nouem annorum opere scripserit:

Atque anquina regit stabilem fortissima cursum,
Lucida qua fulgent summi carthesia mali.

Et sane, ut ille Catulli locus minime sit integer, quod vix adducor ut credam: nemo tamen non videt, hanc vtriusque versus coniunctionem alia illa, quomodocunque tandem exponas, esse meliorem: qua de re doctorum hominum iudicium, & ipsius potissimum elegantissimi Murteri, expectamus.

G 3

2 V D O

LYDOVICI CARRIONIS ANTIQUAR. LECTION.

COMMENTARIUS.

TERTIUS.

*Ius trium liberorum in V. V. capiunda legis Papiae
verba correctæ, lex Populia. P. R. Quiritibus-
que. Fabius Pictor, & M. Cato emendati.
Agellij defectus suppletus.*

CAPVT. I.



V. I. *de iure trium liberorum*, hac
nostra ætate copiose scripserunt;
illud videtur ignorasse, aut alio-
qui temere prætermisisse, filiam
eius, qui liberos tres haberet, à
Vestæ sacerdotio excusationem

Agell. li. I.
cap. XXI.

habere. quod ab Ateio Capitone scriptum fuisse tra-
dit Agellius: si verba eius, ut in libro Bussidiano
scribuntur, alijsque veteribus nonnullis, recen-
seantur. nam, ut hodie sunt in manibus, præro-
gatiuam iuris trium liberorum valde minuunt.
Præterea, inquit Agellius, Capito Ateius scri-
ptum reliquit, neque eius legendam filiam qui domi-
cilium in Italia non haberet, & excusandam eius qui
liberos tres haberet. Est eodem loco quoddam legis
Papiae caput, à verbis extremis imperfectum.
quod sic restituo: De more rituque capiundæ vir-
ginis, litteræ quidem antiquiores non exstant; nisi
quod fertur, quæ capta prima est, à Numa rege
esse captam. sed Papiam legem inuenimus, quæ cane-
tur ut Pontificis maximi arbitrata virgines è populo
viginti

viginti legantur; sortitioque in concione ex eo numero fiat, & cuius virginis ducta erit, ut eam pontifex maximus capiat, eaque Vestae fiat. quem loci illius defectum ita supplendum esse, iam olim ex eodem Bussidiano libro, popularis meus, atque adeo, dum fata deusque sinebant, familiaris, Iacobus Ræuardus, Flandriae nostrae, si vita diutius suppeditasset, Cuiacius futurus, rectissime monuit. pergit Agellius: sed ea sortitio ex lege Papia non necessaria nunc videri solet. nam si quis honesto loco natus, adeat pontificem maximum, atque offerat ad sacerdotium filiam suam, cuius duntaxat, salvis religionum observationibus, ratio haberi possit, gratia Papiae legis per se ratum sit. Hic in vetustioribus excusis non, Papiae, est; sed, Popiliae: in Bussidiano, Populiae. quae scriptura in super habenda non est. Deinde, per senatum, non, per se ratum, scribi debet. Iam vero verba è lib. 1. Fabij Pictoris, quae Pontificem maximum dicere oportet, cum virginem capit, sunt huiusmodi:

SACERDOTE M. VESTALE M.

QVAE. SACRA. FACIAT. QVAE. IOVS.

SIET. SACERDOTE M. VESTALE M.

FACERE. PRO. POPOLO.

ROMANO. QUIRITIBVS. Q. VTI.

QVAE. OPTVMA, LEGE. EVAT.

ITA. TE. AMATA. CAPIO.

scripsi primum, populo Romano Quiritibusque; cum vulgo esset, populo Romano Quiritium; ex iisdem illis schidis. quod Romanos in omnibus sacrificijs & precibus hoc dicere consuevisse meminissim. Festus, seu potius, Diaconus: *Dicimur erat Romanis in omnibus sacrificijs precibusque;*

Idem Agell.
cap. eodem
Ræuardus
Variorū lib.
II. c. XVI
Agell. ibidi

Idem eodem

Festus, dici

POPOLO. ROMANO. QVRITIBVS.

QVE. quod est, Curenſibus. quae ciuitas Sabino-
rum potentiffima fuit. deinde emendauit: Ut quae
optima lege fuerat. tale enim quiddam in magiftra-
tibus creādis adijci ſolere, idem Feſtus tradidit: ſi
modo ea ſcriptura, quae in Auguſtini editione
chartae marginem inſidet, pro vera recipiatur; &
ipſa verba nouū habeant initium. hunc in modū:

ad opima

VT. QVI. OPTVMA. LEGE. FVE-
RINT. adijci ſolet, cum quidam magiftratus
creatur. vnde ſane in ſuperiore illa lege, non inſci-
te ſcribi poſſet: *Vti. quae. optima. lege. fuerit.* prae-
terea M. Catonis de Luſitanis, cum Ser. Galbam
accuſauit; ita ſunt ſcribenda: *Ego me nunc volo ius
pontificium optime ſcire. iamne ea cauſa Pontifex
capiar? ſi volo augurium optime tenere: & quis me ob
eam rem augurem capiar?*

*Renones. Salluſtius & Caesar explicati. Cae-
ſaris vulgares ſcripturae deſenſae. aliorum e-
mendatio eiecta. Cōr. Tacitus caſtigatus.*

CAPVT II.

Caesar com-
mēt. de bell.
Gall. li. vi

C. Iulius Caesar, mores, vitam, ſtudia, religio-
nem Germanorum, cum Gallorum inſtitu-
tis cōferens, *Vita omnis, inquit, Germanis, in vena-
tionibus, atque in ſtudijs rei militaris cōſiſtit. ab par-
uulis duricie ac lahor ſtudent. qui diutiſſime impu-
bores manſerunt; maximam inter eos ferunt laudem.
Hoc alij ſtaturam, alij neruos viresque confirmari
putant. intra annum vero vicesimum, feminae notitiā
habuiſſe, in turpiſſimis habent rebus. cuius rei nulla
eſt occultatio, quod et promiſcue in flumine perluſant,*
& pel-

& pellibus, aut paruis renonum tegumentis, vtuntur, magna corporis parte nuda. Quae postrema verba quidā multarum litterarum Iureconsultus, aliter longe scribi voluit: nimirum; *aut paruis renum tegumentis vtuntur*: eamque opinionem suam viro cuidam clarissimo, cuius, inquit, sincerum ac subtile iudicium docti omnes admirātur, vnice probauit. A quibus sane hominibus, etsi, in his humanitatis studijs, paene inuitus dissentio, siue in alijs placitis aduersus nos stent siue à nobis: nolo tamē id quod res est tacere; & eum scriptorem vltro deprouari, aliosque in errorem illici, tacitus ferre. Igitur illud, *renonum*, rectum esse statuo, & in C. Caesare retineri oportere censeo. quod, dum in libro, quem ex Caesare descripsit Aimonius, seruari video; diligentiam illius & fidem laudo. in eo vero, quod de suo addidit monachus, *renonem animalis nomen esse*: auctoritatem requiro. *renones* enim vestes de pellibus significare, Isidorus Hispalensis docuit. cui ne qui fidem audeat abrogare, quod praecipuum quendam & in repub. & in iuris disciplina virum de Iureconsultorum, *cretiane*, differentem, iniuriā fecisse cōstat: quicquid huius erit, Seruius Honoratus diligēs & antiquus Grammaticus sua fide iubebit esse. qui se quidem scripsisse meminerit, vestes de pellibus Sallustium, *renones*, appellare. Sallustij verba cum istis C. Caesaris fere eadem sunt: *Germani intectum renonibus corpus tegunt*. quod autem ait Sallustius, *intectum*; eodē videlicet referri debet, quod Caesar magna eos corporis parte esse nuda dixit. quod idem Cornelius Tacitus, Sallustiana verba propē interpretatus, memoriae prodidit: *Tegumen*, inquit,

Isidorus lib.
XIX. voce,
renones
de verborū
Origine.
Seruius li. I.
Georg. Ving

Tacitus lib.
de morib.
German.

omnibus sagulum fibula, aut, si desit, spina confectum. cetera intecti totos dies iuxta focum, atque ignem agunt. Locupletissimi veste distinguuntur, non fluitante, sicut Sarmatae ac Parthi, sed stricta & singulos artus exprimente. gerunt & ferarum pelles, proximi ripae negligenter, ultiores exquisitius; ut quibus nullus per commercia cultus. & Seneca: *Quid Germanis induratus ad omnem patientiam, ut quibus ex magna parte non tegumenta corporum prouisa sunt, non suffugia aduersus perpetem caeli rigorem? Recta igitur, ut dixi, Caesaris est oratio; neque vllius emendationis indiga, nisi si cui forte, pellibus, abundare, & à glossemate esse videatur. Nolo etiam in Caesare illud mutari: *Romani conuersa signa bipartito intulerunt*: aut, quod idem I. c. voluit, *tripartito*, scribi. non enim in tres partes aciem diuisam, tripartito etiam cum hostili exercitu committere, sed bipartito voluerunt. nimirum ut prima ac secunda acies pro vna esset; tertia vero alteram partem occuparet. itaque sic ea Caesaris verba sunt scribenda: *Romani conuersa signa bipartito intulerunt; prima ac secunda acies ut victis ac summois resisteret; tertia ut venientes exciperet*. ut in editione Mediolanensi ante annos centum facta; & omnium, quot sunt, optima editum animaduerti. nam illud, *exciperet*, ubi vulgo, *sustineret*, historicum est, alio illo longe elegantius. Sallustius historicarum lib. III. *Quia Sertorio triplices insidiae per saltus positae erant: prima; qui venientes exciperent*. Illud tamen silentio praeterire nequeo, eandem illam editionem in primis illis verbis, *Romani conuersa signa bipartito*, leuiter variare, atque ita habere: *Romani signa bipartita intulerunt*: alia illa voce omissa*

Lib. de ina.

Caesar com
ment. de bel.
Gall. I.

missa. de quo nihil statuo. Hoc tamen videor ex
 animi mei sententia affirmare posse, locum Taciti
 superiorem à verborum transpositione corruptū,
 si verba suum in ordinem reponantur, ita posse
 corrigi: Gerunt & ferarum pelles proximi ripae ex-
 quisitus, vltiores negliger, ut quibus nullas per
 commercia cultus, atque ita mihi quidem videtur.

Tacitus de
 morib. Ger-
 man.

Tempora monstrant. perennare. figuratio. medius
 tumor. tres versus apud Maniliū loco alieno
 positi. Manilius & Agellius castigati.

CAPUT III.

Nam neque fortuitos ortus surgentibus astris,
 Nec totiens possum nascentem credere mundum,
 Solisue assiduus partus, & facta diurna:

Manilius
 li. I. vers.
 CLXXXV.

Cum facies eadem signis per saecula constet,
 Idem Phoebus eat caeli de partibus isdem.

Inde suos sinuat flexus per crura pedesque
 Centauri, alterius rursus ascendere caelum

Incipit, Argiuamque ratem per aplustria summa.

Lunaque, per totidem lucas mutetur & orbes,

Et natura vias seruet quas fecerat ipsa.

In his decem Manilij versibus, tres falsi & irrepti-
 tij delitescunt. quos ego indicio meo prodam,
 nullum aliud eius praemium relaturus, quam
 ut illi eo loco furca expellantur. quo enim fa-
 ciunt;

Inde suos sinuat flexus per crura pedesque

Centauri, alterius rursus ascendere caelum

Incipit, Argiuamque ratem per aplustria summa,

nisi forte sententiae perturbandae igitur, quod

dixi,

dixi, fūrcillis eijciantur, & Manilij carmen ita scribatur:

*Cum facies eadem signis per saecula constet,
Idem Phoebus eat caeli de partibus isdem,
Lunaque per totidem luces mutetur & orbes:
Et natura vias seruet quas fecerat ipsa.*
maxime cum alibi, & quidem loco commodiore
apud eundem poetam legantur:

*Arguamque ratem per aplustria summa
Et medium mūdi gyrum Geminosque per ima
Signa secat.*

mirum vt sit, in tot editionibus, errorem tam vulgarem tam diu latere potuisse. scripsi autem superiora, vt legēda ex vetere libro Gēblacensi didici. neque vero, quod sequitur, mendo caret:

Ibid. vers.
CXCII.

*— circumque feratur
Aeterna cum luce dies, qui tempora monstrat:*
est enim scribendum; quod tempora monstrant, sed hoc leue est, & à solis, ni fallor, libratijs. illud autē à sciolis & hominibus nimium confidentibus;

Ibid. vers.
CXCVI.

— caelum & cum sole perēne.
cum poeta scripserit: *caelum & cum sole perennet.* nesciebant videlicet illi, *perēnare*, Latini iuris esse, imo iamdudum ciuitatem accepisse. Agellius, *in-
usitate*, inquit, dixit *Quadrigarius*, diurnare pro diu
vinere. sed ex ea figuratione est (ita liber vetus, nō
figura) qua dicimus *perēnare*. Macrobius, *Vt annare*,
inquit, *perennareq. commode liceat.* Iam illa,

Macrobius
li. II. satyr
cap. XII.

*Sed quaerent Helicen, quibus ille superuenit ignis
Qui laterum tractus habitant, medūq. tūmores,
Eripiunt terrae caelum visusque coercent,*
cui se quaeso probabunt? nisi si quis ea, quae non
intelligit, probare poterit. quanto rectius habebunt, si

Manilius
lib. I. vers.
CXXII.

bunt, si scripseris?

—medioque tumore

Eripiunt terrae caelum, visusque coercent.
 quis enim nescit, tantum eorum qui has discipli-
 nas vel nomine audiuerunt, propter globi rotun-
 ditatem fieri, ut qui vnum extremum illius la-
 tus habitant, alterum extremum nequeant vi-
 dere. veluti oriens ab occasu propter interiectum
 globi tumorem numquam conspicitur. hinc illud
 Calpurnij:

Calpurnius
 ecliga. I.

occasum nisi cum respexerit ortus.

recte itaque Manilius:

*Sic stellis glomerata manent, mundumque figurat.
 Idcirco terris non omnibus omnia signa
 Conspicimus, nusquam inuenies fulgere Canopum,
 Donec Nilivatas per pontum veneris oras.*

Medium autem tumorem vocat, globi rotundum.
 ut post;

*Sed quia per teretem deducta est terra tumorem,
 His modo, post illis apparet Delia terris.*

Sed praestat eos etiam versus, qui his proximi ea-
 dem etiam de re sunt, emendare. sic enim ratio
 Manilij facilius intelligetur, & nostra superior e-
 mendatio confirmabitur:

*Te testem dat Luna sui glomerabilis orbis:
 Quae cum mersa nigris per noctem deficis umbris,
 Non omnis pariter confundis sidere gentes:
 Sed prius Eoae quaerunt tua lumina gentes,
 Post medio subiecta polo quaecunque coluntur,
 Ultima ad Hesperios infectis volueris alis,
 Seraque in extremis quatiuntur gentibus aera.
 Quod si plana foret tellus, semel icta per omnes
 Deficeret pariter toto miserabilis orbe.*

Ibid. Man-
 lius vers.
 CCXXIV

scribe

scribe & emenda: — *semel orta per omnes*

Deficeret pariter toti miserabilis orbi.

Quod si, inquit, tellus plana foret, & non potius rotunda; Luna ubi semel in omnem terram lumē suum diffudisset, vno etiam & eodem tēpore ubique terrarum deficeret. at nūc contra fit, ut primū in oriente, deinde in meridie, postremo in septentrione & occidente deficere sentiatur. vincitur igitur terram planam non esse, sed rotundam.

Calatores. vetus inscriptio. Varro de Lingua Latina & Agellius correcti.

C A P V T I I I I.

Commenta-
rio I. ca p.
XIV.

A V D I O quibusdam, non probari, quod superioribus commētarijs à me scriptum est, *calatores* sacrorum ministros fuisse; eamque in rē Suetonij locum non recte adduci, cum sexcentis apud Plautū aliosque veteres scriptores locis, *calator*, non sit aliud quam seruus. quam vocis illius significationem Paulus Festi abbreviator agnoscit, ita scribens: *calatores dicebantur serui. ἀποτρεχάλειν, quod est vocare: quia semper vocari possent ob necessitatem seruitutis.* aut si inquirunt illi, *calator* quid praeterea significat, eum fortasse seruum notabit, qui, ut ait Horatius, *dictet nomina, laeuum Qui fodiat, latus, & cogat trans pondera dextram;* id est, nomenclatorē. Qui sane viri docti si à veteribus Glossarijs, quos Iustiniani imperio superiores esse, alias ostenderetur, & quorum magna apud me est auctoritas, sibi minime satisfieri patiūtur: at saltem antiquissimo marmori, tempore Vespasianorum, ut videtur, inciso, cuius inscriptio manifeste

nifeste pro medicis, fidem abrogare non audebunt. est marmor, quod dico, Romae in aedibus Cardinalis Caesij, in cuius vno latere somnus sub pueri alati imagine innititur fasci, in vertice facem habenti, his verbis adiectis: SOMNO.

ORESTILLA FILIA. in altero fatū muliebri habitu, pede altero rotae insistit: cum his verbis; FATIS CAECILIUS FEROX FILIUS.

in medio inscriptio est, quam vti ab amicissimo Lipsio fidelissime descriptam accepi, neque enim mihi nescio quomodo contigit videre, ita apponam:

Q. CAECILIO

FEROCI

KALATORI. SACERDOTI

TITIALIVM. FLAVIALIVM

STVDIOSO

ELOQVENTIAE

VIXIT. ANNIS. XV

MENSE. I. DIEBVS. XXIIII

FILIO. OPTVMO. AC

REVERENTISSIMO

M. GAVIVS. CHARIVS.

Audire etiam reprehendi, quod locum Agellianum mutauerim, & pro, *Aelius illo*, scribendum, *Aelius Stilo*, iudicauerim: cū Agellius & ipse Varro, libro de lingua Latina quinto, non *Aelium Stilonem*, sed, *Aelium Gallū*, quē libros de verborū significatione scripsisse constat, nominare voluisse videantur. quorum reprehensio quantū valeat, aut certe apud aequos harū rerū iudices valere debeat, vtriūsq. scriptura diligēter examinata, videamus. ac primo quidē Varronis apud Agelliū verba sunt;

A quo

Commen-
tio I. cap.
VIII.

Agell. li. x.
ap. xx.

*A quo etiam extremum nouissimum quoque dici coe-
ptum vulgo, quod mea memoria ut Aelius Gallus, sic
senes aliquot, nimium nouum verbum quod esset, vitab-
bant: cuius origo ut à vetere vetustius ac veterrimum,
sic à nouo declinatum nouius & nouissimum. vulgo
autem apud Varronem in optimae etiam notae
editionibus eadem, sine vlla vllius verbi mutatio-
ne, leguntur: ut non sit dubium, quin Agellius, ex
deprauata Varronis scriptura, sit corruptus in quo
doctissimū etiam Turnebum fugit ratio, qui Ae-
lium Gallum Varronis magistrū fuisse existima-
rit: cum id in Stilonē magis conuenire, satis mō-
strauerimus. Agellius Bussidianus, & alter Bituri-
gentis, quem nominat Cuiacius τῶν νεμικῶν, quod
de Ceruidio, Paulo, & Vlpiano, scribit Modesti-
nus, χορηγεῖος, cuius libris quasi postliminio iuris
prudentia in urbem Romam redisse visa est, haec
Varronis ita scribunt: quod extremum, inquit, dice-
bant, dici nouissimum coeptum vulgo. quod mea me-
moriam ut Aelius, sic senes aliquot, quod nimium nouū
verbum esset, vitabant. Equidem si vera est vtrius-
que libri scriptura, ut est: neque enim de clādesti-
na aliqua collusione libri tam multis passuum
milibus à se inuicem seiuncti consilium cepisse
existimandi sunt, neque quisquam tam durae, o-
pinor, frontis est, qui viri maximi fidem audeat
in dubium vocare: & Bussidianaē lectionis testes
facio eruditos hōmines, & in Musarū nutritu
educatos Victorem Giselinum, & Ianum Lernu-
tium, à quibus, si mentirer, vanitatis nollem coar-
gui: si vera, inquam, eorū librorum est scriptura,
vel potius, quoniam est vera; non verebor dicere
Varronem corrigendum, & vocem illam, Gallus,
quae*

quae à Glossemate primum in Varronis, deinde in Agellij libros inuasit, esse eiiciendam: locumque de, *Stilone*, accipiendum. cuius litis, de lectione in utroque scriptore emendata, iudicem harū litterarum studiosum (reliquorum enim censurā non nauci, plane contemno) quemuis libenter capio. Illud autem mihi religio est tacere, utrumque Agellium manuscriptum haec sexto Varronis de lingua Latina libro, non, quinto, in quo illa leguntur hodie, adscripsisse. quod quale sit, nihil pronuncio.

Concucurri. attotōse. hiatus poetis veteribus frequentes. Varronis versus emendati.

CAPUT V.

ELEGANTES apud Noniū Varronis versus sunt, & toti auro expendendi; nisi eorum elegantiam turpissimae maculae foedarent. quas pro mea copia conabor auferre. Sunt hi quos dico:

Vosque in theatro, qui voluptatem auribus

Huc aucupatum concurristis domo;

Adeste, id est, à me quae feram ignoscite,

Domum ut feratis è theatro litteras.

secundus versus intervallo breuior est, quam illorum numerorum ratio postulat. itaque Iunius ei explendo vocē accommodauit; atque ita scripsit:

Huc aucupatum concurristis ab domo,

quae vox cum iam primum sit admissa, neque antehac in Varronianis versibus habuerit; illuc, unde profecta est, relegandam censeo: & Varronis versus, ut ab ipso scripti sunt, ab alijs etiam scribi volo. nimirum:

H

Huc

Huc aucupatum concucurristis domo.

insolens illa syllabas huiuscemodi geminandi ratio huic vitio mater fuit. superest hoc praeteritum multis apud Plautum locis: pluribus superesset, nisi à male feriatis Grammaticis, & id genus hominibus esset extinctum. vnum & alterum proferam. Plautus Bacchidibus:

Scena; ibo in
Pitacem.

Sed quid futurum quom hoc senex resciverit?

Quom se excucurrisse illuc frustra sciverit?

Scena; Quis
nam.

& Stichos:

Praecucurri ut nuntiarem nuntium exoptabilem.

lib. x.

Cato contra C. Pisonem: *Video hac tempestate concucurrisse omnes aduersarios.* Caesar ad Virgilium: *Excucurristi à Neapoli.* quid? quod Priscianus idē in Terentio agnoscit, illo ver su?

Terentius,
Hecyra.

Vna illarum interea propere praecucurrit.

Eadem caussa fuit elegantissimi versus deprauati, qui est in festiuissima illa *παρῳδία* in Ventidium Bassum, cuius initium;

Sabinus ille quem videtis hospites.
cum enim ibi scribatur,

Ubi iste post-Sabinus ante-Quinctio

Bidente dicit attondisse forcipe, Comata colla,
versu medio claudicante, qui ex iambis puris debet constare: scribendum esse,

Bidente dicit attotonse forcipe,
monuit nos amicus noster I. Leuineius, maximae expectationis iuuenis, & qui progressus in vtraque lingua & rheologia magnos fecit. duplex vna in voce, ἀρχαῖος μὲν, attotondi, pro, attondi, item, attotonse, pro, attotondisse. Sed iam ad Varronem.

Adeste, id est, quae feram, ignoscite.

ita tertius versus vulgo legitur: nisi quod ab aliis
etiam

etiam prima vox adest. Iunius scribebat;

Adeste & à me quae feram cognoscite:

& Noniū caligantibus oculis, *ignoscite*, legisse existimabat. reclamante, inquit, *alioqui versus lege, nisi iam, aut simile, quid interponas*. Ego vero, dicā quod sentio, et si numquā fides Nonij mihi suspecta nō esse soleat; adduci tamen nō possum ut eā hoc loco suspiciā, nā quin veteres, *ignosco*, vel potius, *in-nosco*, aequae atque, *agnosco*, & *cognosco*, eadem in re dixerint; dubitandum nō opinor. Deinde si quicquam mutari velim; *agnosco*, libentius quam, *cognosco*, iure receperim. postremo ne quem moueat hiatus ille: frequentem eum comicis & tragicis veteribus fuisse, Ciceronis testimonio cognoscimus. cuius illa sunt: *Indicāt orationes illae ipsae horridulae Catonis: indicāt omnes poetae praeter eos, qui ut versum facerent, saepe hiabant. ut Naevius,*

Cicero in
Oratore.

Vos qui accolitis Histrum fluvium atq. Algidam. & ibidem: Quam numquam nobis Grai atq. barbari. quae ignorata multos etiam veterū poetarū versus corruperunt. & sane si vetustis editionibus, quas nō temere aspernari soleo, sua constat fides: non tantum tertio carmine; sed etiam primo hiauit Varro. sic enim in illis concipitur:

Vos qui in theatro voluptatem auribus.

ut ut est; scripsit Varro:

Vosque in theatro qui voluptatem auribus

Huc aucupatum concucurristis domo;

Adeste, & à me quae feram innotescite:

Domum ut feratis è theatro litteras.

quomodo turpes detergentur maculae, & versus fiunt huiusmodi, ut, quod initio dixi, auro contra mereantur emi.

*Faſti Sibyllini. Cicerones orationes in Catilinam
tribus locis de vetere libro caſtigatae.*

CAPVT VI.

QUIS credat M. Antonium Muretū, Paulum Manutium, Dionyſium Lambinum, Michaelē Brutum viros ſummos & in iſta meliores ſcriptores emendandi ratione multo tempore non ſine cura verſatos, tantum numerum vitiorum in orationibus Ciceronis in Catilinam reſidere paſſos eſſe, quantum illas hodie, cum antiquioribus libris comparantes, habere deprehendimus? Quod nediua quidem Pytho, ita mihi Muſae ſint propitiae, mihi perſuadere poſſet, niſi res ipſa clare loqueretur. qualia ſunt illa, quae ſuperioribus cōmentarijs indicauimus. qualia ſunt, quae noſtris in illas orationes emendationibus, ad generoſiſſimum & eximia ſpe virtutis ac doctrinae praeſtāntem adoleſcentem, *Lamoraldu*
Claroutium Maldeghemij Baronem, Flandricae nobilitatis principem, & in quo Brugae meae vnicum ſui ornamenti praefidium collocarunt: ijs, inquam, emendationibus, quae etiamnum priuata cuſtodia continentur, latius proſecuti ſumus. De hoc genere illud etiam erit, quod nunc affereamus: leue ſi ſpectas ſententiam; ſi verborum ornatum & Ciceronis dictionem, non leue. verba ſunt libro tertio Inuectiuarum: *Lentulum autem ſibi confirmare ex libris Sibyllinis, haruſpicumque reſponſis, ſe eſſe tertium illum Cornelium, ad quem regnum huius vrbis atque imperium peruenire eſſet neceſſe: Cinnam ante ſe, & Sullam fuiſſe. eūdemque dixiſſe, fatalem hunc eſſe annum, ad interitum huius vrbis, atque imperij, qui eſſet decimus annus poſt vir-*
ginum

ginum absolutionem; post Capitolij autem incensionem
 vicesimus. sic illa verba primus edidit Muretus:
 quod, ut ipse ait, quidam liber vetus haberet, at-
 que ita plane legendum putaret. quam Mureti
 emendationem, nisi errorem maius dicere, reliqui
 post illa Ciceroniani interpretes sunt secuti. Et sa-
 ne priores illius editiones à vera scriptura pro-
 prius afuerunt. sic enim in ijs erat: *Lentulum autem
 sibi confirmasse ex fatis Sibyllinis, haruspicumque re-
 sponis.* melius autem liber Gemblacensis: *ex fastis
 Sibyllinis.* quod idem verbū & Beroaldi exemplar
 retinet, & aliud prioris etiam aetatis conseruat;
 cum hac in ipsa Ciceronis verba interpretatione
 admissa: *Fastis hoc est libris Sibyllinis, in quibus
 quasi Fasti futuri erant.* alter eadem oratione, ea-
 dem etiam de re, locus eodem morbo laborat. ver-
 ba sunt: *Cum illi breuiter constanterque respondi-*
sent, per quem ad eum quotiensque venissent, quae si-
sentque ab eo nihilne esset secum de fatis Sibyllinis
locutus; tum subito ille scelere demens, quanta vis esset
conscientiae, ostendit. nam & hic, *libris,* Muretus re-
 posuit. cum non tantum Gemblacensis & Egmo-
 danus manuscripti codices, verum etiam Beroal-
 di & alia vetustior editio, *Fastis,* agnoscāt: & haec
 quidem huiusmodi cum glossmate: *Hos est libris
 Sibyllae, in quibus Fasti Romanorum futuri contine-*
bantur. Superest tertius & postremus eadem in
 voce error. qui eo magis meo iudicio prodi debet,
 quod à Mureto sit praeteritus; à Manutio vero,
 etiam in alium mutatus. & vulgo quidem verba,
 de quibus loquor, ita perscribuntur: *Cum vero*
mihī proposui regnantem Lentulum, sicut ipse se ex
fatis sperasse confessus est. in Manutiano vero; *ex*
factis.

Cicero ibid.

Cicero orat.
IV. in Cat.

fastis. at liber Egmondanus cum Beroaldino : *ex fastis.* quibuscum altera facit editio, hanc, suo more, interpretationem apponens; *id est libris per Sibyllam scriptis de fastis Romanorum.* quamquam & in veteribus editionibus, & in manuscriptis etiā hic additur; *Sibyllinis.* quod Ciceroni verbum restitui, aequum est. ineptum est veteris illius interpretis tribus locis glossēma. quis nescit? sed tamen antiquam lectionem suo adiuuat suffragio. Quisquis autem ille fuit, qui eiecta vera voce, alienam substituit, & glossēmate Ciceronem inquinavit; Sallustianorum verborum magis rationem, quam Ciceronianorum habere visus est. sic enim Sallustius: *Eadem Galli fatentur; & Lentulum dissimulantem coarguunt, praeter litteras, sermonibus quos ille habere solitus, erat ex libris Sibyllinis regnū Romae tribus Cornelij portendi; Cinnam atque Sullam antea, se tertium esse, cui fatum esset urbis potiri, praeterea ab incenso Capitolio illum esse vicesimum annum, quem saepe ex prodigijs haruspices respondissent, bello civili cruentum fore, eadem Appianus. Equidē si, Fastus, veteri glossario aliud non est, quā ἡμερολόγιον, & Festo Fastorum libri appellantur, in quibus totius anni fit descriptio: cum Sibylla suis libris, quicquid in singulos annos, imo paene dies urbi Romae esset fatale, complecteretur: cur illi fasti nominari non potuerint, videre nequeo. neque parum interest an sua cuique scriptori vox retineatur, an vero aliena obijciatur. Sallustij autē verba, ut pleraq. illius omnia, Plutarchus suo more transcripserit, de quo alibi etiam dicere meminī. τοῦτον, inquit, de Lentulo, δὲ τατὴν φύσει τοιοῦτον, χειρὴν ὑπὸ τοῦ Καλπίνα, προσδιέφθεραν ἑλπίσι κενῆς*

Sallustium
bello Catilinae
pario.

ψευδομάντεις, καὶ γόητες, ἔπη πεπλασμένα καὶ χρησμοὺς
 ἔδοντες. ὡς ἐκ τῶν σιβελλείων, προδηλοῦντας, εἰμαρμένους
 εἶναι τῇ Ρώμῃ Κορνηλίας τρεῖς μονάρχους. ὧν δύο μὲν ἤδη
 πεπληρωμένοι τὸ χρεὼν: Κίναυτε καὶ Σύλλαν: τρίτῳ δὲ
 λοιπῷ Κορνηλίῳ ἐμείνῳ φέροντα τέλῳ μοναρχίαν ἡκὲν τὸν
 δαίμονα.

*Edolare. Quintipor. Clodianus. gargaridare: Fors
 fortuna. duo Varronis fragmenta coniuncta.
 tria restituta:*

CAPUT VII.

APUD Nonium Marcellum ex epistola Var-
 ronis ad Fusium, (sic enim scribendum mo-
 neo, non, *Fusium*,) haec afferuntur: *Quintiporis
 Clodicant foriae ac poemata eius gargaridans dices,
 o Fortuna, o Fors Fortuna.* quae verba si à Sphinge
 non sunt; aenigmatis tamen speciem prae se fe-
 runt. quae tamen prius quam emendamus, ad-
 iungamus illis quaedam alia, quae ex eadem epi-
 stola idem adducit Nonius, & olim cum his, quae
 posui, nisi vehementer iudicij fallor, cohaese-
 runt. *Dij quaesio Fors fortuna, quantis commodita-
 tibus hunc diem.* quem utrumque locum, ita per-
 scribendum & sibi inuicem accommodandum
 iudico: *Quintiporis Clodiani forias ac poemata
 gargaridans, dices: O Fortuna, o Fors Fortuna, quan-
 tis commoditatibus hunc diem!* pro, *Clodian*, siue,
clodicant, scribo; *Clodiani*, rem ipsam huius facti
 mei auctorem dabo. Varro Quintiporem Clo-
 dianum poemata sua sine vlla Musa scripsisse af-
 firmat. itaque iure forias appellat. verba eius

Nonius; g-
 garidian

Idem; Fo-
 Fortuna.

,edolare.

Bimarco sunt: *Cum Quintipor Clodianus tot comoedias sine vlla fecerit Musa: ego vnum libellum nō edolem? vt ait Ennius.* hoc primum. deinde fragmētum à seipso diuulsum in vnum conduxī. quod ex eadem vtrūque epistola afferatur; & pro, *dij quae-so*, posui, *dices o.* quod superius ita legeretur; & facilis erroris esset occasio, cum hoc modo librarij, quod in alijs non raro accidere meminimus, scripsissent: *dignes o.* vnde illud, *di quae-so*, promanauit. postremo illa Varronis, quae modo è Bimarco attuli, partim à me, partim à Iunio sunt emēdata; cū ita vulgo legerentur: *Tot comoedias sine vlla fecerimus.* à qua scriptura liber Elnonensis non longe discedit; ita tamen vt verae lectionis argumentū det. *Cum quinti pordolius tot comoedias sine vlla fecerimus: ego vnum. &c.* *Quintiporem* dixit eo modo, quo *Sallustius* lib. III. historiarum *Caiporem*: *Marciporem* vero *Plinius* lib. XXXIII. cap. I. & *Quintilianus* l. I. c. IV. & *Festus*. de quibus *Priscianus*, *Antiqui*, inquit, *Publipor & Marcipor*, pro, *Publij puer & Marci puer* dicebant: quae o non producūt, secundū *Probum* in obliquis casibus. *Probus* Catholicis; *Legi*, inquit, *vnū nouo modo figuratū apud Sallustiū, Publipor, Pupliporis.* est enim quasi propriū. Iam vero vt ex illo, *Clodian*, potius *Clodiani*, facerem, quam, *Clodij*, litterarum me tractus & minima vocis mutatio impulerunt: praesertim etiam cum hoc cognomē *Romani iuris* esse scirem. *Sallustius* lib. IV. hist. At *Cn. Lentulus patriciae gentis*, collega eius cui cognomentum *Clodianō* fuit, per incertum stolidior an vanior, legem de pecunia, quā *Sulla* emptoribus bonorum remiserat, exigenda, promulgauit. Velim autem illud, *Gargaridians*, quid sit, Nonius

Nonius exposuisset. vehementer enim vereor, ne librorum vitio deceptus, ut frequenter alias, Varronis verba non recte commemorarit; & ita potius Varro scripserit: *Forias, ac poemata eius barbararidens*. maxime cum in libro Elnonensi sit, *gargaridens*, & in alijs, *gargaridans*. quod equidem quin multis probaturus sim, nihil dubito. Illud etiam nequeo praeterire, superiora illa Varronis, apud Terentium reperiri: credibile ut sit, aut inde Varronem esse mutuatum, aut aliud nescio quid in Nonio monstri latere. Terentius Phormyone:

*O fortuna, o Fors fortuna, quātis commoditatibus
Quam subita hero meo Antiphoni ope vestra
oneraſtis hunc diem.*

*Legatus P. R. P. R. inscriptiones veteres. Caesari
sua asserta scriptura. glossema ex eo eiectum.
Caesar correctus.*

CAP. V. T. V. I. I.

NEGAT. litteratus Iureconsultus, *Legatum* P. R. P. R. recte dici; eosque, qui contra sentiunt, grauit. reprehendit: & verba è Commentarijs Caesaris, quae in vetustissimis & editionibus, & descriptis manu libris ita fere leguntur, de *tertia vigilia T. Labienum Legatum propraet. cum duabus legionibus & ijs ducibus qui iter cognouerant, summum montis iugum ascendere iubet*: corrupta esse iudicat; atq. hunc in morem oportere scribi: *T. Labienum legatum prope cum duabus legionibus & ijs ducibus q. i. c. s. m. ascendere iubet*. At ego sexcentis, Latine loquor, grauisimorum scriptorū testimonijs & locum Caesaris recte se habere, &

Roma-

Commēt.
bellō Gall
lib. I.

X. VIR. STILIT. IVD.

APOLLONIUS. LIMENA

CYPRI

tertia est in agro Tiburtino:

C. CAESONIO. C. F. QVIR. MA-
CRO. RVFINIANOCONSVLARI. SODALI. AVGVSTA-
LI. COMITI. IMP.

SEVERI. ALEXANDRI. AVG. CVR.

R. P. LANIVINORVM. II

PROCOS. PROV. AFRICAE. CVR.

AQVAR. ET. MINICYTII

LEG. AVG. PR. PR. GERMAN. SV-
PERIORIS. CVR. ADVEI

TIBERIS. CVR. R. P. TEANENS. LEG.

AVG. PR. PR. PROV.

LVSITAN. CVR. R. P. TARRICINENS.

PROCOS. PROV.

ACHAIAE. LEG. LEG. VII. CLAVD. CVR.

R. P. ASCVLAN

LEG. PROV. ASIAE. PR. LEG. PROV.

BAETIC. TRIB. PL

QVAESTORI. PROV. NARBON. TRIB.

LEG. I. ADIVTRIC.

DONATO. DONIS. MILITARIBVS. A. DI-

VO. MARCO

III. VIR. CAPITALI

PATRI. DVLCISSIMO. ET. INCOMPA-

RABILI

CAESONIUS. LVCILLVS. FILIVS

CONSVLARI

accedat & quarta: si cui fortasse superiorum status
quaestio moueatur, ea est Brixiae.

P. STA-

P. STATIO. P. F.

FAB. PAVLLO

POSTVMIO. IVNIORI

X. VIRO. STLITIB. IVDIC

TRIB. MIL. LEG. VII

GEM. FELIC.

VI. VIRO. EQVIT. ROMANOR

Q. PROVINC. AFRI. TRIB. PLEB.

PRAETOR. LEG. PR. PR.

PONT. ET. BITHYN. PRO. COS.

PROVINC. BAETICAE

TITVLO. VSVS.

D. D. D. D. D.

quinta haec erit pro teste supernumerario. quando enim cum acutissimo Ic. res est, cautio etiam superflua non nocebit: eo autem interrogato, et si infinitae produci possunt; (nihil enim in marmoribus frequentius) vltiori tamen productioni sponte nuntium remittam. exstat Gambarae in summo templo:

P. STATIO. P. F.

FABIO. PAVLLO

POSTVMIO. IVNIORI

X. VIR. STLIT. IVDIC. TRIB. MIL

LEG. VII. GEM. FELIC. VI. VIRO

EQVIT. ROMAN. Q. PROVINC.

AFRIC. TRIB. PLEB. PRAETORI. LEGAT

PROPR. PONTI. ET. BITHYNIAE

PROCOS. PROVINCIAE. BAETIC

COMINIVS. AVFILENVS

MINICIANVS

OPTIMO. ET. RARISSIMAE. PI

DEI. AMICO

venia-

veniamus ad nummos. quos, quamuis multos, recensere, nihil esset negotij. duos ipsi vidimus argenteos. vni ab vna parte incisus erat, *Terminus.* cū hac inscriptione; Q. METELLVS PIVS SCIP. ab altera parte, sella curulis cum cornucopiae & bilance, atque hac inscriptione: CRASS. IVN.

LEG. PROPR. alterius nummi anterior pars habebat inter lituum & urnam tropaeum, cum hac inscriptione: Q. METELL. PIVS. SCIP.

IMP. in posteriore erat mater Deum turrita inter spicam & caduceum, cum inscriptione:

CRASSVS. IVN. LEG. PROPR. quis est qui, his testibus auditis, non statim pronunciabit rectam in Caesaris scripturam, neque mutandam videri? nisi forte aliam idem Ic. & inscriptionum illarum & nummorum interpretationem asserre poterit. Et quoniam nunc sumus in Caesare, aliū eiusdem imperatoris, melioris certe quam historici (aliorum aliter sentiētium abominor inuidiā) locum, vt nunc in vulgatis & quibusdam etiam calamo exaratis exemplaribus, si viris doctis credimus, corrupte legitur, indicemus. deinde vt eū ex vetere Mediolanensi legēdum didicimus, subiiciamus. *Tantus subito timor, inquit Caesar, omnem exercitum occupauit, vt non mediocriter omnium mentes animosque perturbaret. Hic primum ortus est à tribunis militum, ab praefectis, reliquisque, qui ex vrbe, amicitiae caussa, Caesarem secuti, non magnum periculum miserabantur; quod non magnum in re militari usum habebant.* qui locus partim ex Vaticani libri scriptura, quam diligentissimus Fuluius Ursinus indicauit, partim ex nostro Mediolanensi, sic restituendus est; *Hic primum ortus est à tribunis*

bunis militum, ac praefectis, reliquisque, qui ex urbe amicitiae causa, secuti Caesarem non magnum in re militari usum habebant. aliae ille voces, periculum miserabantur, ab inferiore oratione, charta perperam, ut sit, librariorum vitio euoluta, in hunc locum ascenderunt: neque tamen minus in inferiore illa oratione remanserunt. omne autem illud, paulo etenim altius orationis membra repetenda sunt, ut consilij nostri sibi constet ratio, & pareat cuius emendatio: omne, inquam, illud ita scripsit historicus: saepenumero sese cum ijs congressor, ne vultum quidem atque aciem oculorum ferre potuisse. tantus subito timor omnem exercitum occupavit, ut non mediocriter omnium mentes animosque perturbaret. Hic primum ortus est à tribunis militum, ac praefectis, reliquisque, qui ex urbe, amicitiae causa, secuti Caesarem, non magnum in re militari, usum habebant: quorum alius alia causa illata, quam sibi ad proficiscendum necessariam esse dicerent, petebant, ut eius voluntate discedere liceret. non nulli pudore adducti, ut timoris suspicionem vitarent, remanebant. ij neque vultum fingere, neque interdum lacrimas tenere poterant; abditi in tabernaculis, aut suum fatum querebantur, aut commune periculum miserabantur. Haec Caesar. in quibus corrigendis, si quas voces vel omisi vel mutavi, nihil me praeter librorum auctoritatem fecisse, omnibus testatum esse volo.

Mundus.

*Mundus . Pylus . Magno maxima Pella . terrae
vapor . pauos . tenuisq . capillus . Naeuius , Vale-
rius Flaccus , Manilius castigati .*

CAPVT IX.

HOSPITIVM vitiorum & mendarum est Manilius . Vtinā lex olim Papia hoc in genere valuisset, & hospites huiuscemodi, non tantū vsu ciuitatis, sed etiā talibus hospitij exclusisset. nihil nunc esset necesse durā illam & inhumanam Lacedemoniorū *ξενηλασίαν* renouare ; & eos peregrinos , qui semel in ciuitatē atque adeo certas aedes sunt admissi, ibique longo tempore habuerunt; nō sine tumultu magno eijcere. quod tamen, nisi passim fiet , propediem verendum erit, ne illi, numquam interpellati, eiusmodi hospitij nolint cedere, & se longissimi temporis praescriptione tueantur. tantumne ? imo ne suae ditionis etiam proferant pomaeria. Ego ne ea res Manilio fraudi sit, quantum in me erit, cauebo. multi latebunt, (at scio, neque deprehendentur. veruntamē quicumque, vel astu, vel fraude, vel alio quouis modo denique, prodi poterunt; omnes stat extrudere: neque cuiusquam misereri certum est; maxime cum illi ciues ingenuos eiecerint, & se in eorū locum subrogarint. versus Manilij sunt:

*An fortes animae, dignataque nomina caelo,
Corporibus resoluta suis, terraeque remissa
Huc migrant ex orbe? sumque habitantia caelum
Aethereos viuunt annos, mundoque fruuntur?
Atque hic Aeacidas, hic & veneramur Atridas,
Tydidēque ferum, terraeque marisque triumphis
Naturae*

Manilius
lib. I. ver
13CCLX

*Naturae victorem Ithacum, filiumque senecta
Insignem triplici, Danaumque ad Pergama reges
Castra ducū & caeli, victamq. sub Hectore Troiā.*

& priores quidem illos recte imitatus est doctus,
• *Carinorum impp. temporibus poeta M. Aurelius
Nemesianus, Bucolicis:*

Nemesianus
elog. 1.

*Quem nunc emeritae permensum tempora vitae
Secreti pars orbis habet, mundusque piorum.*

& paullo post:

*Nam si sublimes animae caelestia templa
Sidereasque colunt sedes, mundoque fruuntur.*

sic enim, *mundum*, Lucretium, Ciceronem, alios
veteres scriptores & hūc ipsum Manilium, acce-
pisse, olim, prioribus illis ad Valerium Flaccum
scholijs, quae mihi puero exciderunt, monui: &
Valerianos ea de re versus emendaui. quos quo-
niam à plerisque etiamnum vitiose scribi, & pa-
rum intelligi video, libet eorum emendationem
his etiā Antiquis consignatā, posteris relinquere;
si forte commentarium Valerianum numquam
perpolire dabitur. est autem oratio Iouis ad Her-
culem & fratres Tyndareos:

Valerius
Flaccus lib.
Argon. I.

*Tendite in astra viri. me primum regia mundo
Iapeti post bella, truces Phlegraeque labores
Imposuit. durum vobis iter & graue caeli
Institui. sic ecce meus, sic orbe peracto*

Liber, & expertus terras remeavit Apollo.

sed iam ad Manilium. in cuius versibus prioribus
distinctionum vitia, quae sustulimus, nolumus
indicare. satis ea cuiuis videre volenti sese ape-
rient. in posterioribus vero odorari mihi videor,
nescio quid exoticum latere. quis est enim ille
Silius? aut, ut in alijs est, utrobique repugnante
syllaba

syllaba, *Ilius* ? certe peregrinus. itaque lege *Papia* eiiciatur & eius in locum restituatur, *Pylus*. Nestorem enim trisaeclem, *Pylum* fuisse, qui *Homeri*, aliorumque antiquorum poetarum testimonio non cognovit, ex illo saltem *Ouidiano* discat carmine:

Nos Pylon, antiqui Neleia Nestoris arua,

Misimus: incerta est fama remissa Pylo.

sequitur in eodem *Manilio*:

—nec te *Manortia* virgo

ibid. vers.

Praeteream, regesque alios quos Graecia misit,

100CLX

Atque Asiae gentes, & magno maxima bello.

& hic quiddam irreprobum est: neque vlllo ymquam senatusconsulto, aur plebiscito in hanc civitatem receptum: quod tamen non ita delitescit, quin facile se prodipatiatur. est enim in postremis illis verbis. quae, ut nunc leguntur, sententia omni carent, nisi ego ipse forte sensum communem non habeo. nam & eos qui, per magnum bellum, *Troianum*, intelligunt, & illos qui de magno *Scipione* aut *Pompeio* poetam loqui volunt, satius erat porcos sacres sinceros, ut *Comicus* est sermo, sibi nummo comparare, eosque *Larum* matri immolare. igitur scribe:

Atque Asiae gentes, & Magno maxima Pella.
de *Alexandro Magno* loquitur: de quo illud etiam *Iuvenalis* est:

Unus Pellaeo inneni non sufficit orbis.

quae emendatio magnam probationem opus non habet. mox:

Terraeque pavor comprehenditur igni.

emenda:

Terrae vapor & comprehenditur igni.

Manilius

ibid. vers.

100CC

XXXV.

sed facile ea vox alteri illi occupati loci gratiam faciet, neq. vllam illi cōtrouersiam mouebit, si meminert mutui hoc factū esse; & alibi se in alterius illius sedem migrasse. quod dico, in Naeuio est; vbi, *vapos*, pro, *pauos*, scribitur. Naeuius Lycurgos: *iam ibi nos implicant aduenientes timos pauosque.* doctissimus Iunius & conlector Lucretiani indicis, dum scribunt, *timos Panos*, & de *Panico timore*, accipiunt; frustra sunt. quod, dum illud, *implicant*, attente considerabunt, numquam mihi eripient quin verum esse existimem.

Nonius; vapos.

paullo post Manilius:

Ibid. vers.
10000
XLI.

Flamma comas imitata volat; tennesq. capillos

Diffusos radijs ardentibus explicat ignes.

scribo, & poetam ipsum scripsisse affirmo:

—tenuisque capillus

Diffusos radijs ardentibus explicat ignes.

sed hoc tempore in istos satis erit saeuisse. alias alios infeste infestabimus.

*Nugas. percontat. Naeuius, & Varro apud
Nonium è vetere libro castigati.*

C A P V T. X.

INFINITA & prope omnia M. Varronis omnium Romanorum, adde etiam Graecorū, doctissimi nobis scripta perierunt. quae si exstarent; nihil esset necesse tantum studium in inuestiganda antiquitate ponere; aut alioqui in tanta veteris Romanae reip. ignoratione & tenebris versari. Quid enim sacrum pro fanum; quid domi, militiae gestum; quid Romanum, externum; quod ille diuinis

diuinis litterarum monumentis consignatum nō reliquit? Optandum esset certe, quando ut integris quidem aliquando illius fruamur libris ne sperari quidem potest, vnum tandem aliquem existere, quia ea quae nobis seu fors, seu Deus aliquis librorum fragmenta superesse voluit, quasi pau- culas ex ingenti naufragio tabellas colligeret; & vnum in corpus componeret. esset cur leuius eam rerum praestantissimarum iacturam ferre debere- mus. quod dum expectatur ut fiat; vnumquem- que eorum, qui vel ingenio abūdant & doctrina, vel à veterum grammaticorum copia sunt parati, quicquid ad diuini illius scriptoris illustrationem pertinere potest, in medium aequū est afferre. Nos sane, ut alios, quibus & maius otium, & amplius ad eam rem conficiendam in eruditione est adiu- mentum, exemplo nostro prouocemus, saepe an- te hac Varronis scripta emendauimus; idem non raro posterius, quotiescumque occasio dabit, fa- cturi. Itaque & nunc locum ex quadam Menip- paea proferemus, & ut Varro scripsit, scriben- dū docebimus: Varro Ephebo *περὶ ἐμμοῦνς*. *Crede mihi, plures dominos serui comedere quam canes. quod si Actaeon occupasset, & ipse prius suos canes come- disset, & non negasset; saltatoribus in theatro fieret. illud, non negasset, verba & sententiam Varronis manifeste corrumpit. deinde quid est, saltatoribus in theatro fieri? sed ne longum faciam; cum de vi- tio cōstet, emendationem nostram proponamus. quam veram certam esse omnes iuxta mecum fatebimini. scripsit Varro: *Crede mihi plures domi- nos serui comedere, quam canes. quod si Actaeon oc- cupasset, & ipse prius suos canes comedisset, non**

Nonim,
cupate.

nugas saltatoribus in theatro fieret. nugas, quod huic loco deprauando fuit, itidē vt, *nugax*, dixisse veteres, Carisius & Priscianus sunt auctores. Priscianus lib. v. Inueniuntur tamen alia quoque propria in formam gentilium prolata, vt *Antias Historicus*, & monosyllaba, *as, assis, mas, maris, vas masculinum vadis, vas neutrum vasis, & hoc fas, nefas, nugas etiā commune generis*. Carisius lib. i. Cum ergo omnia genitino diuerse efferuntur, *vas vadis, mas maris, as assis*; neutralia quidem duo, sed indeclinabilia, vt hoc *fas huius fas, nefas, nugas*. hoc licet indeclinabile sit, tamen commune trium generum hic & haec & hoc *nugas*. idem post. sunt quaedam nomina tota in declinatione & singulari & plurali monoptota. in quibus & communia triū generum sunt aut masculini, feminini, & neutri, *nequa, frugis, nihili & nugas*. & a libi Comminianus vetus Grammaticus: Ablatiuus casus singularis quinque vocalibus terminatur, *a. e. i. o. u.* semivocalibus duabus, *m. & s.* exceptis pronomiibus, vt *ab eodem, & ab hoc, & nominibus appellatiuis monoptotis, vt, nequam, nugas*. quas grammaticorum ineptias prolixius commemorauimus, quod verbum hactenum obscurum, in lucē iam primi reuocamus. recte sane Glossarius Latines, *nugas, σαπρός, ἀσελγής*. & Graecus, *σαπρός, nugatorius, nugax, foedus*. Nescio vero an non in Varrone rectius scriberetur: *Plures canes dominos comedere quam serui*. quod ipsa sententia, si propius inspicitur, poscere videbitur. nolo tamen in re ambigua quicquam asseuerare: praesertim cum liber Elionensis, in quo illud, *nugas*, scriptum reperi; vulgari scripturae suffragetur. E quo eodem libro insignem quendam Naeui locum, turpiter deprau-

deprauatum, nunc emendabo: *Naeuius libri Paenici lib. II. Blande & docte percontet Ennius, quo pacto Troiam urbem reliquisset.* nomen Ennij, qui aetate Naeuio fuit posterior, & ab historia Paenica alienus, inducendum, & aliam nescio quam vocem eius vicem reponendum, recte vidit *Lipsius*. qui sane vir doctissimus coniectura erudita mehercule & ingeniosa, atque adeo, absque veterum librorum indicio esset, vera, emendandum censuit: *Blande & docte precontat em.* & de Aenaea à Didone excepto voluit intelligi. quae quidem loci Naeuiani est sententia: verba non item. scripsit Naeuius: *Blande & docte percontat Aenaeam quo pacto Troiam urbem liquerit.* Hadrianus, dum vno apud Nonium loco vulgatam lectionem seruauit; altero,

Blande & docte percontaris

Tenesque pacto quo Troiam urbem liquerit, scribendum suspicatur: vehementer fallitur. Nonius enim, *percontat*, in eo agnoscit. deinde haec libri Elnonensis est scriptura. quod Iunium nostrum, qui eodem alicubi videtur usus libro, non vidisse miror.

Staius Papinius Achilleide, de scriptura veterum librorum, restitutus.

C A P V T X I.

L V B E T hic paullulum à sollenni illo instituto meo deflectere, & Statij Papinij locum quendam, à varijs neque leuiter eruditissimis hominibus, quales fuerunt Turnebus, Iunius, Canterus, tentatum, persanare, & persanatum proponere.

neque tamen ullam medicinae adhibitae rationem dabo, aut loca affecta indicabo. tātum, quod dixi, morbum tollam. & id quidem omne antiquis codicibus, ad quos saepe prouoco, testibus, imo auctoribus fiet. Iam itaque Achillem ipsum sua facta, paullo quam ante politius narrantem audiamus.

Statius ex-
mo Achil

*Iamque & ad ensiferos, vicina pube, tumultus
Aptabar. nec me vlla feri Mauortis imago
Praeterijt. didici quo Pacones arma rotatu,
Massagetae quo gesa rotent; quo turbine caestum
Sauromatae, falcemque Getes, arcumque Gelonum
Tenderet; & flexae Balearicus aëtor habenae
Quo suspensa trahens libraret vulnera tortu,
Inclusum quotiens discingeret aëra gyro.
Vix memorem cunctos, & si modo gessimus, aëtus.
Nunc docet ingenti saltu me iungere fossas,
Nunc caput aëri scandentem prendere montis,
Quo fugitur per plana gradu: simulacraque pugnae,
Excipere immissos, curuato vmbone, molares;
Ardentesque intrare casas; peditemque volantes
Sistere quadriugos. memini, rapidissimus ibat
Imbribus assiduus pastus, niuibusque solutis
Sperchios, vulsasque trabes & saxa ferebat:
Cū me ille immissum, qua saeuior impetus undae,
Stare iubet contra, tumidosque repellere fluctus,
Quos vix ipse gradu totiens obstante tulisset.
Stabam equidem; nec me referebat concitus amnis
Et latae caligo viae.*

Hoc in corpore deformitates, quas sustuli, & cicatrices quas obduxi, ipsa membra numero longe superant. quales autem illae sint, & qua parte corporis, si qui proprius nosse desiderat; totum
corpus

corpus excutiat necesse est; & id, quod dico, verū esse, numquam infitiabitur.

Aliud Phauorinum, quam vulgo existimetur, de versu quodam Virgiliano sensisse videri: eamque in rem caput quoddam Agellij emendatum.

CAPUT XII.

VERSVS istos ex Georgicis Virgilij,
At sapor indicium faciet manifestus, & ora
Tristitia tentantum sensu torquebit amaro,
 Higenus ita scribebat:

— & ora

Tristitia tentantum sensu torquebit amaror.
 contra tamen Phauorinum philosophum nobilē sensisse, & ei vocis illius insolentiam displicuisse, in vulgus creditum est. idque ex verbis Agellij vehementer corruptis. quae nō vt publicata sunt, sed vt in vetustioribus libris perscripta inuenio, in mediū proferā: simul totū illud Agellij caput, cognoscēdae Phauorini sentētiaē, emendabo. *Higenus*, inquit Agellius, non hercle ignobilis grāmaticus in commentarijs, quae in Virgilium fecit, confirmat & persenerat, non hoc à Virgilio relictum: sed quod ipse inuenerit in libro, qui fuerit ex domo atque familia Virgilij;

— & ora

Tristitia tentantum sensu torquebit amaror.
 Neque id soli Higeno, sed doctis etiam quibusdā viris complacitum: quoniam videtur absurde dici: sapor sensu amaro torquet; cum ipse, inquiunt, sapor sensus sit, non alium in semet ipso sensum habeat: ac

perinde sit, quasi dicatur; sensus sensu amaro torquet. sed enim cum Phauorino Higeni commentarium legissem; atque illi statim displicita esset insolentia & insuauitas illius;

—Sensu torquebit amaro:

risit, & Iouem lapidem, inquit, quod sanctissimum iusiurandum est habitum, paratus sum ego iurare, Virgilium hoc nunquam scripsisse; sed Higenum ego dicere verum arbitror. non enim primus finxit hoc verbum Virgilius insolenter; sed in carminibus Lucretij inuentum est: nec aspernatus est auctoritatem poetae; ingenio & facundia praecellentis. verba ex. iv. Lucretij haec sunt:

Denique in os falsi venit humor saepe saporis,

Cum mare versamur propter: dilutaque contra

Cum tuimur misceri absynthia; tangit amaror.

Non verba autem sola, sed versus prope totos, & locos quoque Lucretij plurimos sectatum esse Virgilium videmus. Quibus verbis, ita à me emendatis, efficitur, vt & Phauorinus sententiam Higeni probaret; & hic Agellij in iudicando partes sint nullae. vtrumque contra iudicium, certe praeter opinionem omnium eorum, qui haecenus Agellium legerunt, aut de illis Virgilij carminibus differuerunt.

Capularis. defloccare. Nonius duobus locis, & Plautus in fragmentis corr. e. t. i.

CAPVT XIII.

QVI M. Plauto, comico Latinissimo, & quod vel inuidente Horatio dixerim, festissimo, sua fragmenta collegerunt, eaque illis, quae

quae hodie exstant, comoedijs subiecerunt; sane quam negligenter in eo videntur fuisse. primum enim, multa, quae Plauti non sunt, Plauto dederunt. deinde ea, quae paucissimis litteris, sciolorum vitio, immutatis, etiamnum in scriptis Plautinis reperiuntur, pro fragmentis habuerunt. postremo, illa ipsa librorum reuera Plauti fragmenta, adeo corrupta, & turpibus maculis inquinata, nobis reliquerunt; ut non magni sane retulerit, ea vel omnino periisse, vel ita deprauata iniuriæ temporis superfuisse. nos medijs illius generis sex septem exempla in scholijs Vegetianis dedimus. singulorum extremorum, singula nunc dabimus. Et prioris quidem illud erit, quod in Milite Plautina, nescio quo loco, haec verba desiderari, *capulo proximus*, iisdem illi nuper annotarunt. decepit eos nimirum praua verborum Nonij scriptura. cuius interpretationem pro verbis Plautinis non recte acceperunt. Cum enim Marcellus hos versus Plauti, qui in Milite sunt, attulisset:

Scena; Cohibete.

Quid ais tu? itane ego tibi videor oppido Acheronticus,

Tam capularis?

(sic enim Nonium eos versus posuisse, editionum veterum indicio cognoscimus.) continuo subiecit; *id est, capulo proximus*: eam videlicet verbi illius explicationem ponēs. hinc mutatione prope nullacum in Nonio legeretur; *idem capulo proximus*: Nonij verba, ut fragmentum, attribuerunt comico. de quo errorum genere frequēter in Codice Iustiniano dicendum erit. Seruius certe pæne geminam Plautinorum versuum interpretationem dedit, cum ita scriberet: *Plautus dixit,*

Nonium; capulum.

Seruius lib. Aeneid. XI

Nonius; de-
occare.

capularis senex, id est, vicinus capulo, qui dictus capulus, ab eo quod corpus capiat. Ad illa etiam Plauti verba hanc suam explicationem Sex. Pompeius, opinor, accommodauit: *Capulum & manubrium gladij vocatur; & id quo mortui offeruntur. utrumque à capiendo dictum. sane à capulo fit capularis.* Transeamus nunc ad alterum illud genus negligentiae, quo fragmenta ipsa, quae leuissima opera poterant emendari, vitiosissima tamen adscripserūt. in quibus illud primum occurrit, quod è Casina videtur excidisse.

Perij; flacco habebit iam illic homo lumbos meos.

quod, etsi vehementer est corruptum, nullius tamen artis fuerit, emendare, praesertim si Noniana verba pressius examinentur. quare iuuat, vt edita sunt, apponere; &, secundum illud, apposita emendare. *Deflaccare, inquit Nonius, est atterere, tractum à vestibus sine flacco.* Plautus Casina:

Perij, flacco habebit iam illic homo lumbos meos.
emendo:

Defloccare, est atterere: tractum à vestibus sine flocco. Plautus Casina:

Perij: defloccabit iam illic homo lumbos meos.
cuius sane castigationis elegantiam, & tralationis venustatem, nemo non sentiet, qui illum linguae & elegantiae in verbis latinae principem vel primoribus labijs degustauerit: id est, paululū sapere supra paedagogorum iudicium occoeperit. Verus autē Plautinus vbi in Casina locū habere possit, diu anxie quaesini; &, quod est peius, operam perdidit. plurima enim ex ea excidisse fabula, satis magno

magno nobis argumento sunt, quae vir clarissimus, & singulari quodam reip. bono, & D. O. M. in nostram aetatem beneficio, ad eruendos è situ & in lucem proferendos optimos quosque scriptores natus Ioannes Sambucus, in Plantiniana editione praestitit.

*Liber Manilij primus percurritur: &
compluria omnis generis errata
ab eo auferuntur.*

CAPVT XIV.

PERCURRAM leuiter hoc capite primum Manilij librum, &, vt quidque in eo mihi sese offeret minimum maximum, quod quidè ad illius illustrationem vel emendationem pertinere posse videbitur, huic chartae illinam. Ac statim quidem initio, his versibus;

*Nūc mihi tu Caesar, patriae princepsque paterq.
Qui regis Augustis parentem legibus orbem,
Concessumque patri mundum Deus ipse mereris,*

Manil. li. i.
vers. VII.

Das animum; viresque facis ad tanta canendum:
nimis tenue & vulgare vitium omnes haecenus editiones infedit. quod ni ita esset; & vel vnus liber exstaret, à quo illud abesset; numquā eam operam mihi sumendam arbitrarer, vt vel verbo monerem. scribendum itaque, poscete sententia, versu primo:

*Hunc mihi tu Caesar patriae princepsq. paterque.
& mox, iubente libro Gemblacensi:*

—Viresque facis ad tanta canenda.

priorem quidem errorem illum in omnibus omnium scriptorum libris valde vbique frequentē esse,

esse, iam olim ad Valerium Flaccum anno-
tauimus, & quibusdam locis sustulimus. mox:

Iam propiusque fauet mūdus scrutantibus ipsum,

Et rapit aetherios per carmina pandere sensus.
scribe de veteris libri consilio,

Et cupit aetherios per carmina pandere sensus.

erunt, scio, quibus prius illud magis probabitur,
& retinendum videbitur: quibus ego aliud prae-
ter manuscriptae lectionis auctoritatem, quod
opponam, nihil habeo.

non multo post:

—vnumque sub orbem

Et per inane suis parentia finibus astra,

Nominaque & cursus signorum, pandere vires.

scribe, nisi sententiam his verbis nullam vis sub-
esse;

—imūque sub orbem

Et per inane suis parentia finibus astra,

Nominaque, & cursus signorum, pondera, vires.

deinde:

Naturaeque dedit vires, seque ipsa reclusit,

Regalis animum primum dignata monere,

Proxima tangentes rerum fastigia caelo.

Quae domuere feras gentes oriente sub ipso,

Quas ferat Euphrates, in quas & Nilus inundat,

Qua mundus redit, & nigras supernolat vrbes.

quatuor maculas, in quibus mens horum versuū
occultatur, & paene obruitur, sustuleris, si hunc in
morem emendaueris:

Et natura dedit vires, seque ipsa reclusit;

Regales animos primum dignata monere,

Proxima tangentes rerum fastigia caelo.

Quae domuere feras gentes Oriente sub ipso,

Quas

Ibi. v. xi

Ibi. xxxii

Ibid. vers.
xl.

*Quas secat Euphrates, in quas & Nilus inundat,
Qua mundus redit, & nigras superuolat vrbes.*
quibus iam nihil purius, nihil tersius. parum est,
quod pro vulgatis illis.

Officio iunxere Deum, & Hi tātum nouere decus;
scribendum moneo:

Officio vinxere Deum: & Hi tātum mouere decus.
illud autem ne sine scelere quidem reticere pos-
sum, quod ijs, qui interuallo non nimium longo
consequuntur, versibus, poetam à seipso facit dis-
sentire; certe aliud, quam sentiat, loqui.

versus sunt:

*Ibid. vers.
LXVI.*

*Nam rudis ante illos nullo discrimine vita,
In speciem conuersa operum ratione carebat,
Et stupefacta nouo pendebat lumine mundi,
Tum velut amissis maerens, tum laeta renatis
Sideribus: variosque dies, incertaque noctis
Tempora, nec similes umbras nec sole regresso
Iam propiore suis poterant discernere caussis.*
operae est videre, quam res pusilla omnem cla-
rissimi illius carminis lucem offuscarit; & quam
illi umbram magnam vox minima obduxerit.
volebat Manilius primam illam rudem aetatem,
& quasi mundi infantiam admiratam fuisse, ne-
que rationem inuenire potuisse; cur non easdem
umbras efficeret sol si nobis esset vicinior, quas si
longius abesset. quam sententiam versus illi effi-
cient, si legerimus:

—*nec similes umbras iam sole regresso,
Iam propiore suis poterant discernere caussis.*

mox:

*Ibid. vers.
LXXV.*

*Tumque in desertis habitabat montibus aurum:
Ignotusque nonos pontus subduxerat orbes.*

eadem,

eadem, minimae vocis immutatio etiam hic vitij culpam sustinet. scripsit poeta:

Ignotusque nonos pontus subduxerat orbes.

tale ferè est illud Albinouani apud Senecam, de Oceano ad eam diem non nauigato:

*Quid sacras violamus aquas, Diuumque quietas
Turbamus sedes?*

sequitur:

Ibid. vers.
LXXVII.

—sed quisque satis se nosse putabat.
recta videri poterat scriptura, nisi versus huic proximis,

Sed cum longa dies acuit mortalia corda,
nonnullam vitij suspicionem iniiceret: eamque liber Gemblacensis in nobis probaret. in quo est:

*Nec vitam pelago, nec ventis credere vota
Audebant; se quisque satis nosse putabant.*

Ibid. vers.
LXXXII.

subinde:
Et quaecunque sagax tentando repperit vsus;
lege, si vis carmen proximum cum isto recte cohaerere:

*Et quodcunque sagax tentando repperit vsus,
In commune bonum commentum laeta dede-
runt.*

Manilium è manibus depono, si prius duas in eo maculas eluero: vnam, quae Maniliani carminis venustatem corrumpit; alteram quae etiam sententiam euertit. illa quidem hoc in versu est;

Semper enim ex alijs alios profeminat vsus:
cum scribi debeat;

Ibid. vers.
xc.

Semper enim ex alijs alia profeminat vsus.
haec vero in istis:

Ibid. xci.

*Nec vulgata canam: volucrum praedicere linguas,
Consultare fibras, & rumpere vocibus angues.*

emenda:

emenda:

*Ne vulgata canam. linguas didicere volucrum,
Consultare fibras & rumpere vocibus angues.*

quarum emendationum rationes quaerat qui
volet. mihi quidem ita certae videntur esse, vt
superuacaneum sit ea de re quicquam addere.

*De duum locorum Varronis & aliquot No-
nii restitutione coniectura.*

C A P V T X V.

ET SI ab omni illa veteres scriptores emen-
dandi ratione, quae sola doctorum homi-
num coniectura & opinione constat, semper na-
tura mea vehementer abhorruì, quod eam ma-
gnis illis heroibus, Hermolao Barbaro, Ange-
lo Politiano, Hadriano Turnebo, qui litteras
Barbarorum iniuria prope sepultas, principes ex-
citarunt, & quibusdam etiam amicis meis prae-
stâtibus quidē memoria & ingeniosis hominibus
raro feliciter cadere meminissem: sentio tamē nō
nullas me his *Antiquis* meis coniecturas insper-
sisse, quibus, vereor, efficietur, vt amplius aliquid
libri titulo, quam re ipsa efficere potuerim, pro-
misisse videar. aliter omnino, atque Catoni ac-
cidisse legimus; cuius Originum titulus, à rerum
P. R. ijs libris explicatarum magnitudine, longe
superatur. Neque tamen mihi temperare possum,
quin hoc etiam capite de duobus locis Varronia-
nis opinionem meam, quando à manuscriptis li-
bris hic deficiamus, testatam scripto relinquam.

Et prior

Nonius,
nellus.

Et prior quidē est in satyra Menippaea, quae in-
scribitur; Testamentum περὶ διαθυγῶν. Sic ille *puel-
lus Veneris repente Vado cecidit cruentis olim*. vbi
Iunius scribendum putauit, *fato cecidit*; longius
etiam nos à vera scriptura seducens. Ego, etsi ar-
tem hariolandi non didicerim, tamen hoc loco
hariolari necesse habeo. si rem non tãgo, causam
non dico, quin eodem loco censear, quo illi, qui

Sibi semitam non sapiunt, alteri monstrant viam.
Primum itaque illud, *repente*, vitij manifestum
est; & eius vicem minima variatione scribendum,
apri dente, deinde in, *Vado*, nullus est error, nisi
quod eius capiri nescio vnde, aliena adhaeret lit-
tera: quam si sustuleris, verba Varronis, vti olim
fuerunt, constitueris. sic enim haud dubie scri-
sit Varro.

*Sic ille puellus Veneris apri dente Ado cecidit
cruentus olim.*

Nonius, do-
nim. cō-
tere, ma-
rum.

Adonem vocat, qui alijs est, *Adonis*: mutatione in
huiusmodi nominibus, & apud Graecos & apud
Latinos, valde frequenti. Fabula autem de Ado-
nide, quem Venus amauerit, & quem aper occi-
derit, ijs tantum est ignota, qui, litteris relictis, ad
sophistarum scholas transierunt. Alter locus est in
Eumenidibus, *Endymionibus*, aut *Eudaemonibus*.
neque enim ea de re certo statuere potui, cum
tribus apud Nonium locis tres etiã diuersae sint
scripturae. Verba tamen sunt: *Discumbimus mus-
sati: Dominus matura oua ad cenam committit*. sic
hunc locum varie antea deprauatum primus cor-
rexit doctissimus Stephanus, eumque secutus, a-
pud Nonium, Iunius. Stephanus tamen illud,
muſſati, vt de vitio suspectum eijcere, & si quod
verbum

vocibus;
aturum,
domi-
us.

verbum magis idoneum inuenisset, in eius locū subrogare cogitabat. ego vero lectionis eius, quae alibi est in Nonio, ductum secutus videor affirmare posse Varronem scripsisse: *Discumbimus multi: tum Dominus matura ova ad cenam committit.* nam vetus haec est scriptura: *Discumbimus multitudo minus matura ova ad cenam committitis.* & quibusdam in libris, *multi*, pro, *multitudo*, scribi alij annotarunt. vnde vtraque seruata voce recte mihi scripsisse videor; *multi: tum dominus*. quā emendationem ijs, qui Varronem frequentes in manibus habuerunt, me probaturum non diffido. Ne vero hoc caput nihil habeat certi, & omnia arbitraria; alium Nonij locum adducam, & de scriptura libri Elnonensis, corrigam. *Quoniam* inquit Nonius, *nonnulli veterum, pro eo quod protinus est, protinam vel protinis conuerterunt, exempla de his necessario decerpenda sunt.* Afranius Epistola commissa: *Tum protenis recta domum digredimur.* emenda: *Afranius Epistola: Commissatum protenis recta domum digredimur.* Epistolam enim Afranij non tantum Nonius, sed etiam Festus agnoscit.

in voce,
committere.

Nonius, pro-
tinus.

Festus, quid
nisi, & Ty-
tia maria.

Xantippus Lacedemoniorum dux. ταξινοῖ. Vegetius lib. iii. mendis aliquam multis liberatus.

CAPVT XVI.

XANTIPPVM ducem Lacedemonium, ab Asdrubale Carthaginiensibus auxilio contra Romanos accersitum, magno illis ad victoriā momento fuisse, sub annum vrbis conditae, 1010-
xcviii, Polybius & alij tradiderūt. Quod etiam

K Rena-

Renatus Vegetius, de militari Lacedemoniorum disciplina differens, elegāter explicauit; nisi quaedam grauissima in scriptis illius vitia, omnē sententiam peturbarent, & ne à nobis intelligantur, impedirent. verba sunt: *Quantum autem in proelijs Lacedemoniorum disciplina profuerit; ut omittam ceteros, Xantippi declaratur exemplo: qui Attiliū Regulū, Romanūque exercitū saepe victorem cum Carthaginensibus, non virtute sed artis solo fere auxilio, prostratis exercitibus, coepit ac domuit; vnoque congressu triumphans bellum omne confecit, in quibus illud non satis expeditum est, quid sit; artis solo fere auxilio. nam si quis emendandum arbitrabitur, artis solo fere auxilio, quod huic scripturae proximum est; nescio quomodo mihi quidem nō satis magnam Latini sermonis rationē habere videbitur. neque enim Latini dicere consueuerunt, Romanos victores fuisse cū Carthaginiēsis, sed potius Carthaginensium, vel de Carthaginiēsis. quare locū, ut in libris antiquissimis inuenio, adscribam; & eorū scriptura, veluti penicillo, huius scriptoris, quē ego iure maximi facio, vulnera detergebo. est itaque in illis: *Quantum in proelijs Lacedemoniorum disciplina profuerit, ut omittam cetera, Xantippi declaratur exemplo: qui Attiliū Regulū, Romanūque exercitū saepe victorem, cū Carthaginensibus non virtute sed arte solus ferret auxilium, prostratis exercitibus, cepit ac domuit: vnoque congressu triumphans bellum omne confecit. haec ille. qua de re Valerius quoque Maximus ita scribit: M. Atilius Regulus, ex victore speciosissimo, insidijs Asdrubalis & Xantippi Lacedemoniorum ducis, ad miserabilem captiui fortunam deductus, ac**

missus

Vegetius l.
III. de re
milit.

Li. I. ca. 1

missus ad S. P. Q. R. Legatus, ut ex se & uno
 & sene complures Poenorum iuvenes pensarentur,
 in contrarium dato consilio Carthaginem repetijt;
 non ignarus ad quam crudeles, quamque etiam me-
 rito sibi infestos hostes reuerteretur. Illud etiam non
 recte eodem apud Vegetium libro scribitur: *A-*
thenienses & Lacedemonios, ac Macedonas re-
rum potitos prisci testantur annales. quod erit e-
legantius & rectius se habebit, si ex eodem li-
bro scripserimus: Athenienses & Lacedemonios
ante Macedonas rerum potitos prisci loquuntur
annales. pergamus porro, quicquid est vitiorum
eadem illa praefatione, tollere; & lectionem li-
brorum calamo exaratorum proferamus. Lace-
demonij artem praeliorum scripsisse firman- tur, vs-
que eo, ut rem militarem, quae virtute sola, vel cer-
te felicitate creditur contineri, ad disciplinam peri-
tiaeque studia renocarent, ac magistros armorum,
quos Atticos appellauerunt, inuentutem suam usum
varietatemque pugnandi praeceperint edocere. scribe:
ad disciplinam, peritiaeque studia renocarint; ac ma-
gistros armorum, quos ταξιάρχας appellauerunt, inuen-
tem suam usum varietatēque pugnandi praeceperint
edocere. sic supra dixit: Lacedemonij quidem & A-
thenienses, alijque Graecorum in libros retulere com-
plura, quae ταξιάρχα vocantur. Glossarius Graecus.
ταξιάρχας, ordinarius, dispositus. vnum eadem praef-
atione reliquum est, in quo veteres libri à vulga-
ribus discedunt: quod tamen non magni retule-
rit indicasse, nisi malimus scriptorem suis ver-
bis quam alienis loquentem audire. & vul-
go quidem: Nemo provocare, nemo audet offen-
dere, quem intelligit superiorem fore si pugnet. li-

Ibid. Veget.

Lib. I. cap. VIII.

bera autem vetus, *Nemo*, inquit, *provocare*, *nemo* *audet offendere*, *quem intelligit superiorem esse pugnaturum.*

Delectari in re. atra fuligo. L. Aelius. exigor pecuniam. ex Agellio glossema eiectionum eius defectus aliquot suppleti. Agellius & Caecilius correcti.

CAPVT XVII.

DE CREVICAPITIS huius operam dare Agellio: eumque, saltuatim ac vellicatim nonnulla corrigendo, quantum poterit, meliorem facere. quod nihil esset necesse, si eum, qui ante annos decem eiusmodi correctionem parturit, quo tamen tempore elephantum parere consueverunt, vel nunc saltem suum factum in lucem emissurum opinarer. Agellius lib. I. cap. I. *Comprehensa autem mensura Herculani pedis, secundum naturalem membrorum omnium inter se competentiam, modificatus est atque id ita collegit, quod erat consequens, tantum fuisse Herculem corpore excelsiorem quam alios, quantum Olympicum stadium ceteris pari numero factis anteiret.* scribe & emenda è libro Bussidiano: *Comprehensa autem mensura Herculani pedis, quanta longinquitas corporis ei mensurae conveniret, secundum naturalem membrorum omnium inter se competentiam, modificatus est: atq. id ita collegit, quod erat consequens, Herculem tanto fuisse corpore excelsiorem quam alios, quanto Olympicum stadium ceteris pari numero factis anteiret.* Verba autem, quae à vulgata editione absunt, nisi interijciantur, ut à me factum est, sententiam orationis suspensam relinquunt, neq.

cam

eam absoluunt. Eodem capite, titulus Graecus libri Plutarchi, in Buſſidiano non est: ſed haec verba, vicem eius ſupplet. Plutarchus *in libro qui de Herculis quali inter homines fuerit animi corporisque ingenio, & virtutibus conſcripſit, ſcite ſubtiliterque ratiocinatum Pythagoram philoſophum dicit, in reperiēda, modulandaque, ſtatuſ longitudinisque eius praeſtantia.* quae itane ſcripſerit Agellius, an potius ſint à gloſſemate, nihil aſſeuero. Admoneor ſuperiore defectu, vt alium etiam impleam, & Agellio verſiculum Graecū reddam. Itaque eo capite, quod magnam partem Canterus protulit, *Arbitror, inquit Agellius, & à M. Catone in ſecēda & à Q. Ennio in ſece ſcriptum ſine, v. littera. offendi enim in bibliotheca Patrenſi librum mirae vetuſtatis Linij Andronici qui inſcriptus eſt οδυσσεια. in quo erat verſus primus cum hoc verbo, ſine, v. littera.*

Agell. ibid.

Idem lib.
XVII I.
cap. IX.

Virum mihi Camoena in ſece verſutum.

factus ex illo Homeri verſu, illi igitur & aetatis, & fidei magnae libro credo. Haecenus Agellius. Quis non videt poſt illa verba, factus ex illo Homeri verſu, verſum, è quo ſuum expreſſerit Liuius, deeſſe, & primum hunc Homericæ Vlyxae deſiderari?

ὄνδρα μοι ἔννεπε, μοῦσα πολύτροπον.

quod Canterum fuſiſſe in tot diuerſis Nonarum ſuarum editionibus, non parum miror.

Idem lib. I. Permite, inquit, philoſophorum ampliffime, quoniam reſpondere nos tibi, quos idiotas vocas, non quimus. ſcribe: quoniam reſpondere nos tibi, quos idiotas & rudes vocas, non quimus: ibidem: Inſitque proferri diſertationum Epiſteti digeſtarum ab Ariano primum librum: in quo ille venerandus ſenex iuuenes, qui ſe ſtoicos appellabant, neque frugi neque

Cap. II.

operae probae, sed theorematibus tantū nugalibus, & puerilium isagogarum commentationibus dilatrātes, obiurgatione iusta inaccessit. lego: iussitque proferri dissertationum Epicteti digestarū ab Ariano primum librum: in quo ille venerādus senex iuvenes, qui se stoicos appellabant, neque frugis neque operae probae, seque in theorematibus tantum nugalibus & pueriliū isagogarum cōmentationibus delectantes, obiurgatione iusta inaccessit. delectare se in commentationibus, & παρασιτώνες est; qualis apud Terentium:

Adelph. sc. I

In eo me oblecto: solum id est carum mihi.

ibidem: ultroque verborum & argutiarum fuligine ob oculos audientium iacta sanctissimae disciplinae nomen ementiretur. scribe: atraque verborum & argutiarum fuligine. Idem lib. eodem cap. XVIII. M. Varro doctissimum tunc ciuitatis hominem L. Laelium errasse ostendit. scribe: L. Aelium. de quo prioribus obseruationibus satis multa diximus, de eo enim Varronis magistro locum illum accipi oportere, argumentum huic capiti praepositum declarat: si tamen & ibi L. Aelium, non, Laelium, scribatur. deinde: quod vocabulum Graecum vetus traductum in linguam Romanam pro meraco, & quasi à se primitus latine fictum esset resoluit in voces latinas. liber Buflidianus: quod vocabulum Graecum vetus traductum in linguam Romanā perinde atque latinū prius factū esset, resolveret in voces latinas: reliquis illis eiectis. quae lectio manifeste vera esse ostenditur, ex Varronianis verbis. quae sunt: nam aliquot antiquorum verborū Graecorum perinde atque essent propria nostra, reddidit causas falsas. toto denique capite L. Aelius, non, Laelium, scribendum moneo, transeamus ad
alia

alia. idem lib. xv. Cum sese sciret in tantum crimen cap. XIV.
venisse, atque socios ad senatum questum flentes
venisse, sese maximas pecunias exactos esse. pecunias
se maximas exactos; id nobis videbatur Graeca figura
dictum. scribe: se maximas exactos pecunias, pro eo
quod est; pecunias maximas à se exactas, id nobis vi-
debatur Graeca figura dictum.

eodem capite. Caecilius Hypobolimeo Aes-
schino:

Ego illud minus nihil exigor portorium.

corrige:

Ego illud minus nihilo exigor portorium.

id est, inquit Agellius, nihilominus exigitur de me
portorium.

E Statio Papinio menda aliquot sublat a.

C A P V T X V I I I.

L O C V S est elegans apud Statium Papinium
Achilleide, in quo Achilles Graecis ad bel-
lum Troianum ituris iam adiunctus, omnem
fere vitae suae, potissimum quam sub Chirone
egerat, rationem pulcherrime explicat: ita ut si
quis encomium Achillis, quod apud Graecos
Theon fecit, apud Latinos velit conscribere; non
aliunde scriptionis suae argumentum petere de-
beat. Hic tamen ipse illustris locus adeo est de-
prauatus, ut, quid Achilles dicat, vix, imo ne
vix quidem à quoquam possit intelligi. Versus
sunt:

Haec mihi prima Ceres. Haec laeti munera Bacchi Papinius ex
trema A-
chilleide.

Sic dabat ille pater mox ille per ania secum

Lustra gradu maiore Thetis, visisque decebat

*Arridere feris; nec fracta ruentibus vndis
Saxa, nec ad vastae trepidare silentia silvae.
Iam tunc hasta manu, iam tunc ceruice pharetræ
Et ferri properatus amor; durataque multo
Sole geluque cutis, tenero nec fluxa cubili
Membra, sed ingenti saxum commune magistro.*
quinque, vt minimum, octo versibus insunt menda.
quæ hac sponsia, hunc in modû, elui poterûnt:

*Haec mihi prima Ceres. hæc laeti munera Bacchi
Sic dabat ille pater. mox ire per auia secum
Lustra, gradu maiore trahens, visisque docebat
Arridere feris; nec fracta ruentibus vndis.
Rebora, nec vastae trepidare silentia silvae.
Iam tunc hasta manu, iam tunc ceruice pharetræ,
Et ferri properatus amor: durataque multo
Sole geluque cutis: tenero nec fusa cubili
Membra; sed ingenti saxum commune magistro.*

quam illorum versuum emendationem, nemo,
opinor, eorum qui poesim non aspernantur,
insuper habendam iudicauerit. Eadem de re Val-
I. Ar- lerius Flaccus canit:

*Illum nec valido spumantia pocula Baccho
Sollicitant; veteri nec conspicienda metallo
Signa tenet. stupet in ducibus, magnumque sonâtes
Haurit; & Herculeo fert cominus ora leoni.*

*Vorat ignem. supra est hominemque deumq. flu-
ctusque natantes. moenia mundi. locus Ma-
niliij de Lucretio expressus. varijs locis Ma-
nilius emaculatus.*

CAPVT XIX.

NON totiens Herculi cum excetra res fuit;
quotiens mihi cum Manilio. cui tamen hy-
drae

drae quo plura capita succido, eo plura suppul-
scere sentio. ne itaque lucta sit inanis, & ridicula;
eum suo modo posthac agere iubebimus, si tamē
ante nonnulla, eaque leuia, reciderimus: aut sal-
tem recidenda carptim indicauerimus.

Sen liquor hoc peperit, sine quo riget arida rerum

Manil. li.

Materies, ipsumque vocat, quo soluitur, ignem.

vers.

CXXXV.

corrige:

—ipsumque vorat, quo soluitur, ignem.

mox:

Semper erit genus in pugna: dubiumque manebit

Quod latet, & tantū superest hominumq. deumq.

Lege:

—& tantum supra est hominemque deumque.

Ibid. vers.

CXLV.

paulo post:

Tertia sors vndas strauit, flatusque natantis,

Aequora perfudit toto nascentia ponto.

scribe:

—fluctusque natantes.

subinde:

At parte ex alia claro volat orbe corona,

Luce micans varia: nam stella vincitur vna

Circulus in medio radians: quae proxima fronte

Candidaque ardenti distinguit lumina flamma;

in his, versus tertius longe aliter in libro Gembla-
censi concipitur; & quomodo eum proculdubio
poeta scripsit. nimirum:

—Stella vincitur vna

Circulus; in media radians quae maxima fronte.

nisi forte, quod suspicor, radiat, potius scribendum
est; aut versu illi proximo, distinguens, non, distin-
guit. iam vero illa,

Serpentem magnis Ophiuchus nomine signis.

vers.

CCCXXX

*Diuidit, & toto mergentem corpore, corpus
Explicat.*

si veteris libri scripturam non contemnimus, ita scribemus:

*Serpentem magnis Ophinchus nomine signis
Diuidit, atque etiam totum ingens corpore corpus
Explicat.*

quod tamen à poeta scriptum fuisse, in tanta lectionum varietate, sibi sententia semper constante, nolim praestare. vt contra illud fide mea rectum esse iubeo;

*Et Phoebus sacer ales, & vna gratus Iaccho
Crater.*

pro quo in vulgaris notae libris est:

*Et Phoebus sacer ales & magno gratus Iaccho
Crater.*

aperte versu reclamante. quod qui non viderunt; miror qua parte corporis oculos suos habuerint. dehinc interstitio non ita longo.

*Tunc subeunt haedi claudentes fidere pontum
Nubibus, & mundi nutrito rege capella.*

qui versus elegantissimi minima mutatione elegantiam antea amissam recipient, si ita scribantur:

*Tunc subeunt haedi claudentes fidere pontum,
Nobilis & mundi nutrito rege capella:*

*Cuius ab vberibus magnum ille ascendit Olympū,
Lacte fero crescens ad fulmina, vique tonandi.*

*Hanc ergo aeternis merito sacrauit in astris
Iuppiter, & caeli caelum mercede rependit.*

de capra Amalthea sermo est. de qua Varro, Ovidius, Lactantius, alij multa. deinde:

*Vltima quae mundo semper voluuntur in imo,
Quis innexa manent caeli fulgentia templa,*

Nus-

*Nusquam conspectum redeuntia cardine verso
 Sublimem speciem mundi, similisque figuras
 Astrorum referunt.*

emenda, nisi mendosos habere mauis:

*Ultima quae mundo semper voluntur in imo,
 Quis innexa manent caeli fulgentia signa
 Nusquam in conspectum redeuntia cardine verso,
 Sublimis speciem mundi, similesque figuras
 Astrorum referunt.*

scripsi primum, *caeli fulgentia signa*: de ijs enim loquitur poeta, non de aëre aut de caelo. deinde posui, *in conspectum*: pro eo quod erat; *conspectu*. sententia postulante, & vet. cod. adiuuante. postremo emendaui, *Sublimis speciem mundi*; cum antea legeretur; *sublimem speciem mundi*. cuius emendationis rationem qui petat, idem omni ratione expers esse videatur. subiungam & alias aliquot emendationes priusquam alio propero. illud itaque mendosum est:

*Nusquam turba nocet: nihil illis partibus errat,
 Latius & lepius, mutatoque ordine fertur.*

Ibid. vers.
 CCCC.
 LXXXIII

& scribendum:

*Nusquam turba nocet: nihil vllis partibus errat;
 Laxius aut lenius, mutatoque ordine fertur.*

ne illud quidem bene habet;

*Qua pateat mundum diuino numine verti;
 Atque ipsum esse Deū; nec sorte coisse magistra,*

CCCC
 LXXXVI

cum vetus sit lectio:

Atque ipsum esse Deum, nec forte coisse magistra.
 quam in partem apud Sallustium, Ciceronem, Liuium, alios, frequenter peccatum est. vti infra:

Si fors ista dedit nobis, fors ipsa gubernet.
cum vera sit scriptura:

Si fors

Si fors ista dedit; nobis fors ipsa gubernet.
 Eleganter autem Manilius de placitis Epicuraeis
 differens, Lucretiana verba vsurpat. quale est il-
 lud Lucretio familiarissimum; *moenia mundi*. quo
 etiam lib. III. vtitur:

Cum tantas strueret moles per moenia mundi.
 Sed praestat carmen Manilij à nobis emendatum
 apponere, illique Lucretianos versus, quos expri-
 mere voluit, subijcere. sic enim vtroque sibi ex cō-
 tentione opposito, quid noster sit assecutus, intel-
 ligetur. & Manilij quidem haec sunt:

*Ac mihi tam praesens ratio non vlla videtur,
 Qua pateat mundum diuino numine verti;
 Atque ipsum esse deum, nec forte coisse magistra:
 Vt voluit credi, qui primus moenia mundi
 Seminibus struxit minimis, inque illa resoluit;
 E quis & maria & terras & sidera caeli
 Aetheraque, immensos fabricantem finibus orbes
 Soluentemque alios constare, & cuncta reuerti
 In sua principia & rerum mutare figuras.*

Lucretij autem illa:

*Quippe etenim primum terrarū corpora quaeque,
 Propterea quod erant grauiā & perplexa; coibant,
 In medioque imas capiebant omnia sedes.
 Quae quanto magis inter se perplexa coibant;
 Tam magis expressere ea, quae mare, sidera, solem,
 Lunamque efficerent, & magni moenia mundi.
 Omnia enim magis haec è laeuibus atque rotundis
 Seminibus, multoque minoribus sunt elementis
 Quam tellus.*

Vnam atque alteram maculam in eodem poeta
 deleamus: deinde manum de tabula.

In quo consumit Phoebus lucemque, moramque.

emenda

emenda errorem totiens iam obuium:

In quo consummat Phoebus lucemque moramque.
post vero,

Innuiaque obliqua radiorum munera flamma

Ibid. vers.

Dat pariter minimum nobis.

1511.

scribe, ut poeta scripsit:

Dat per iter minimum nobis.

deinde:

Fila trahunt alti circum comitantia caeli,

Interuallo pari seruantes limite semper.

corrige:

Fila trahunt alti cursum comitantia caeli,

Interualla pari seruantis limite semper.

illud enim, seruantis, omnino ad caelum referendum est. mox:

Non opus est magni casus, sed numinis ordo.
verba suum in ordinem restituendo, lege:

Non casus opus est, magni sed numinis ordo.
qua sententia hoc caput concludimus:

Militia plebi volenti. phrasis Graecorum à Sallustio expressa. Sallustius eam in rem correctus.

C A P V T X X.

SICUTI cum primo ficos propola recentes
Protulit, haud precio ingēti dat primitus paucos:
itidem ego hoc capite facere cogito. cum enim
amplissimas in Sallustiū castigationes, ex varijs,
ijsque oppido quam vetustis libris, domi paratas
habeam, quas breui velim extrudere: nunc vnā
duntaxat vnius loci emendationem, sed illā acerrimo
Adolphi Meckerchi & Iusti Lipsij iudicio,
pro ea

pro ea quae est in summis illis viris maxima omnis doctrinae copia, valde probatam decreui proponere, & hoc quasi lenocinio ad ipsas castigationes cognoscendas lectorem allicere. Verba Sallustij sunt: *Neque illi senatus, quamquam aduersus erat, de ullo negotio abnuere audebat: ceterum supplementum etiam laetus decreuerat. quia neque plebe militiam volente putabatur Marius, aut belli vsum aut studia vulgi amissurus.* quibus verbis errorem subesse, nemo eorū, opinor, omnium, qui se Sallustium superioribus annis satis multi corrigere sunt professi, sentiscere potuerunt. solus Leopardus, cuius doctissimae in omne scriptorū genus emendationes tuo, FRANCISCE NANSI, beneficio nō ita pridem coeperunt videre lucem, locū mendosum esse, & hunc in modum corrigendum videri monuit: *Ceterum supplementum etiam laetus decreuerat, & quia plebi neque militia volenti erat, putabatur Marius aut belli vsum, aut studia vulgi amissurus.* cuius hominis eruditissimi censurae libenter meum adijcerem suffragium, nisi & Priscianus Graecae illi Demosthenicae phrasi, ἀν βελθυμένοις ἡ τοῦτοις ἀκούειν, hanc Latinam Sallustij subijceret, *neque plebi militia volenti putabatur:* & alioqui, verum vt dicam, nescio quomodo illa correctione nimis plebeia & quasi de triuio ea doctissimi historici efficeretur oratio. Riuium, Aldū, atque ipsum adeo Nannium, verborum in libris veteribus mutationem obseruasle nullam, valde miror. Ego vero nullum haecenus librum manuscriptū videre potui, (vidi autem plurimos, & duos in ijs, multos iam annos in collegio Bussidiano, in quo litteratissimus Nannius eloquentiā profitebatur,

publi-

Sallust. In-
guirino.

Emendatio-
num li. IV.
c. XXXIII

in oratione
περί γε-
νέου.